

А. К. МИКУШЕВ, Е. А. ИГУШЕВ

**КОМИ КЫВ
ДА ЙӖЗКОСТСА
ПОЭЗИЯ**

(УЧЕБНОЕ ПОСОБИЕ)

КОМИ КНИЖНОЕ ИЗДАТЕЛЬСТВО 1978



РСФСР-са ВЫСШОЙ ДА СРЕДНЕЙ
СПЕЦИАЛЬНОЙ ОБРАЗОВАНИЕ МИНИСТЕРСТВО
СССР-лы 50 ВО НИМА СЫКТЫВКАРСА
ГОСУДАРСТВЕННОЙ УНИВЕРСИТЕТ

А. К. Микушев, Е. А. Игушев

КОМИ КЫВ
ДА ЙӖЗКОСТСА
ПОЭЗИЯ

(УЧЕБНОЙ ПОСОБИЕ)

КОМИ КНИЖНОЙ ИЗДАТЕЛЬСТВО

СЫКТЫВКАР 1978

Ответственной редактор: *филологияса кандидат*
Г. Г. Бараксанов

ВОДЗКЫВ

Тайо сборниксо дасьтисны студентъяслы отсөг выло Ськтыв-карса университетын велодысьяс. Татшом сборникыс коми кыв вылын пето медводдзаысь на. Сборникас кык юкөн.

Первой юкөнсо лосьодис филологияса доктор А. К. Микушев. Тані сетома коми йоз пöвстын паськыда нималысь, идея да вежортас боксянь медся бур сыланкывъяс, мойдкывъяс, шусьогъяс, нодкывъяс.

Сборниклысь мөд юкөнсо дасьтис филологияса кандидат Е. А. Игушев. Тані сетома коми кыв синтаксис кузя уджъяс, а сідзжö изложение гижом выло некымын текст. Синтаксис кузя уджъяс вöчöм выло да изложение гижом выло текстъяссö босьтома коми писательяс (И. А. Куратов, Нёбдинса Виттор, М. Н. Лебедев, Жугыль, Илля Вась, В. В. Юхнин, Г. А. Фёдоров, Я. М. Рочев, Г. А. Юшков да мукöд) гижöдъясысь. Унджык уджсо тшöктöма вöчны гижöмөн.

© Коми книжное издательство 1978 г.

1. КОМИ ЙӖЗКОСТСА ПОЭЗИЯ

1. Нёрымӧ дядьӧ (мойд)

Оліс-выліс ӧти дӧвеч Нёрымӧ дядьӧ. Гашкӧ, эз и гӧт-расьлы. Зэв лёк паськӧма, дӧмас вылын дӧмас, да ещӧ дӧмастӧм, рузя, зэв лёк шапкаа. Некод дажӧ узьныс сійӧс оз лэдз, полӧны сыысь. Кыны заводитіс лапти. Лапти кыас, вузавны базарӧ нуас. А базарыс зэв ылын. Гашкӧ и кум лун мунны подӧн. Сэк ӧд подӧн вӧлі лоӧ мунны. Ӑтпыр коркӧ сійӧ лапти кыис, мешӧкӧ суйис, базарӧ нуӧ вузавны. Мешӧкӧ суйис дай пондіс, бедь босьтіс да, мунны. А дерт, тӧв вӧлі, кӧдзыд. Бара лёк кышансӧ асьыс кышаліс, лёк шапкаасис да мунӧ. А зэв вӧлі пургаа поводьяыс да кӧдзыд. Бедь босьтіс да дзурлик, дзурлик, дзурлик — сійӧ ӧтпыр-ӧтпыр чотовтӧ вӧлі шаг ӧти кокнас. Сідзи сійӧ и мӧдіс мунны. А зэв пургаа, быдӧн лымйӧн тыри. А гежӧдӧсь вӧліны вӧлӧстьясыс, деревня костьясыс ыджыдӧсь. Пемдыны кутіс, а некытчӧ эз во. Ёна шогсьӧ, маитчӧ: «Талун пӧ кулан войнад татчӧ туй вылас».

Сэсса видзӧдӧ да шор бокас керка сулалӧ. Абу ёна туйсянныс ылын.

«Час пӧ ветла да вӧзйысьла. Кӧдкӧ, гашкӧ, олысь эм. Оз-ӧ лэдзны?»

А туй-трӧпа, пода туй ли мый ли сэн кежыштӧ. Гашкӧ, и вӧла туй. Кежис сэтчӧ, бедьнас стенас тарк-тарк-вартіс: «Эй пӧ, код татӧн олысь? Узьны он-ӧ лэдзӧ?»

А сійӧ кутшӧмкӧ купечлӧн вӧлӧма керкаыс. Курӧгъяс видзӧны тані кык ныв. На дорӧ некод волывлысьыд абу да зэв радӧсь.

«Лэдзам пӧ, дедушко, лэдзам. Пыр пӧ лок, пыр».

А сійӧ зэв лымйӧсь, лымйӧн тырӧма. Найӧ петісны, корӧсьӧн пыркӧдісны, чышкалісны, кыысь бедь босьтіс-

ны, пельёсö сувтöдiсны, керкаö пыртöдiсны, пöрччысьöдiсны. А лёк купайкашöй вöли сьлөн. Дерт лёк, кысь нин бурыс.

«Муса нывъясöй, кытчö нö ме тайö купайкасö пуктыла?»

Найö шуöны: «Лабичас пукты, лабичас».

А сийö шуö: «Лабич улас пукта ме, тайö эськö мед. Да менам öд мешöкын эм лапти. Найöс нö пö кытчö пуктыланныд?»

А нывъяс шуöны: «А найöс ми петкöдам, миян курöгъяс эмöсь да, курöгъяс дорö пö, гидö».

«А мед бара пö оз косявлыны лаптитö курöгъясыд».

«Оз пö, оз, миян пö дажö пакöсьтсö оз вöчны».

Найö босьтiсны да гидад петкöдiсны, курöгъясыд кытөн олöны, да пельёсö и пуктiсны, шымыртiсны да. Но и зэв найö радöсь.

Дедöлы самöвар пузьöдiсны, чайён юктöдöны, кольк пуисны, колькийён вердiсны, курöг кольк уна. Зэв дедö рад лон.

«Нывъясöй пö, нывъясöй, кытчö нö ме вода?»

«Пöлатьö пö, пöлатьö, а ми пö водам крöватьö».

Дедö пöлатьö водiс и, мудзём бöрад да кынмём бöрад, шоныдiнад пыр унмовсис, каргыны кутiс. А нывъяс. «Ки-ки-ки да ка-ка-ка» сэтöни крöватьын. Но сёрнитыштiсны да, дыр эз унмовсьны дай коркö вой шөр гөгöрыд унмовсисны, дай крепыда, ёна унмовсисны. А дедö садьмис и думыштiс: «Час пö ме лаптитö лэчча да косявла, пета да корся да».

Кыштым-каштым пасьтасис-кöмасис, гидö петiс, корсис. А курöгъясыд тöдтём мортсьыд полöны да, быдөн пельёсö чукöртчисны, сы вылö дзоргöны-видзöдöны. А сийö босьтiс да лаптисö быдөн косявлiс. Шыблалiс быдөн гид пасьта торъяссö. Бөр зэв öдийö пырис дай пöрччысис и водiс. Асывводз воис, нывъяс коркö чеччисны. Дедö узьö, чайтöны, а дедö эськö оз узь. Кыштым-каштым найö мыйкö пач ломтiсны, бара мыйкö сэтöни пуыштiсны, жаритыштiсны. Дедö чеччö: «Пöра пö öд мен мунны, пасьтасьны да».

Найö шуöны: «Пуксы, ю-сёй да вöлисти мун». Сэсся и угощайтöны. А сийö:

«Нывъяс, нывъяс, петалöй жö да вайöй менсьым лаптиöс».

Найö петiсны, а лаптилөн сöмын торъясыс гидын. Пырöны зэв шогынöсь.

«Ок-ок-ок пö, дедушко, дедушко, лаптитö пö öд ку-рöгъясыд быдөн косявлöмаось».

Сийö скöрмöдчис и пондiс шуавны: «Пись-пись пö вундала да пот-пот потлала, сё стена öшинь костöдыд пö пета да сё шайт беда пö ме тiянлы вöча. Медбур ку-рöгнаныд пö он мынöй».

Найö повзисны, коньöръяс: «Эн пö мянлы сё шайт бедатö вöч, öшинь костöдыд пö эн пет». Найö асьнысö сэтшöм мыжаөн арталiсны: «Ми пö тэныд медбур курöг-сö сетам».

Сылы вайисны медбур курöгсö. Сийö и суйис мешöкö, ачыс мунiс сералiгтыр.

«А пö, обдуитi пö ме таянöс. Лоис лапти пыдди ку-рöг».

Бара нин мöд лун сийö мунiс. Мöд лун мунiс, тожö, навернö, сiдзи эз во деревняад. Бара жö сэн керка вöча лöсялис. Сэни нин видзöны дзодзöгъясöс. Бара кежис сэтчö. Тарк-тарк бедынас: «Эй, кодi татöни олысь? Узьны он-ö лэдзöй?»

Найö сэн, тожö нывъяс вöли, прислугаяс олöны, служанкаяс.

«Пыр, дедö, пыр, лэдзам! Мый нö ог лэдзö пö туй вив мортöс».

Бара пыртöдiсны дедöс. Пöрччысис дедö, лабич улö суйыштитiс кöлуйсö, лёк валегишойсö пуктитiс паччөрö. Найö пач ломтитiсны, яй жаритiсны, дзодзöг яй. Сэсся вердiсны дедöс, чайөн юкталiсны. Сийö «зэв пасибö, аттьö» висьталiс: «Татшöма пö, зэв пö бура, сёйи. Татшöмасö пö ме некор нин эг сёйлы яя сёянсö. Но, кытчö нö сэсся ме, нывъясöй, вода?»

Найö шуöны: «Пöлатьö, дедö, пöлатьö. А ми крöватьö водам».

Найö крöватьын бара «ки-ки-ки да ка-ка-ка». Мыйкö сёрнитыштитiсны да сералыштитiсны, а дед сийö ывла вив-сьыд пырöм бöрын каргис-узис. Мыйөн нывъяс унмов-сисны вой шөр гөгöрыд, бара чеччис сийö.

«Час ме петала пö да öти курöгöс мошкорита».

Бара кöмасис-пасьтасис, гидö петiс, курöгöс босьтитiс, чуш-чаш быдөн косявлiс. Курöгöс пазöдiс быдөн, косявлiс, быдөн лэбалö гöныс. Бара пырис, пöрччысис, водiс. Водiс, унмовсис ли эз ли. Асывводз воис. Нывъяс бара садьмисны, пач ломтитiсны, дедö пондас мунны, колö мöдöдны. Бара дедö чеччис: «Нывъясö, нывъясö, мен öд пö пöра мунны сэсся. Вайö пö меным курöгöс».

Найö петисны, дедö сэк кості сёйис-юис, а толькө курöглөн гөн летайтö гидын. Бара зэв ёна повзисны, пырисны.

«Ок-ма, ок-ма пö, дедушко, дедушко пö, курöгтö пö öд дзодзөггясуд косявлöмаöсь».

Сійö бара скöрмöдчис: «Пись-пись вундала пö да потпот потлала пö да öшинь костöдныд пета да сё шайт беда пö ме тiянлы вöча, медбур дзодзөгнаныд он мынöй».

Нывъяс повзисны, оз тöдны, мый керны.

«Эн пö миянлы сё шайт бедатö вöч, öшинь костöдыд пö эн пет. Ми пö тэныд медбур дзодзөггөс сетам».

Бара медбур дзодзөггөс сүйисны мешöкө, дедöөс отпавитисны. Дедö бара водзö мунö, дзурликтö. Мойд мойд и эм. Бара лунтыр мунис, бара керка воис, видзöдö да. Эз во деревняöдзыс, а сійö тöдö нин, велалис да, пöвадитчис.

«Час татчö кежала!»

Сэтчöкежис бара, стенас тарк-таркквартис: «Эй, кодi татöни олö? Лэдзöй менö узьны».

Сэн бара служанкаяс олöны купечлөн, видзöны межъясöс. Сэсся пырис сійö. Бара дедöөс пыркöдисны, пöрччысьöдисны.

«Нывъясöй, нывъясöй, кытчö нö пö ме купайкаöс пукта?»

«Лабичас, лабич вылас, лабичас пö пукты, лабичас».

Сійö бара лабичö пуктис, лабич пельöсö.

«Кытчö нö ме вода, нывъясöй?»

Но нывъяс шуöны: «Сёй да, дедушко, ю да вöлисти вод».

Сійöс вердисны-юкталисны бара сэтöни и пöлатьö водтöдисны, а асьныс крöватьö водисны. Бара дыркодь найö сэтöни варовитисны, сёрнитисны. А мöд, кыммөм бöрад, пыр узьö. Пöрысьлөн узьöмыд уна. Бара каргис-узис, вой шöр гөгöр садьмис, нывъяс унмовсьöмаöсь, узьöны, нискöны. Бара кöмасис-пасьтасис, сюсьмис нин öни: «Петала бара!»

Бара гидö петис, сэсся öни öд дзодзөггөс босьтис да бара чуш-чаш вöчис лөк пöрысь кинас, косявлис быдөн, шыблалис сійö гөнсö, разöдис быдөн и бара пырис. Бара водис, узьö ли олö ли сэн. Нывъяс нинөм эз тöдлыны. Асывводз чеччисны да бара сылы — дедöлы — лöсьöдöны сёйны да юны да. Самöвар пузьöдöны. Дедö чеччис да бара:

«Нывъясой, нывъясой, мен пö од колö мунны сэсся. Вайö жö менсым пö и дзодзөгöс». Петисны нывъяс: «Тэ сэй, а ми ваям». Нывъяс петисны дзодзөгла. Толькö гөн бара летайтö быдөн джоджас: межъясыд косявлöмаöсь. Ёна бара зэв повзисны, пырисны:

«Дедö, дедö пö, межъясыд пö од дзодзөгтö косявлöмаöсь».

Сийö бара скöрмöдчис ёна зэв на вылö и пондис стрöжитны найöс:

«Пись-пись вундала пö да пот-пот потлала да. Öшинь костöдыд пö пета да сё шайт беда пö тiянлы вöча, медбур межнаныд тi он мынöй».

Найö повзисны: «Эн пö миянлы сё шайт бедатö вöч, эн пö öшинь костöдыд пет. Ми пö тэныд медбур межсö сетам!»

Сöгласитчис. Межöс суйисны мешöкö. Бара дядьö мешöк мышкас öшöдис и бедь босьтис, зэв скöр, лөгасьöмөн мунис сэтысь. Ачыс шешъялö пиньтöм вомнас, гашкö, пиньыс эз вöv да. Көнкö, шуö:

- «Бара обдуитi ме тайöясöс, сюсяли».

Бара сийö дзурлик, дзурлик, дзурлик, лунтыр дзурликтö. Гашкö, и нарошнö сэни рытсö виччысьö. Воис кутшöмкö шор дорын керка. Узьны деревняöдз нарошнö эз мун. Бөр кежис туйöд, туй-трöца кежö. И кильчö вылö, öшинь улö воис, бедынас торк-торкквартис: «Эй, кодi тани олö?»

А бара нывъяс вöлины. Найö и шуöны: «Пыр, дядьö, пыр. Лэдзам узьныд, лэдзам. Кысь нö пö туй выв мортöс ог лэдзöй!? Пыр, шонтысь, узь».

Пырис. Бара дедöс, сийöс, пöрччысьöдисны, таплялисны кöлуйсö, лабичö пуктисны. Вердисны-юкталисны, гөститöдисны. Зэв благодаритис найöс. «Бура сёйи, вердинныд. Ме пö татшöмасö эг нин сёйльвлы. Но и пö и бур. Кытчö нö пö менö водтöданныд, нывъясой?»

«А дедушко, пöлатьö пö вод, а ми пö водам крöватьö».

А дедушко бара сэсся каргыны-узьны кутис мудзöм бöрад, кынмöм бöрад. А нывъяс дыр на шöпкöдчисны сэтöни, шушкöдчисны и коркö сёрөн нин, бара вой шөр гөгөр, унмовсисны и узьöны-нискöны. А Нёрымö дядьö бара чеччис: «Час пö ме петала меж дорö, öш гидö». А мешöксьыд межтö сийö бара косявлис быдөн лёк пöрысь кинас, чорыд кинас. Мелкие куски быдөн бара косявлис и гидö шыблалис, вот и мешöк тыртöм коли бара.

Пырис да кыньки-каньки пөрчысис, бөр гусьоникон во-
діс. Асывводз воис, нывъяс бара чечёны. Дедушкотө
колө мөдөдны. Найө пуисны сэки нин өш яй, өш ви-
дзысьясид. Жаритисны да дедөөс зэв бура вердісны-юк-
талісны чайон, вердісны яйон, жаритөм яйон. И шуө:
«Нывъясөй, нывъясөй, мен өд колө мунны. Вайөй жө
менсым межөс мешөкысь».

Нывъяс петісны, мешөкын нинөм абу, валяйтчөны
кучик торъясыс да яй торъясыс джоджас, муас. Пырис-
ны котөрөн.

«Дедушко, дедушко, өшъясыд пө өд и тэнсыд и ко-
съявлөмаөсь нин межтө».

Бара дедушко скөрмис: «Ме пө пись-пись шөрала да
пот-пот потлала да. Ошинь костөдныд пө пета да сө шайт
беда ме тиянлы вөча да медбур өшнад пө он мынөй».

«Эн пө миянлы бедатө вөч, сө шайтатө, ми пө тэныд
медбур өшкөс сетам!»

Сылы медбур өш нин сетісны. Медбур өшсө сетісны,
а дедө сэсся зэв нин рад. Петіс-муніс, да нывъяс тай
бөрдөны: «Мый висьталам көзяиныдлы? Миян өш өти оз
понды тырмыны».

А дед мунө-клёнчитө. Муніс, муніс, өшкөс нуөдө. Сер-
мөд мыйкө вөчыштис кыськө, гашкө, аслас гач вөнъсьыс.
Сермөдаліс, туй кузя мунө. Дөзмис, ылын карыд вөлөма.
Туйыд лөк.

А кодлөнкө доддыс жугалөма, заветкаыс орөма,
и пу додь, турун кыскалан пу додь, туй бокас шыбитөма.
Дедө өшкөс сувтөдіс, видлаліс додьсө: позьө лөсьөдны.
Кежаліс туй бокө да понөль керышталіс ли, бадь ли
мый ли, заветка песовтіс, и өшкөс сэтчө доддяліс, дод-
дө пуксис да пондіс мунны. И пондіс ачыс сывны, зэв
рад. Босьтіс киас кузь нөр, өшлы кучкыштө, ачыс и
ссылө:

Лапти не лапти,
Куры не куры,
Лебеди не лебеди,
Баран не баран.
Бычө не бычө,
Пруч, бычө, домой.

А бычө лютік-летік, лютік-летік гөнитыштас и оз өд-
йөтө вермы.

Локтө көч. Петөма вөрысь и шуө: «Нөрымө дядьө,

вай менö босьт додяд, зэв тай тэ мичаа сьылан. Катит менö тшöтш, ме кывзышта тэнö».

А Нёрымö дядьö шуö: «Ог босьт, менам пö зэв омöль заветкаöй да, орöдан пö».

«Менам пö öд зэв кокныд тушаöй, менам пö öд пушистой гөнöй, толькö кучикöй, пуксьöд пö».

«Но пö пуксьы инö!»

«Кытчö нö пö тэ мунан?»

«Ме пö базарö муна, öшсö тайöс кöсья вузавны».

«Ой, ме пö базарсö эг на аддзывлы, вот пö менö и катит базарöдзыс».

Вот сэсся и мөдöдчис сийö мунны. Бара пондiс сьывны. «Ноко, сьылышт, ме пö кывзышта».

«Но сьылышта, кывзан кö».

Лапти не лапти,
Куры не куры,
Лебеди не лебеди,
Баран не баран.
Бычö не бычö,
Пруч, бычö, домой.

Бычö бара лютiк-летiк гөнiтыштас. Руч локтö дай шуö: «Нёрымö дядьö, зэв тай мичаа сьылан, вай тшöтш менö босьт додяд. Кытчö нö пö тэ мунан?»

«Ме пö базарö öш вузавны муна».

«А ме пö базарсö эг на аддзыв, вай пö нуöдлы менö».

«Но коли эн аддзыв дак, пуксьы но, ветлам пö».

Но сэсся руч пуксис и шуö:

«Нёрымö дядьö, зэв тай вöли мичаа сьылан, сьыв, ме кывзышта».

«Но кывзан кö пö, сьыла».

И пондiс Нёрымö дядьö сьывны бара.

Лапти не лапти,
Куры не куры,
Гуси не гуси,
Лебеди не лебеди,
Баран не баран,
Бычö не бычö,
Пруч, бычö, домой.

Бара ньöрийөн кучкис. Öш лютiк-летiк, лютiк-летiк гөнiтыштiс, и кöин паныдасьö. Кöин бара шыасис:

«Нёрымö дядьö, кытчö мунан? Босьт менö пö тшöтш доддяд».

«Менам пö доддыс тыр нин, ог пö нин тэнö пуксьöд. Менам пö заветкаöй омöль, да орас».

«Ме кöть пö кокъясöс öшöда, ме пö сідз муна. Абу пö öд ме сьökыд, менам пö öд бöжöй толькö пушистой, ыджыд».

«Но инö пö пуксьы».

«Ме пö базартö эг на аддзыв да, нуöд пö тшöтш менö базарад».

«Ветлам, но коли эн аддзыв дак, видзöдлы».

Вот и пуксис кöин. Пондiс мунны.

«Нёрымö дядьö, зэв тай тэ вöлі мичаа сылан, вай пö сылышт, ме пö кывза».

«Но инö сыла, кывзан кö»,— шуö и бара-заводитiс:

Лапти не лапти,
Куры не куры,
Лебеди не лебеди,
Баран не баран,
Гуси не гуси,
Бычö не бычö.
Пруч, бычö, домой.

Бара кучкыштiс, кучкис. Бычö лютiк-летiк, лютiк-лётiк. Ош паныдасис туй вылас, туйсö вомөн вуджö и шыасис:

«Нёрымö дядьö, кытчö мунан?

Сiйö шуö: «Базарö ме муна, базарö. Öшкöс кöсья ву-завны».

Ош шуö: «Менö тшöтш босьт доддяд, ме базарад эг на волев, тшöтш видзöдла пö».

«Тэ пö зэв сьökыд да, ог пö, менам пö доддыд весиг лямалас, омöль пö доддöй, заветкаыс пö орас, некодлы пö вöчныс».

«Артельöн пö вöчам, босьт».

«Но инö пö пуксьы».

Мыйöн ошкыд валитчис, заветкаыд и ори. Но и лямалi доддыс.

«Но мый кутан керны? Чер ни пурт пö абу. Кодi пö ветланныд заветкала, вөрö кежаланныд?»

Первой öчередь пö кöчлы, зайкалы.

«Зайка, мун пö да вай заветка, песовтам, пуктам».

А кöч вөрö пырис да, гөнйайтiс да, гөнйайтiс, а што за

заветка, мый пö колö — нинöм оз тöд. Кутшöмкö ростор, кос ростор кватитис да вайис. А найö виччысьöны сэтöни. Ош сулалö. Кос ростор сетис, а дедö скöрмис.

«Ой, пö тэ, йöй кöч пö и эм тэ, кöсöй. Мыйла пö тайöс вайин? Таысь пö нинöм оз артмы».

Ручлы öни öчередь.

«Руч пö, ветлы! Тэ пö абу-ö сюсьджык, мыйкö пö вай бурджыкöс».

И найö оз тöдны, кутшöм сийö заветкаыс. Мунис да бара гöняйтис, гöняйтис, вöрын гöняйтис да бара кутшöмкö ростор, понöль кыськö вайис, пиняс босьтöма, локтö, кыскö. «На пö».

«А тайö пö öд оз шогмы. Мыйла нö пö тайöс вайин? Колі пö уль ньор кыськö вайны, кöть пö понöль ли мый ли».

А кысь пурттöгыд?

Но кöинлы öчередь ветлыны. Сэсся кöин мунис. Бара ветлис-ветлис, рысйис-рысйис вöрын, нинöм эз аддзы да сідз жö кос понöль кыськö кватитис да кыскö. А дедö нин скöрмис на вылö.

«Орöдныд пö, додьтö жугöдны верминныд, а заветка пу вайны некод он вермöй. Видзлöй пö öшсö, а ме пö ветла ачым».

А ош шуö: «Ме видза, видза, мед оз мун».

Но, а мыйкö керис сэсся дедö, ачыс вөрö пырис, пондис вöрын келавны лымйöд, дыркодь лои, нинöм эз сюр. Отиöс тракъяс, мөдöс тракъяс. Но, сэсся эськö заветка пуыд и сюри, а сэк кості пышъясны кöч да руч, а ошкыд öштö косявлас, куляс. Яйсö сёяс, кыткö нуас, гуалас, гашкö, кытчöкö лымйö и кучик пышкас сюялас лым. Но мыйöн сэн вурас, ог тöд, вурас тай кучиксö-а. И пу дорö, кокас майөгъяс сюялас, бедьяс, и пу дорö сувтöдас öшкöс, а ачыс пышъяс вөрö.

Дедö локтö, сьылö быдөн. Видзöдö — зэв рад: öшкыс сулалö öтнас, зэв спокойнöй, седокъяс абуось.

«Но, öни öтнамөн лоа».

Локтис, сьылö, заветка песовтис, вөлöс кöсийö дод-дьявны. Босьтис, кутчысис поводö, öш клупкылö-пöри, куш кучикыс бедь йылын. Шогö воис: базарö нуны нинöм эз и ло, куш кучиксö босьтис, мешöкö суйис, тапыльтис дай мунис базарö. Дерт, сийö сэтöни кодлыкö вузалис мыйкö донысь. Ог тöд, донысь-ö вузалис сийö, ме эр вöv сэни да.

2. Ош да мужик (мойд)

Оти дядьо мунас вөрө нөвина керавны. Вөр пөрөдө. И локтас сэтчө, сы дорө, ош дай шуо:

«Бог помощь пө, дядьо. Менө пө босьт төварышө, тэ пө тай өтнад».

А дядьо и думайтис: кутшөм отсөг ош помысь, абу сийө морт.

«Ог пө,— шуө.— Мый пө тэысь пөльзаыс? Тэ пө өд он вермы нинөм керны. Тэнад жө ки абу. Певыйд пө абу, да чертө кутны он вермы».

А мөдыс шуо:

«А ме пө кызкө думайта тэныд отсасыны. Он кө пө паяд сибөд, сёравно пө тэ татысь нинөм он босьт».

А мөдыс и шуо: «Но, мый сэссия керан? Пөльза кө меным оз ло, мыйла ме уджала. Сибөда инө пайө, шуө. Договорөн пө толькө: меным пө мый воас татысь, мый быдмас, ме йылас кутчыся. А тэн пө унджыксө сета. Ме пө, мыйта тадзи шамыртны йылыс судзө-сюрө, сийө пө ме босьта. А улыс пө ставнас тэныд».

А ош зэв рад лон. Коркө и нөвина уджалісны, ректисны, көдзисны быдтор нин сэтөні. Ош тшөтш видзөдө да кор мый да. Кутшөмкө, колөкө, и пугоръястө шыбитө бөквив дай.

Коркө и налөн сю кутис воны, зэв бур сю воө, вундыны ковмис. Дедө локтис вундыны. А ош оз лок вундыны. А дедө и шуо: «Он кө пө көсий тэ меным отсавны вундыны, ме пө тэныд и нинөм ог сет. Дажө и вужсө ог сет».

Ошлы, көнешнө, колө и вуж. Коркө локтис ош, вундис ли эз ли. Қысь сылы вундыныс? Отнас, гашкө, старик вундис. Вайис, сэтчө пуктис плака да чер. Қольта йывьяссө ставсө черөн тшөтшөдліс. Черөн тшөтшөдліс да, мый сэтөні налөн вөлі, мешөкьясө ли мый ли сюяліс. Гашкө, пыжөн воліс, пыжа туй вылын, пыжө сөвтис. Нуис став йывсө гортас. А идзастө сэтчө коліс. Ошлы и шуо: «Вот ещө тэныд коли и вужйыс. Сийөс ещө нетшкы. Дөвөлен?»

А мөдыс шуо: «Дөвөлен, көнешнө, довөлен».

Дедө муніс. А ош кольчис идзас вылө. Дедө сютө коркө изөдіс пызьө да шобді нянь кодь чөскыд нянь төвбыд сөйис. А ош мульчикаліс кос идзас да вуж. Сылы нө мый, коньөрлы? Нямляліс, а пөльзаыс абу. Нылыштныс оз вермы. Нямлялас, нямлялас, мульчикалас и киш-

като косявлө сылөн. Дерт, прамой сёйомыс сылөн эз нин ло. Сидзи и олісны. Во проводитісны. А дедө бара муніс вөрө. Буракө, мусө важөн оз ещө быдөнлы вөлі сетны. Сылөн эз вөв муыс, гөран-көдзаніныс.

Бара думайтө: «А мен пө эськөн көть вөрас мунны да сёркни көдзны, вөчны му».

Керавны сійө нивъя места корсьө сёркни көдзны. Дедө ветлөдлас, ветлөдлас вөрөд. Сэтшөм бур места сюрө, нивъя. Вына, съод муа местаыс. Видлалас — гөдит-час сылы. Кералас сійө путө, косьтас шонді водзын, сотас. Сёркни койдыс лөсьөдіс кыськө. Муніс сёркни көдзны. Бара ош сэтчө воис. Бара воис, кыськө явитчис дай шуө: «Ок, пө тэ пө зэв мудер вөлөмыд. Менө пө ёна жө тэ обдуритін кольөм во. Тэ пө йывсө сёйин, а ме пө вужсө сёйи. А таво пө ме ог сөгласитчы. Ме пө таво йывтө босьта».

А старик шуө: «Таво пө и ме вужсө сёя. Кольөм во пө тэ вужсө сёйин-а. Сета пө и ме тэныд йывсө».

Ош зэв рад лоис.

А сёркни сэтшөм гырысь артмөма, юр кодь быдөн. Коркө нетшкисны, зэв радөсь. Тшөтшөдісны, дедө бара нуис сэтысь сёркни. Зэв уна сюрис налы, съод му вылө көдзлісны да. А ошлы коли толькө корйыс. Ош ёна эз красуйтчы, куш сёркни корйөн. А дедө нуис да төвбыд пөжөм паренча сёйө. Дерт, сійө ёна уна вөлі. И думайтө: «Кыз эськө локтан во меным овны?» «Часлы пө ме пукта таво капуста. Капуста пө пукта. Таво, гашкө, бара сёянторыс лоө».

Онисө ош сёйис йывсө, а мөд воас нин бара көсий дедө сёйны йывсө, капуста мачьяс.

Бара коркө муніс, гашкө, и воддза местасө копайтис зырийөн. Вужьяс жугөдіс. Пуктис сэтчө, садитис капуста. И капуста старайтис, ёна и быдмис сійө зэв бура, зэв гырыся. А ош тожө век видзөдливны воывлө, шуө: «Таво пө ме йылад ог нин кутчысь. Кык во пө нин сійө менө обдуритис. Воддза воас пө вужсө сёйи, сійө йывсө сёйис-а. Сэсся пө ме сёйи йывсө. Сійө пө вужсө сёйис. Таво пө ме йылад ог кутчысь. Кольөм во пө ёна мучитчи. Таво пө бара вужьяс кутчыся».

Коркө капуста керны ковмис, ар нин лои, покров. Дедө локтис, гашкө, вөвьясөн, додьясөн, капустаала. Кералөны капуста мач.

«Миян пө договор сэтшөм, таво йывсө тэн сёйны!—

ош шуо стариклы.— Таво по ме ог кутчысь йылад. Тэ по кольом во обдуритин мено».

Дедо, гашко, и кык додь тыр капуста мач кералис да гортас нуис. А ош подсо нетшкис дай тожо аслыс гуас нуис. Гу дорас, кон сийо оло, меститис. Бара старик обдуритис.

3. Поп да казак (мойд)

Корко воли поп оло деревняын. Дыркодь нин оло, казакос видзо. Казакыс сэтшом кузя нин олис да сэтшом эз понды дажо поп гозьясы повны. Ачыс пондис козяитны. Некытчо сысы он мын. Ветлас конко недыр и бор локто. Велалома ичотысянь, томысянь на ордын да пыр сэтчо и кыссыо гортю моз. А корко поп и шуо готырыслы:

«Мый но по сесся ми таысь эго пондой мынны? Кытчюко коло мододны. Чортыс ко по сесся тайос видзас-а? Ми по од сесся ог нин вермой».

Корко и шуоны:

«Тэно по сесся мододам. Ми по сесся тэно ог нин вермой видзны. Тэ по вывти миянлы дона, уна сёян да омюля уджалан да. Чортьясыс по мед тэно вердасны. Мун по ми дорысь».

А сийо сероктис дай шуис: «А ме по найос ог и тод, кон по и чортьясыд олоны, чортьясыд по да бесьясыд».

«Чортыд по ворян оло, а бесыд по ваын оло,— шуо попыд.— Бесыслысь по коло корны, мед по меным мынтысяс».

«А вот по ме кора сылысь».

«А кызди тэ коран?»

«Заставита мынтысьны!»

Но мунис корко отчюд ва дорю дай шуо:

«Чортьясой по дай бесьясой, ме тиян пыдди тшотш сёя. Меню по козяева видоны, уна по сёя да. Мед по меню чортьясыс да бесьясыс видзасны. И вот ме тиян дорю локти».

Найо повзисны: «Мыйся по тайю морт локто ми дорю, бесьяскод овны? Эз на некор татшом диво лолы, мед вөзийсыо, а быдон пышйоны да полоны».

Мыйко повзыштисны: посниджык бесьясыс пырисны ыджыдджык бес дорас, шуоны да висьталоны. Ыджыдджыкыс дивуйтчис. Дивуйтчыштіс дай шуо:

«Но пö татшöм мортыс эз на вöвльв. Некод на пö эз вöзйысьлыв. Казьтывны пö эськö казьтывлöны, но петкöдчыны пö некод на эз корлыв. А тайö пö прамö овны вöзйысьö. Босьтамöй пö, вайöдлöй».

Вот сэтчö сийöс пыртöдисны. Пыртöдисны. А сийö зэв сильнöй вöли: поп ордад олö, ёна сёйö, омöля уджалö. Ён зэв вöли. Первой пондiс сийö балуйтчыштны, челядьыдкöд дурны. Но, а сылөн киясыс чорыдöсь вöлины, уджалан ки. Öтиöс дойдö, мöдöс бöрдöдö. Вот и пондiсны жалуйтчыны беспияныд ыджыдыслы, мыйкö мам ли бать ли сэтöни:

«А мянöс пö вот тайö мортыд пондiс öбидитны, ми пö дöзмим. Сийö пö окотитö чöртъяс ордö мунны. Колö пö чöртъяс ордö нуöдны».

А мый керан? Челядь эз пондыны любитны, беспиян. Коркö шуö медаджыд бесыс:

«Тэ пö сэсся, мортöй, эн нин ов. Ми пö сэсся дöзмим тэысь. Не прöста пö тэнö попыд вöтлiс. Тэ пö и уна сёян, и челядьöс пö нин кутiн öбидитны. Вот пö быдөн нин доймалiсны, бöрдöны. Вай пö мун мянысь чöртъяс дорö».

А сийö и думайтö: «А кысь пö найöс корсьныс, чöртъяссö? Кытчö пö и ме муна?»

Петiс эськö сийö васьыд, бесьяс дорсьыд. Но мунныд некытчö, оз тöд. Кытчö муна? Пондiс коркö и вөрöд ветлöдлыны, көн чöртъясыс олöны.

«Колö пö мен эськö чöртъяс дорö мунны. Меысь пö быдөн пондiсны дöзмыны. Мый пö сэсся, кытчö воштысян?»

Чöртпиян нюрын олöны вöлöм сэтöни. Кылисны, кодкö ветлöдлö дай найöс казьтылö. Локтiсны ыджыдыс дiнö и шуöны:

«Вот пö сэтöни öти морт вöзйысьö овны, ёна пö казьтылö и, кöсийö пö мянкöд овны».

Ыджыд чöртыс шуас пияныслы: «Мунöй пö вайöдöй сийöс татчö. Мед пö олыштас, олас мянын. Тöрас, мян пö ыджыд нюрыс».

Чöртпиян ветлiсны сы дорö и вайöдöны поп казакöс. А поп казак вöли сэтшöм шустрöй быд удж вылö. Быдлаö уськöдчö, быдлаö пырö. Но и эз зевайт найöс ляскöдыштны ёна зэв. И шуöны нин ыджыдыслы:

«Вай пö тайöс кытчöкö местит, ми пö сэсся талысь ог нин вермöй видзöдны. Ми пö дöзмим. Дойдалö пö мянöс, нöйтö и быдсямасö». Коркö ачыс пондiс чöрт шуны:

«Мый пö тэ, кызикöн ачуд чувствуйтан, виноватöн али он, а миян пö челядь жалуйтчöны тэ вылö, пиян. Кытчökö пö вай мун татысь».

«Но сэсса пö и мен воштысьныд некытчö: попъяс ордысь вöтлісны, бесъяс вöтлісны, чöртъяс вöтлісны. Мен толькö нин небесаö кайны. Кыдз пö ме сэтчö кая? Менö пö катöдны колö тиянлы».

А найö шуöны: «Ми пö небесаад матö ог сибалöй. Тэ пö кызкö ачуд кай».

А öти и шуö: «А ме пö вот кывлывлі, сэтчö пö кайны зэв кокныд. Кöнкö пö земля гөгöрыс кытшовтан да, зэв джуджыд пос эм. Сэті пö колö кайны, но оз пö ков тыр-тöм киöн кайны. Кайны пö колö, мөс туша катöдны».

Сійö и шөгö воис:

«Но кызд нö пö сійö содйöдыс, дай кузь зэв содйыс, мөс туша пö кызди катöдан? Если кö эськö быгыльтны увлань, кöть и уськөдан».

Зэв сійö ёна шөгö воис. И бара поп ордад муніс аслас шогысь. Муніс, пондіс и норасыны:

«Вот пö, батюшко, отец-батюшко, меным пö олөм местаыд эз ло. Ме пö чужи бать-мам ордын, а ті ордын пö кыз нэмөс коллялі. Öні пö ковмас тиянлы менö видзны. Менö пö некытчö оз сибöдны, толькö пö ыстöны небесаö».

А поп и шуö: «А вот пö, ёна кö юрбитан, ме пö служитны кута, а тэ тшыгйöн понды овны да юрбитны. Вот пö ме сэки тэнö видза, тэ пö воан небесаö».

Казакöс пондісны поп ордын видзны. Поп лыддысьö, а поп казак юрбитö. А сёйны оз тшöктыны. Поп казаклы сійö аслыс эз глянитчы, мый тшыгйöntö молитчны. Сійö и пондіс гусясьны сэсса. Попаддя пуас-пöжалас мый, сійö пондіс гусьöн сёйны. И казялісны, мый кодкö вөрöшитысь лои, гусясьысь. И пондісны сійöс видны. Шуöны: «Тэ пö гусялан!»

Сійö шуö:

«Ог пö!»

«А коді пö?»

«А чöртъяс волöны, чöртъяс да бесъяс пö волöны да, найö пö сёйöны».

Скөрмис поп да ыстіс казакöс небесаö, мөскöс сестіс и.

Кайис, сэтöн сэсса ангелъясыс кöмтöмөсь ставныс. Кöмтöм ангелъяс, кынмöны, коньөръяс. Сійö мөссö чакис да кучиксьыс пö кöмъяс вöчаліс, кöмöдаліс ставсö.

Сэсса сылы ковмис лэччыны. Бара небесаад сійос эз видзны, пондіс бушуйтчыны да. Мөдөдны пондісны, да поскыс эз сюр, поскыс. Сэсса нуөдісны ангелъясыд, көн вөлі төлөдчөны. Төлөдчөны да, йикисө куталисны. Йики кузяыс пө гез кыисны да сідзи лэччөдісны. Лэччөдісны, төлөдчанінө сэсса воис. Сэсса и пом.

4. Шыр кывтө-катө (мойд)

Олоны-вылоны шыр да катша кыкөн вөрын. Но керканыс вөлі зэв лөкиник, кодлөнкө кутшөмкө охотниклөн эновтөм банька, киссьөма, пөлөс.

Шыр ваялө сөян, катша көзьяйничайтө гортын. Шыр ветлас деревняө да кыськө шеп ваяс да мый да. А катшалөн вөлі кык изтор лөсьөдөма, мольөдас да сійө толчитас, пызь вөчас. Сэсь рок пуө да нянь пөжалө.

Өтпыр, өти лунө и шуө шыр:

«Ме муна, а тэ яй пу. Рок пу, шыдөса рок. Пачө пө ме суйи нин ыджыд гырничөн. Тэ пө недыр нөрөвитан да, мед оз сотчы, кыскыв пө да гудрав. А ме пө рытөдз ог во».

Катша коли көзьяйничайтны. Катшалөн вунлі нин сійө рок гудралөмыд и друг коркө луннад дум вылас уси: «О, ме өд вунөді, ме өд роктө эг гудрав пө. Час кыскыла да гудрышта».

А пачыс өдъя вөлі, вөрад олоны да, пескыд уна, да өна ломтөма. Сылөн сэтөні нин гырнич дорыд зэв өна доналөма, өгыра пачад суйөма да, дон, пөсь. Рокыд нин сэтчө сукмөма зэв. Дар босьтис, көсийө гудравны роктө. Гырнич дорас пуксис кокнад, кокнад пуксис, кокыд сотчис, эз слөймы мөдарө шыбитчыны, и гырничад уси катшаыд. Пөсь рок гырничад сэні и пусис катшаыд.

Коркө рытөдз сэсса оліс шыр, нур өктис, вайө шепъяс да мый да. Ветліс, көні сү кодзөма. Локтис, некыт пырны, игана быдөн.

«Катша, катша, восьт, восьт, мө локта пө. Ме пө вая нур тэныд. Чөскыд анькытш пө вая да шобді шепъяс пө вая да, восьт пө, восьт».

А катша оз восьт. Пырны некыт. Лөк, дзоньталөма, суйышталөма да мый да вөлі керкаыс.

Кызкө писькөдчис, өдзөссө жугөдіс шыр, пырис. Асылыс ыджыд розь оз ков, шырлы. Пырис. Көн нө талун катшаыс? Оз шыась.

«Қатша, вай ужнайтам пө, менам пө кынөм сямалө». Видзөдліс, а пач водзын гырнич, рок гырнич.

«А тайө пө тай кытчөкө мунөма, роктө пө тай кыс-көма дай, сөйөма, гашкө, дай. Кытчөкө пө мунөма. Час пө ме өтнам ужнайта».

Дар босьтіс, пондіс лөдны тасьтіө, а сэтөн мыйкө чорыд. Дарнас лэптыштис, а катша сэтөні пусьөма. Первойсө зэв жалитыштис катшаөс.

«Сэссия пө и өтнамөн коли. Сэссия пө кодкөд олан?»

Гажтөм лои. А мөд ногөн думайтіс: «А ме пө өд тайөс сөя, ачым жө пөльзуйтча!»

Вот сійө яй сөйис төрыт и талун и. Қатша яй сөйө. Шырлы лун кык-куим тырмис. Көясө босьтіс да видла-лө, мый вылө пө эськө тайө гөднөй.

«А тайө пө вот меным,— думайтіс сійө,— пыж вылө зэв жө лөсьыд».

А сәні вөлі зэв ыджыд ты, көн найө олоны. Тайө пө вот тын пыжөн плавайтны лөсьыд.

«Час пө ме петала да видла».

Көя пыж чатыртіс ва вылө. Пуксис — зэв лөсьыд. Неуна төврүа вөлі, да сійө ты вылын өтар-мөдар и плавайтыштө пыжөн, а ачыс сьылө сэтөні:

Шымыл-дымыл-дымыл-ды,
Шыр кывтө-катө
Қатша көя пыжа.

Сьылө сійө, а мой локтө. Мой шыасис:

«Шымылды дядьө пө, босьт пө менө тшөтш пыжад төварыш вылө, зэв пө мичаа сьылан да».

А сійө шуө: «Менам пө зэв дзоля пыжыд, пөрөдан пө тэ. Ог пө кыкнад лыбөй».

«А ме пө өд дзоляника өшөдчышта кызкө, кокъясөс пө өшөда, босьт пө тшөтш!»

А шыр и думыштис, шырлөн пиньясыд есь: «Мед пө пуксьылас, ме пө тайөс джагөда регыд».

Мыйөн пуксис мой, шыр сьылі вылас кайис, йирис бы-дөн. Мөдыд пессис, пессис, пессис. Шырлөн лэчыд гыжъя-сыд да цап кылө кутчысис сэтчө да эз вермы уськөдны мойыс. Қучиксө кулис, яйсө сөйис пөттөдзыс, пыжө пук-тіс, а мой лопйысь вөчис пелыс.

Кынөм пөтіс да бара пондіс сьывны:

Шымыл-дымыл-дымыл-ды,
Шыр кывтө-катө

Катша кӧя пыжа,
Мой лопта пелыса.

Сэсса и вурд локтӧ. Вурд локтӧ, бара и шуӧ:

«Шымылды дядьӧ, босьт менӧ пыжад. Зэв пӧ тай лӧсьыда, мичаа сьылан да ме пӧ кывзышта».

Сэсса бара шуӧ: «Менам пӧ пыжыд дзоля да, пӧрдан пӧ тэ, ог пӧ ме босьт».

«Босьт пӧ, босьт, ме пӧ ӧд ог ставнам, став тушанам валитчы, дзоляника пӧ ӧшӧдчышта дай».

«Но пӧ сідзи кӧ инӧ вай пуксьы».

Пуксис сэсса вурд.

А сійӧ валаньӧ йӧткыштчис и вурдлы бара голя вылас бӧрсянныс кайис, йирис голясӧ, орӧдіс и вот сідзи жӧ кучиксӧ кулис, яйсӧ чукӧрӧ тэчис и кучиксӧ вольсалис, сылӧн нин ыджыд лои, вольпась пасьта. Ыджыд кучик нин лои. Зэв нин сэтӧні спокойнӧ. А бӧжсьыс керис зіб, йӧткасьны сійӧн. Бара сьылӧ ӧтнас:

Шымыл-дымыл-дымыл-ды,
Шыр кывтӧ-катӧ
Катша кӧя пыжа,
Мой лопта пелыса,
Вурд бӧж зібъя.

Кӧч локтӧ. Веж видз вылад кӧч петӧма вӧрысь дай кыліс, локтіс, матыстчис, код сэтӧні сьылӧ. Видзӧдӧ да, шыр пукалӧ пыжын:

«Шымылды дядьӧ пӧ, зэв пӧ тай мичаа тэ сьылан, вай пӧ менӧ тшӧтш босьт пыжад. Катайтышт пӧ пыжнад».

«Ог,— шуӧ.— Тэ пӧ зэв ыджыд да менӧ пӧ путкыльтан. Сьӧкыд пӧ да вӧйтан пӧ менӧ».

А кӧч шуӧ: «Ог, ог вӧйт, ме ӧд зэв кокныд пӧ, только менам гӧнӧй кузь. Ме пӧ ог сполнӧя пуксьы».

«Но, сідзи кӧ пуксьы инӧ».

Пуксис бара, сійӧ нин велалӧма, шыр. Бара дыр эз и думайт, кӧчлысь голя орӧдіс, кучиксӧ пӧрччис. А сылӧн нин яй лои уна, ыджыд чукӧр. И думайтӧ: «А лӧсьыда жӧ пӧ и ме тан тӧвъя сэсса. Час пӧ ме татысь шапка вӧча, кӧч куысь».

Кӧч куысь и шапка вӧчас.

«Ме пӧ сэсса тайӧ-яйнад тай и тӧвъя, тырмас мен».

Кӧч ку шапкаасис, бара пелыс босьтіс, берег дорысь зібйӧн йӧткыштчис шӧрлань, бара кутіс сьывны:

Шымыл-дымыл-дымыл-ды,
Шыр кывтö-катö
Катша кöя пыжа,
Мой лопта пелыса,
Вурд бöж зібъя,
Кöч ку шапкаа.

Руч локтö, вöзйысьö:

«Шымылды дядьö пö, босьт менö пыжад».

Мöдыс шуö: «Ог босьт пö, тэ пö пöрдан менö».

Мöдыс шуö:

«Ме зэв спокойнöя кута пукавны, ог пöрöд, эн пов.
Абу ме сьöкыд, ог вöйт. Менам бöжöй толькö видзöдныс
ыджыд, пушистой. А ме ог и став тушанам валитчы,
кокьясöс ваас öшöда».

«Но инö пуксьы пö, катайта».

И пуксис бара руч.

Берег дорысь йöткысис беддьөн. Ручлы сийö бара
голя вылö бöрсяныс пуксис. Руч сэтöни пессис, пессис,
пессис. Сылөн вöли лэчыд зэв, шырлөн пиньясыс, орöдис
бара голясö сылысь. Кучиксö кулис, яйсö вевтялис, пы-
жö пукталіс, да сэтысь и кепысь вöчис. Руч ку кепысь.
Пуксис бара и пондіс сывны, кынём пöt:

Шымыл-дымыл-дымыл-ды,
Шыр кывтö-катö
Катша кöя пыжа,
Мой лопта пелыса,
Вурд бöж зібъя,
Кöч ку шапкаа,
Руч ку кепыся.

Кöин локтö. Кöин тшыг, кынöмыс сямалö, кыськö
оз-ö мыйкö сёянтор сюр. Қыліс сьылём шытö да, локтö.
И бара вежыс петіс шыр вылö:

«Шымылды дядьö пö, босьт менö пыжад».

А сийö шуö: «Ог босьт, тэ зэв ыджыд, вöйтан менö».

«Ог вöйт, ог вöйт. Ме öд абу ыджыд. Ме öд толькö
көр кусьыс ыджыд, а ме, шуас, тшыг, кынёмöй дзик тыр-
тём, куш кучикöй менам. Босьт».

«Но инö пуксьы».

Кöин пуксис шырлы пыжö. Шыр бара орöдис сылысь
голясö и пондіс сывны:

Шымыл-дымыл-дымыл-ды,
Шыр кывтö-катö
Қатша көя пыжа,
Мой лопта пелыса,
Вурд бөж зібъя,
Көч ку шапкаа,
Руч ку кепыся,
Көин ку эшкына...

Сэсса и ош локтö. Ош локтö бара берег дорсянь:
«Шымылды дядьö пö, босьт менö пыжад».

А шырлөн нин ыджыд көин ку вольсалöма пыжö. Вот.
Яй чукөр сылөн сәні.

Шуö: «Зэв нин лөсьыда тайөн төвъя. Шебрася татöні
көин куөн».

Бара пуксьöдiс ошкөс. Ош пуксис, валитчис, а шыр
дыр эз и көсйы. Берег дорысь йөткысис беддён, ва шөрö
петiс, бара ошлысь орөдiс голясö и бара кутiс сывны:

Шымыл-дымыл-дымыл-ды,
Шыр кывтö-катö
Қатша көя пыжа,
Мой лопта пелыса,
Вурд бөж зібъя,
Көч ку шапкаа,
Руч ку кепыся,
Көин ку эшкына,
Ош ку волля.

А видзөдö — да төвзьясьö зэв ёна. А тыс ыджыд
вөлі, страшнö ыджыд, джуджыд. Некод сылысь пыдөссö
эз вермыв мерайтлыны. Опаснөкодь лои. Кыпөдчö кы-
мөр, зэв чорыд бушков. Повзис шырыд:

«Аттö, менö пö тайö пөрөдас, локтö кымөрыд да».

Гымалö быдөн. Сийö отар-мөдар кутiс катлөдлыны-
вөдитны пыжнад. Öти берег-дорас нулас, мөд берег до-
рас нулас. Прамөя пö берегөдзыс оз матыстчы, шыр
повзис. Шебрас улын куйлiс-куйлiс и думайтö: «Татчö
пö öнi и ме вөя».

Берег дорö матысмис: «Час пö ме чеччышта».

Чеччыштiс и эз во берегөдзыд, ылын на вөлі бере-
гыд, и пульс ваад уси. А сән ыджыд сир вөлöма олö. Си-
рыд сийöс и ньылыштiс, тшыг сирыд шырөс. И сылөн
помассис сiдзи олөмыс, шырлөн. И ме сийö тысö төда.
Миян Сидөрполойын сийö, мөдлапөлад. Сийö, дерт, нин

важон вѳлѳма, буракѳ. Пурйыд шырыслѳн век на сѳн,
нитшсялѳма и турунзьѳма и кызѳма мунас. Ва волігад
и лѳпъяс быдѳн, пуйс ваялѳма. Бабаяс сы вывсянь пожъя-
сьѳны.

5. Руй-руй

(челядьлы мойд)

Руй-руй, да кытчѳ жѳ ветлін?
Руй-руй, да ме ветлі курѳгѳс корсьны.
Руй-руй, кутшѳм нѳ тѳнад курѳгыд?
Руй-руй, менам курѳгыд кѳнтусь сера.
Руй-руй, дай кытчѳ жѳ ветлін?
Руй-руй, ме ветлі петукѳс корсьны.
Руй-руй, кутшѳм тѳнад петукыд?
Руй-руй, менам петукыд зарниа косаа.
Руй-руй, кытчѳ жѳ ветлін?
Руй-руй, ме ветлі каньѳс корсьны.
Руй-руй, кутшѳм тѳнад каньыд?
Руй-руй, менам каньыд зарниа бѳжа,
запонкиа морѳса.
Руй-руй, дай кытчѳ жѳ ветлін?
Руй-руй, дай ме ветлі ыжѳс корсьны.
Руй-руй, кутшѳм тѳнад ыжыд?
Руй-руй, менам ыжѳй шѳвк гѳна.
Руй-руй, дай кытчѳ жѳ ветлін?
Руй-руй, да ме ветлі межѳс корсьны.
Руй-руй, дай кутшѳм тѳнад межыд?
Руй-руй, менам межѳй зарниа сюра.
Руй-руй, дай кытчѳ жѳ ветлін?
Руй-руй, дай ме ветлі порсьѳс корсьны.
Руй-руй, дай кутшѳм нѳ тѳнад порсьыд?
Руй-руй, дай менам порсьѳй зарниа щѳтя.
Руй-руй, дай кытчѳ нѳ ветлін?
Руй-руй, дай ме ветлі мѳскѳс корсьны.
Руй-руй, кутшѳм нѳ тѳнад мѳскыд?
Руй-руй, дай менам мѳскѳй быгъя кымѳса.
Руй-руй, дай кытчѳ нѳ ветлін?
Руй-руй, дай ме ветлі вѳлѳс корсьны.
Руй-руй, кутшѳм нѳ тѳнад вѳлыд?
Руй-руй, менам вѳлѳй зарниа бѳжа,
лысѳм кымѳса.

-6. Байкөдігөн

(нывлы)

Бай-бай, бай-бай
Муса нылөй менам узьö,
Кöч гөн кодь яя,
Оз тусь кодь вира.
Ыджыд быдмас,
Мамсö вежас,
Люлю-бай, люлю-бай,
Пирөг-шаньга пöжалысь,
Шыд-рок пуысь.
Ыж-балюкъясöс вöтлысь
Баю-баю-баюшки да,
Менам дона ныв узьö да.
Узь жö, узьышт.
Мича вöт вöтав,
Ыджыда быдмы.
Мамыс тэнö шебралі,
Оз тусь кодь нылös,
Муса ягöдös.
Коркö, гашкö, тэ быдман,
Ковмас мамсö узьтöдны,
Мамсö водтöдны.
Быдмы, быдмы öдйöджык.
Кыны, печкыны колö,
Мамыслы отсасыны,
Чойсö-воксö пасьтöдны,
Öввö-öввö-öввö-вö.
Кыысь да печкысь,
Мамыслы отсөг,
Мös лысьтысь менам лоас,
Люлю, люлю, бай,
Кукань вердысь лоас.
Люлю, люлю, бай,
Мича платтьö вурысь.
Чой-вокыдкөд пондан ытшкыны ветлывны,
Видз-му вылын уджалысь.
Лун гөра вылас кө мунам,
Гулю стада моз тйöй, понданныд вундыны.
Шондібанöй кө менам,
Öні тiянös
Быдтöмöй дай, вердöмöй дай, видзöмöй,

Ыджыд шогсö шогалöмöй.
Шуласны тай нö сэки вöли:
Кор пö челядыд посныдöсь на,
Ыджыд шог тэнад;
А быдмасны да кö пö тай,
Ещö на пö тай
Шогыд ыджыд лоö.
Öнi тай нö менам тi, коньöръясöй,
Ставныд мамыд дорынöсь,
Курöг борд улын кызди чипанъяс.
Аслам вольпась вылынöсь,
Аслам шебрас улынöсь.
Öнi öд ме тiянöс, коньöръясöс,
быдта да,
Любö да радöсь,
Баю-баю-бай,
Узь жö, узь, муса нылукöй,
Кунь синтö дай вунöд.
Ыджыда быдман кор, сэк öд
Ковмас миянлы ыджыд приданнöй
Тэныд чукöртны дай лöсьöдны.
Пöслöвичаяс сэтшöм:
Пиыд пö öд «принеси»,
Нылыд пö öд «унеси».
Уна «унеси» öд тэд ковмас лöсьöдны,
Баю-баю-баюшки,
И баю-баю.
Узьышт, узьышт,
Дона ныв.

7. Кокöй, кокöй, пышйы

(сбыланкыв)

Кокöй, кокöй,
Пышйы жö, пышйы
Чödъя, пувъя ягъясö да,
Мырпома нюръясö.
Кокöй, кокöй,
Пышйы жö, пышйы
Чödъя, пувъя ягъясö да,
Тшака расъясö,
Озъя верöтяö да,

Гумъя видзьясö.
Кокыльöй, да табыльöй,
Пышйы жö, пышйы
Сьöла-тара расьясö да,
Дозмöра ягьясö.
Кокыльöй да табыльöй,
Пышйы жö, пышйы
Льöмъя войгьясö,
Сэтöра кустьясö,
Кокöй, табöй,
Пышйы жö, пышйы.

8. Пашö-пиö

(сьыланкыв)

Пашö-пиö, чеччы жö чеччы да,
Дона пиöй, чеччы жö, чеччы да.
Кöть и, бабö, ме чечча да,
Ог жö öд ме и пуксьы.
Пашö-пиö, пуксьы жö, пуксьы,
Кöмась да пасьтась.
Кöть ме öд и пукся да,
Ог жö, бабö, кöмась,
Ог жö, бабö, пасьтась.
Пашö-пиö, пасьтась жö, пасьтась,
Кöмась да пасьтась,
Сейны пуксьы.
Кöть öд ме и пукся,
Ог жö сей.
Ог понды сейны,
Удж вылад ог пет.
Павел-пиöй, пуксьы да, сей жö,
Медыджыд лöжкасö босьт.
Медчöскыд сёянсö сей да,
Мун удж вылö.
Кöть, бабö, и сёя,
Ог жö мун ме удж вылад.
Пашö-пиö, мун жö, мун да,
Уджалышт дай.
Ог жö, бабö, кывзы да,
Ог жö, бабö, ветлы.
Шоныд паччöрад кая,

Шоныд көмтө көмала,
Джоджад лэчча.
Пашө-пиө, джоджтө чышкы.
Ог жө, бабө, кывзы,
Ог жө, бабө, чышкы.
Көть лэчча,
Муна ме,
Ывлаө ме пета,
Челядыскөд ворсны.
Пашө-пийй, эн мун, эн мун.
Пашө-пиө, отсась бабыдлы.
Ог жө, бабө,
Көть өд, бабө, ме ог мун,
Ог жө тэн, бабө, отсась.

9. Круг шөрын пө мича ныв сулалө

(сбыланкыв)

Круг шөрын пө мича ныв сулалө,
Круг гөгөрыс лөк тотара бергалө.
Видзөдліс кө, чойыс локтө.
«Дай чоййй пө, чоййй дай,
Вешты жө, вешты!»
«Да чоййй пө, чоййй да,
Мыййон ме вешта?»
«Чоййй пө, чоййй да,
Медбур шөвк шальнад!»
«Чоййй пө, чоййй да,
Ачыд сы дон он сулав».

Круг шөрын пө мича ныв сулалө,
Круг гөгөрыс лөк тотара бергалө.
Видзөдліс кө, вокыс локтө да.
«Вокйй пө, вокйй да,
Вешты жө, вешты!»
«Чоййй пө, чоййй да,
Мыййон жө вешта да?»
«Вокйй пө, вокйй да,
Медбур костюмнад!»
«Чоййй пө, чоййй да,
Сы дон он сулав».

Круг шөрын пө мича ныв сулалө,
Круг гөгөрыс лөк тотара бергалө.
Видзөдліс кө, батыс локтө.
«Батьöй пө, батьöй да,
Вешты жө, вешты!»
«Да нылöй пө, нылöй да,
Мыйöн ме вешта?»
«Да батьöй пө, батьöй да,
Медбур капканнад».
«Нылöй пө, нылöй да,
Сы дон он сулав».

Круг шөрын пө мича ныв сулалө,
Круг гөгөрыс пө лөк тотара бергалө.
Видзөдліс кө, мамыс локтө.
«Да мамöй пө, мамöй да,
Вешты жө, вешты!»
«Да нылöй пө, нылöй да,
Мыйöн ме вешта?»
«Да мамöй пө, мамöй да,
Медбур сборникнад».
«Да нылöй пө, нылöй да,
Сы дон он сулав».

Круг шөрын пө мича ныв сулалө,
Круг гөгөрыс лөк тотара бергалө.
Видзөдліс кө, другыс локтө.
«Да другöй пө, другöй да,
Вешты жө, вешты!»
«Да пөдругаöй да, пөдругаöй,
Мыйöн жө вешта?»
«Да другöй пө, другöй да,
Медбур гудөкнад».
Гудөксө сетіс,
Нылөс вештіс.

10. Рытиввывсянь туча кыпөдчө

(ссыланкыв)

Рытиввывсянь туча кыпөдчө,
Ой, ме кө чайті тучаөн, ой,
Вөлөма кө юсь дай дзодзөг,

Ой, дай юсь-дзодзөг бөрсянныс дай
Том тицаяс лэбёны.
Ой, дай том тицаяс бөрсяньодыс пö дай
Пöрысь кутш дай вöтчö.
Том тицаяссö ордйöдны дай

думайтö,

Ордйöдны тай думайтö.

«Ой, пö дай, кутшöй,

Пöрысь кутшöй,

Ылі ветлін, мунін,

Ылі ветлін дай мунін дай,

Мый кывлін дай аддзывлін?»

«Ме ветлі дай и муні,

Ой, ме ветлі Саратоваö,

Ветлі Саратоваö,

Ой, ме кывлі дай,

Сэтысь аддзывлі:

Ой, куим шор визувтö,

Куим шор сэн визувтö.

Ой, шор дорас еджыд яй дай куйлö,

Шор дорас еджыд яй куйлö,

Дай сэтчö куим чикыш воывлö.

Куим чикыш воывлö дай,

Медводдза кö чикышыс бöрдö,

Визув шор моз синваыс визувтö,

Визув шор моз визувтö.

Ой, шөръя кö чикышыс бöрдö,

Сылön синваыс ыджыд ю моз визувтö.

Ыджыд ю моз визувтö.

Ой, медбөръя кö чикышыс бöрдö,

Синваыс асья лысва моз усьö.

Ой, шондi кö петас, петас дай,

Асья лысваыс косьмас.

Медводдза кö чикышыс вöлöма

Рöдимöй мамыс,

Рöдимöй мамыс сылön дай,

Шөръя кö чикышыс вöлöма

Сылön рöднöй чойыс,

Медбөръя кö чикышыс вöлöма

Любимöй дай гöтырыс,

Любимöй гöтырыс сылön дай.

Мöд сайö кö мунны думайтас,

Сылön синваыс косьмас.

11. Коньөрөй да Ванькаөй

(сбыланкыв)

«Коньөрөй да Ванькаөй,
Кытчө нө тэ мөдөдчан?
Кытчө нө тэ мөдөдчан да?»
«Тыртөм ноптө шердйыны,
Тыртөм ноптө шердйыны да,
Йөз паччөрын узьлыны,
Кузь туй помсө дженьдөдны,
Кузь туй помсө дженьдөдны да,
Векныд туйсө паськөдны».
«Коньөрөй да Ванькаөй да,
Кытчө колян гөтыртө?
Коньөрөй да Ванькаөй да,
Мыйла колян гөтыртө?»
«Йөз кильчө сод лыддыны да,
Йөз пачысь няньсө сөйны».
«Коньөрөй да Ванькаөй да,
Кодлы колян керкатө?»
«Менам өд и керкаын да
Көдзыд вой төв шутьлялө,
А выль керкаыс, сө майбырөй,
Вывлань йыла сулалө».
«Коньөрөй да Ванькаөй да,
Кытчө колян вөв-мөстө?»
«Вөв пыдди да мөс пыдди да
Шыръяс, каньяс вөлісны.
Өні найө, коньөръясөй,
Ставныс тшыгла куласны».
«Коньөрөй да Ванькаөй да,
Кодлы колян Натальтө?»
«Ог коль, ог коль Натальөс,
Ас бөрся ме нуода».
«Коньөрөй да Натальөй да,
Мыйла мунан Ванькакөд да
Богослов туй талявны,
Богослов туй талявны да
Куреньысь лым суктыны?»
«Ой, муна, муна, муна да,
Ванька бөрысь ме муна,
Ой, муна, муна, муна да,
Ванька бөрысь ме вөтча».

Богословō мунісны да
Часіа да колоша,
Часіа да колоша да,
Уборкиа бōж дора,
Уборкиа бōж дора да.
«Коньōрōй да Ванькаōй,
Мыйла этша пес вōчан?»
Коньōрōйлōн Ванькалōн да
Кокбōрляыс зыртчōма.
Кокбōрляыс зыртчōма да,
Кок чуньясыс кынмōма,
Кок чуньясыс кынмōма да,
Коньōрōйлы Ванькалы
Мышкас ыджыд мыль петіс да,
Нар пельōсō джыджгыльтчис,
Куим недель сэн куйліс,
Эз юлы, ни эз сейлы,
Эз юлы, ни эз сейлы да.
Кватитчим кō, кулōма.
Коньōрōс да Ванькаōс
Барак сайō дзєбисны,
Барак сайō дзєбисны да,
Крєстас сылы гижисны,
Крєстас сылы гижисны да:
«Татчō Ванька кулōма,
Татчō Ванька кулōма да!»
Сє майбырōй, Натальōй.
Онi на, кōнкō, ловъя.

12. Шондiйōй мамōй

(сбыланкыв)

Шондiйōй мамōй дай,
Дыр òд новлōдлiн,
Дай час òд рōдитiн.
Рōдитiн, матушкаōй,
Бурōс, мичаōс дай,
Быдтiн òд, матушкаōй,
Бєрбаысь джуджыд,
Быдтiн òд, матушкаōй,
Бєрбаысь джуджыд дай,
Вєлōдiн, матушка,

Школьной манерон,
Велөдін, матушкай,
Школьной манерон дай,
Сетны өд көсйин тэ
Матө земляө,
Ой, матө земляө дай,
Дзоля семьяө.
Матө земляө дай,
Дзоля семьяө.
Сетін тай, матушкай,
Ылі земляө дай,
Ыджыд семьяө,
Сетін тай, матушкай,
Ылі земляө дай,
Ыджыд семьяө дай,
Нель ая-ныв да
Вит өд девер дай,
Дасөд өд мужик дай,
Инька дай айка,
Дай ме өд, коньөрөй,
Дас витөд лыдын,
Ме өд, коньөрөй,
Дас витөд лыдын да.
Өти во олі да,
Мамөс эг аддзыв,
Өти во олі дай,
Мамөс эг аддзыв дай,
Мөд во олі дай,
Мамөс эг кывлыв,
Коймөд во вылө петі дай,
Гортө мөдөдчи,
Коймөд вылө петі дай,
Гортө мөдөдчи дай.
Кузь вөраинті дай
Джуджыд гөрәті,
Дай паськыд полеті дай.
Мам меным воча дай,
Мам менө эз төд,
Ок, мам менө эз төд дай.
«Шондіөй мамөй да,
Эн тай менө төд,
Шондіөй мамөй да,
Эн тай менө төд дай».
«Вердөмөй дитяөй,

Тэ өмөй вөлін дай?
 Вердөмөй дитяөй дай,
 Көн тэнад оз тусь кодь вируд?»
 «Шондіөй мамөй да,
 Менам оз тусь кодь вирөй
 Синваөн исковтөма».
 «Вердөмөй дитяөй дай,
 Көн нө тэнад дай
 Көч гөн кодь яйыд?»
 «Шондіөй мамөй да,
 Менам көч гөн кодь яйөй дай
 Плетьөн нөйтөма».
 «Вердөмөй дитяөй да,
 Көн нө тэнад дай
 Бур вылыд-отыд?»
 «Шондіөй мамөй, менам
 Бур вылөй-отөй
 Сьökыд уджө усьөма».
 «Вердөмөй дитяөй,
 Көні нө тэнад пө дай
 Мича платтьöйд?»
 «Шондіөй мамөй да,
 Менсьым мича платтьöөс
 Аянывьяс новлісны».
 «Вердөмөй дитяөй,
 Да кутшөм мужикыд?»
 «Да шондіөй мамөй да,
 Менам мужикөй пө
 Лютөй зверь кодь».

13. Мөдлапөлын вель слөбөда тыдалө

(сьыланкыв)

Мөдлапөлын вель слөбөда сулалө,
 Дай сэн том дөваыс дөвуйтө.
 Дай сылөн мича ныв выйим,
 Дай сьөд синкытшьяса сійө,
 Дай сьөд шөлкөвөй юрсиа,
 Алөй вир чужөм вылас,
 Дай гижөмөн гижны он куж,
 Дай вөтөн өд вөтавны он куж,
 Дай думөн думайтны он куж,

Да сэтшөм өд сийө мича.
Да быдөнлы сийө веж петкөдлантор,
Да быдөн өд сийөс коралисны,
Да лёк слава сылөн локтө,
Да старик тай коралөма,
Дай мамыс тай сэтчө сетис,
Дай старикыд өд сийөс оз лэдз
Ошинь дорас локнысө.
Дай сылөн өд гажыс быри
Аслас любезнойсьыс,
Дай старикыдлы сэк шуө:
«Старикой пө, старикой,
Вайлы меным ведратө
Ваыдла ме петала».
Да струба дорас кө петис,
Да милөйыскөд аддзысис.
Да кутчысьөмөн бөрдисны,
Да бөрдисны да бөрдисны,
Дай дзонь чышъян көтөдисны,
Да шөри и косялисны,
Дай зептаныс и сюйисны:
«Кор тайө чышъян сисьмас,
Сэки миян сьөлөм сисьмас».
Дай ичмоньыд гортад пырис,
Старикыд видзөдөма,
Да сэки сылы и шуис:
«Петав пө тэ сарайө,
Да ньөр кольта сэтөн выйим,
Пырт пө мун меным татчө».
Дай ичмоньыс тай петалис,
Дай ньөр кольтасө и пыртіс.
«Да паськөмтө пө вай пөрччы,
Да джоджас пө татчө водлы».
Ичмоньыс пасьтөг пөрччысис,
Дай джоджас и сэтчө водис,
Да став ньөр кольтасө кисьтіс,
Ичмоньсө сэтшөма нөйтис,
Став кучикыс потласис,
Дай алөй вирыс сэк киссис.

14. Гырысь нывъяс, майбыр нывъяс

(сбыланкыв)

Гырысь нывъяс, майбыръяс,
Чӧд вотны муналісны.
А ме, коньӧрӧй, меддозля ныв,
Чӧд вотныс тшӧтш муні.
Гырысь нывъяс, майбыръяс да,
Пожйӧн-джынйӧн вотісны,
А ме, дозля ныв, ме, коньӧр ныв,
Соддзӧн-джынйӧн тшӧтш воті.
Гырысь нывъяс, майбыръяс,
Базарын вузалісны,
Базарын вузалісны да,
Вӧччанторъяс ньӧбисны.
А ме, дозля ныв, коньӧр ныв да,
Базар вылын вузалі,
Базар вылын вузалі да
Полтора кӧпейкаысь.
Полтора кӧпейкаысь да.
Ме тай тшӧтш сэки ньӧби,
Ме вӧччантор тшӧтш ньӧби да,
Бисер сикӧтшсӧ ньӧби,
Бисер сикӧтшсӧ ньӧби да.
Гортаным кӧ да ми мунім.
Гырысь нывъяс да, майбыръяс да,
Жӧникӧс виччысьӧны.
Гырысь нывъяс, майбыръяс,
Верӧс сайӧ петісны.
А ме, коньӧрӧй, дозля ныв да,
Жӧниксӧ сэки виччыси,
Жӧниксӧ тшӧтш виччыси да.
Мен, коньӧрлы, тшӧтш воис,
Мен, коньӧрлы, тшӧтш воис да,
Усте Мишӧ тай локтіс.
Гырысь нывъяс, майбыръяс,
Крӧватьӧ водалісны.
Менӧ, дозля нылӧс, коньӧрӧс,
Усте Мишӧ тшӧтш вайис,
Посводзӧ кӧ тшӧтш вайис.
Меддозля ныв, коньӧр ныв.
Посводз пельӧсӧ джыджгыльтчи.
Усте Мишӧ, коньӧрӧй,

Мича жöник пукаліс,
Ме вылö сэк видзöдіс.

15. Гöтырöй менö оз любит

(сьыланкыв)

Гöтырöй менö оз любит дай,
Дай аттö дивö, дай аттö дивö,
Дай крöвать вывсянь менö йöткис,
Тыöй-мускöй менам пыркнитчис,
Дай тыöй-мускöй менам пыркнитчис,
Дай öдзöс сайö менö йöткис,
Дай аттö дивö, дай аттö дивö,
Кытчö нö ме муна,
Да кытчö нö ме муна?
Дай базар вылö кö ме лэчча,
Да зеркалöсö кö ме ньöба,
Дай ачымöс и ме видзöдла.
Дай аттö дивö, дай аттö дивö,
Кутшöм ме мича,
Дай кутшöм ме мича!
Да роч сынансö кö ме босьта,
Дай веж кудриöс кö ме сынышта,
Дай роч шырансö кö ме босьта,
Дай веж кудриöс ме и шырышта,
Дай гöрд ящиксö кö ме босьта,
Да гöрд ящиксö кö ме босьта,
Да веж кудриöс ме сэтчö томновта,
Да веж кудриöс сэтчö томновта.
Дай аттö дивö, дай аттö дивö,
Дай кытчö нö ме воштыся?
Да ва дорас кö ме и лэчча,
Дай ва дорас кö ме и лэчча,
Да гöрд ящикöс сэтчö лэдза,
Да гöрд ящикöс ваас лэдза,
Да том ичмоньяс сэн пожъясьöны,
Да том ичмоньяс сэн пожъясьöны.
Дай аттö дивö, дай аттö дивö,
Дай ставныс тай кöмтöмөсь вöліны,
Да ставныс найö вöлі кöмтöмөсь да,
Öти ичмонь ваас шыбитчис да,
Дай öти ичмонь ваас келіс,

Да гөрд ящикөс менсьым кутіс,
Дай гөрд ящикөс менсьым кутіс,
Да томансө сійө и жугөдіс,
Да томансө кө сійө жугөдіс,
Дай веж кудриөс менсьым аддзис,
Веж кудриөс сэтысь аддзис,
Дай аслыс питшөгас и суйис,
Дай аслыс питшөгас и пуктіс,
Дай сійө сэки бөрддзис,
Да сійө сэки бөрддзис,
Дай сійө сэки лыддьөдліс:
«Тайө веж кудриыскөд пө
Ме и венеч кутлі да».

16. Детина кынмө, мунө

(сбыланкыв)

Детина кынмө, мунө дай,
Сылы керка эз югды.
Дзоляндзик избушка воис,
Дзоляндзик избушка воис дай,
Кильчө вылас кө кайис,
Кильчө вылас кө кайис да,
Гольөдчис да гольөдчис,
Гольөдчис дай гольөдчис дай,
Машаыс сэсь петалис.
Машаыс сэсь петалис да,
Ки пөлөдыс кө босьтіс.
Ки пөлөдыс кө босьтіс да,
Керкаас и пыртөдіс.
Керкаас и пыртөдіс дай,
Пызан саяс пуксьөдіс.
Пызан вылас самөвар,
Пызан вылас самөвар да,
Чай-сакарөн юкталис.
Чай-сакарөн юкталис дай,
Преник-калачөн вердіс.
Преник-калачөн вердіс дай,
Юмов вина юкталис.
Юмов винаөн юктөдіс да,
Коньөрлөн да мальчиклөн,
Коньөрлөн дай мальчиклөн да

Қиыс сълөн кынмөма,
Қиыс сълөн кынмөма дай,
Лымйөн колө мыськыны,
Юрсйөн чышкавлыны,
Юрсйөн чышкавлыны да.
Инпөвланьыс видзөдліс,
Инпөвланьыс видзөдліс да,
Виж койка сэн сулалө.
Виж койка сэн сулалө да,
Гөрд өддялө вылысас,
Гөрд өддялө вылысас да.
Машаыс тай водтөдіс,
Машаыс тай водтөдіс да,
Гөрд шебраснас шебрөдіс,
Гөрд шебраснас шебрөдіс.

17. Милөйөй пө, милөйөй

(сыланкыс)

«Милөйөй пө, милөйөй дай,
Қуслытөм өзъян сисьөй,
Қуслытөм өзъян сисьөй дай,
Пемдывтөм вичко крестөй,
Мыйла нө тэ менө тадзи
Та дыра кежлө колин?
Эг тай нин ме думайтлыс да
Тэкөд аддзысьлынысө,
Эг өд думайтлыс тай нин да
Тэкөд аддзысьлынысө.
Шондібанөй милөйөй да,
Важыс кодь на тай нө век.
Важыс кодь на тай нө век да,
Пукөвөй шляпа юрад,
Пукөвөй шляпа юрад да,
Виж кепысьыс киад,
Виж кепысьыс киад да,
Табак көшельыс зептад,
Табак көшельыс зептад да,
Вышивайтөм дөрөма,
Вышивайтөм дөрөма да,
Весевөй ной каптана,
Весевөй ной каптана да,

Вытяжнӱй сапӱгъяса.
Шондӱбанӱй милӱйӱй да,
Мыйла та дыра колин,
Мыйла та дыра колин да,
Мыйла та дыра ветлӱн?»
«Коньӱрӱй да меӱй да,
Тэ йылысь пыр думайтӱ.
Тэ йылысь пыр думайтӱ да,
Сьӱдӱдз ме ачым косьми.
Сьӱдӱдз ме ачым косьми да,
Веськыд чалляс эзысь кытш.
Веськыд чалляс эзысь кытш да,
Табак калляныс вомас».
«Милӱйӱй да милӱйӱй да,
Пукты вомсьыд каллянтӱ.
Пукты вомсьыд каллянтӱ да,
Тэнад вом дор дубалӱс.
Тэнад вом дор дубалӱс да,
Юмов вом дор пуктыла,
Юмов вом дор пуктыла да,
Бан бӱктӱ ме окышта,
Бан бӱктӱ ме окышта да».

18. Кодӱ медлюбӱ

(сьыланкыв)

Кодӱ медлюбӱ-ӱ дай,
Кодӱ медмуса дай,
Мунӱс тай сӱйӱ да
Зэв ӱд ылӱ дай.
Нунис тай сӱйӱ да
Ласкӱвӱй кывсӱ.
Нунис тай сӱйӱ, ой,
Ласкӱвӱй кывсӱ.
Дай колис тай сӱйӱ меным
Зарниа чунькытш.
Колис тай сӱйӱ меным
Зарниа чунькытш дай,
Луннад ме сӱйӱ
Веськыд водз чуньын новла,
Дай войын тай сӱйӱ
Ас юр улӱ пукта.

Войын ме сійö, ой,
Юр улö пукта дай,
Асья ме чечча дай,
Синваöн мысся.
Асья кö чечча да,
Ме синваöн мысся дай,
Вöлі кö менам
Кык пукöвöй пöдушка,
Вöлі кö менам
Кык пукöвöй пöдушка дай,
Быдсöн тай сійö
Синваöн кöтасьöма.
Бөрда кö, бөрда ме
Аспом синваöн.
Бөрда ме, бөрда дай
Аспом синваöн дай.
«Здравствуй пö, здравствуй,
Любезнöйöй,
Здравствуй пö, здравствуй,
Любезнöйöй дай,
Здравствуй пö, здравствуй,
Миленькöйöй,
Здравствуй пö, здравствуй,
Миленькöйöй дай.
Зэв тай нин ёна да
Тэ омöльтчöмыд,
Зэв тай нин ёна
Тэ омöльтчöмыд дай,
Зэв тай нин ёна да
Тэ кельдöдöмыд дай.
Кутшöм шог шогин,
Кутшöм гөре гөрүйтін,
Кутшöм шог шогин,
Кутшöм гөре гөрүйтін дай?»
«Ме шог гөрүйтi
Ас милöй вöсна дай,
Ме кельдöдi дай
Ас милöй понда».

19. Жөниклы бөрдөм

(бөрдөдчанкыв)

Өзьян сисьөй пө дай муса вокөй дай,
Мыйла нө тэөй татчө, ме дорө, дай локтін?
Коді нө тэнө татчө мөдөдіс?
Метөг өд вөлі уна нылыс тэнад.
Мыйла нө менө татысь тэ бөрддзөдін дай вөрзөдін?
Вөрзөдан менө, нетшыштан аслам семьяысь дай?
Өти берегсьыс вөрзөдан дай, мөд берегас вошты жө,
вошты.

Ен могьсьөн дай, криста ради,
Эн жө бара ю шөрас эновт менө плавъявны.
Ныв чинсө менсьым воштан дай,
Бабаас бара мед ме воа жө.
Эн жө бара менө, коньөрөс, кырныш моз дай
варыш моз кокавны понды дай.
Бур пуөс кызди кералөны-чегйөны дай чагйөны,
Эн жө бара менө понды чегъявны дай чагйыны.
Эн жө бара тэ менө ки вачкөд туйө видзны понды дай,
кок чужйөг туйө.

Өні өд ме, коньөрөй, тані олі дай,
Бать нимнам менө ыдждөдлісны,
А тэ менө, коньөрөс, татысь нетшыштан дай,
Ас ним вылад жө бара вешты,
Мед менө тэнад нимөн пондасны казътивны.
Көч гөн кодь еджыд яйөс менсьым эн жө бара понды
косътыны дай,
Оз тусь кодь алөй вирөс эн жө понды сөдзөдны,
Эн жө бара йөз серам вылө менө тэ вошты,
Өзьян сисьөй дай, дона ёртөй, Ольөксанөй дай
Ивановичөй.

20. Фронт вылө усьөм пины

(бөрдөдчанкыв)

Өзьян сисьөй пө дай,
Та вылө мөй нө ме тэнө мөдөді
Бур ним, слава перйыны врагъяскөд?
Боритчыны тэнө ме мөдөді дай,
Рөднөй землясө дай врагъясысь дорйынысө.

Медбөр тай нө вөлі тэнсьыд виччыся мөд нога слава.
Со пө тай нө тэнад, коньөрөйлөн,
Зэв мисьтөм вои славаыс.
Тайө пө өд ме, коньөрөй, дона пиукөй,
Зэв любөпырысь дай радпырысь тэнсьыд эг и примит.
Ыджыд шог пө өд тайө меным тэсянь воис.
Ме пө тай нө вөлі думайта дай, виччыся,
Коркө, гашкө, мися, менам, югыд шондйөй,
муса пиөй воас да,

Невестасө тай ми бөръям вөлі,
Коді медбур дай, коді медозыр дай.
Онi пө тай нө, коньөрөй, гөтрасьөмыд пыдди дай,
корасьөм пыдди дай,
Гашкө, пө, көнкө, онi вывтыд ветлөдлөны йөзыс,
Гашкө, пө и гусө-гортсө он аддзы.
Онi тэ бара, сөшайтөй, да и пиөй, сьөлөм сисьтысьөй
мена́м,

Кызь арөсөдзыс пө тай нө ме тэнө, коньөрөс, быдтi.
Эг жө пө ме тэнө думайтлы тайө туй вылас мөдөднысө.
Эг пө өд ме тэнө та вылө сэтчө мөдөд.
Онi тай нө меным письмөтө мича чунь помнад он ысты,
Водз пө тай нө вөлі вежалуннас кыксө ыстан меным,
Коньөрөйлөн пө мича чунь помыд
Дугдiс тай нө меным, пиукөй.
Мыйла нө пө тадзи тэөй сэтчө кольччин?
Көть пө мед эськө дас кык ранаөн воин,
Да мед жө пө тэ вөлін гортын.
Гортад кө пө өд воин,
Ас киөн ме тэнө көмөдi дай пасьтөдi, дай гортъяс пуктi,
дай мөдөдi.

Төдны көть пө ме пондi, көни менам тувсов асья шондi
кодь муса пиукөй куйлыны пондiс.
Онi пө өд тэнө пө ме, коньөрөй, ог төд:
Гашкө, пө, и юр лытө чужъялөны кок улын?
Тани кө пө өд вөлін,
Гашкө, эськө татшөм дивөыс эз ло,
Гашкө, пө и ловйөн колин,
Дай коркө менө дзебысь дай гуалысь дай мөдөдысь,
Онi пө тай нө менө мөдөдөм пыдди,
Коньөрөй дай пиукөй, код төдас кытөни туплясян
некодлы төдлытөм местаын.

Сидзиөн пө тай нө шулісны:

«Йөз катша-рака яйтө кокалас дай».

Йөзлөн пө тай кырнышьясыс виртө юасны,

Сідз пö тай нö тэныд, шудтöм пиöй, ковмис лоны.
Эн жö менö бара дивит, донаöй пиöй,
Абу пö öд ме, коньöрушкаöй, тэнад мамыд чассьöа жö
вöлöма.
Öти кöпейка дон тай нö менам чассьöыс абу вöлöма
тэ вылö.

Ме пö тай нö вöли думайтлывля:
Воас, гöтралам дай коралам,
Любö дай радостнöй олöм пондам овны.
Тэ пö тай нö, коньöрöй, пасьтасин да кöмасин дай,
гортсьыд петин дай,
Ставнымлысь пö тай нö чассьöсö, пиöй, сьöрсьыд
нуöмыд.

II. КОМИ КЫВ

СИНТАКСИС

ПРОСТОЙ ПРЕДЛОЖЕНИЕ ПОВТОРИТОМ

1 удж. Лыддьöй кывбурсö выразительнöя. Корсьöй предложениеысь главнöй членъяссö, индöй, мыйöн найö петкöдлысьсöны. Висьталöй пунктуация пукталанногсö, кык öткодъ согласнöя кывъяслысь гижанногсö.

Домна

1. Енэж лöзалö,
Чуксалö овны.
Тулыс виччысиг
Вугралö ю...
Враглөн штык водзын
Восьлалö Домна,
Тэнö радейтысь ныв,
Коми му.
Паськыд енэж,
Он аддзы мöй, кодi
Тэлань бөръяысь
Лэптöма юр?
Мыйла,
Мыйла он сет сылы бордъяс,
Медым враг киö
Нылыд эз сюр?
Эжва, садьмы,
Веж гыснад сайöд —
Сылы восьлавны
Эз нин коль дыр.
Он кö,
Варччывны сöдз югыд ваад
Сэсся некор нин сийö оз пыр.
Коми му,
Оз ло дивö тэд кывны
Мирнöй лунъясö ыджыдджык гор.
Врагъяс син водзын
Кыв шутöг кувны
Тэ вöсна —

Ёна сьёкыдджыктор.
Огё вунёдой Домналысь подвиг —
Миян сьёлөмын кузь сьлөн нэм.
Сыысь шуда,
Мый пи ме народлөн,
Татшөм ныв кодлөн вөлі да эм.
(В. Тимин.)

2. Некодлы мыж талун узыны оз сет,
Ставлөн дзик пыткас шог вöрис,
Кажитчис, быттьокö стенсянь портрет
Ленинлөн видзөдіс скöрысь.
Водз асыв. Оз тыдав на кыалөн борд,
Бригада — ас местаас вöрын.
Кык нормаён тайö лун сетіс быд морт.
Рыт. Нюмъяліс на вылө Ленин.
(А. Размыслов.)

2 удж. Лыддьöй текстсö, корсялöй сэтысь сказуемöй-
яссö, индöй, кутшөм кывсикасөн найöс петкөдлөма, кы-
дзи найö сöгласуйтчöны подлежащöйкөд, кызди найö
управляйтöны предложениеса мукөд членъясөн.

1. Аскинас Дмитрий Дмитриевич нуөдіс челядьöс эк-
скурсия вылө Намыр шор дорö, коді школасянь эз вöв
ылын. Учитель тшөктіс велөдчысьяслы пуксявны пуясөн
кытшалөм эрд вылө и сюся видзөдны шор мөдар бере-
гас, көні тыдалісны изъяс, кералөм бадьяслөн чукөръяс.
Эз и ковмы дыр виччысьны, изъяс пиысь мыччысис ичө-
тик зверь. Сійö зэв ёна муніс сьөдбөж вылө, сöмын ёна
ичөтджык, а гöныс дженьыдджык. Зверь эз и думайт
пышйыны, шонтысис шонді водзын.

— Аддзанныд, челядь. Тайö ласича, медся ичөт
зверь, коді олө миян пармаын. Öні гöныс сьлөн руд, а
тöвнас едждөдас. (И. Коданев.)

2. Паком Петырлөн керкаыс абу зэв ылын, станция-
сянь тыдалö: шор саяс, Джыдж сиктын. Матысмим кер-
ка дорас. Паком Петыр, видзөдныс, зэв на збой старик,
бура ыджыд тушаа. Абу кө вөлі юрсиыс дзормөма, позьö
вөлі сетны сылы ар ветымынъяс кымын, а сылы 85 арöс
нин... Вылас кузь сера дөра дөрөм, вöня; вöняс, мышкас,
летъялө көв йылын ичөтик сынан; кокас бакилө, лөз дөра
гача. Пуксим кер бунт вылө, куритчыны кутім, тшөтш
вөзъям Петырлы:

— Курит, Петыр Пакомович!

— Ог ме куритчы, нэмён на эг куритчывлы. (Нёб-
динса Виттор.)

3. Шондібаной,
Бур таланой,
Муса, мича ныв!
Ошкөм өкты,
Зон моз йөкты,
Вильшась, серав, сыв!
Юрас думсө,
Вомас нюмсө
Петкөд том мортлысь!
Мед тэ бөрын
Гажмас пөрысь,
Сьөлөм гажөдысь!
Югыз шонді!
Долөд, шонты
Став енвевт увсө!
Мича нылө!
Мыччыв милы
Кокныйд олөмсө! (И. Куратов.)

4. Збыльысь, верит көть эн верит,
Гажтөмча бур кывйысь,
Песся, быттьө шедөм чери,
Көсья петны тывйысь. (И. Вавилин.)

СЛОЖНОЙ ПРЕДЛОЖЕНИЕ

3 удж. Төдмалой, кутшөм ногөн йитчоны сложной предложениелөн юкөнъяс мөда-мөдныскөд синтаксис боксяныс (союзяс, союзной кывъяс, шуанног, юкөнъяслөн мөда-мөд бөрся мунөм, сказуемой-глагольяслөн кад да вид формаяслөн лөсялөм) да лексика боксянь (юкөнъясас мөда-мөдлы лөсялана кывъяс).

1. Визыв ю паныд ме ката,
Омөля тай сөмын катсьө,
Сына, сына, а ог вөрззы,—
Эг-ө сибды нин ме татчө.
Ва дорас со төдчө помөль,
Сийө весьтын важөн, төдчө,
Сына, сына... Гашкө, культу
Сийө менам бөрөд вөтчө?
«Сынөпта жө, сынөпта ме!
Пыжой вөрзис, пыжой кайө

Гыяс вылысь гыяс вылө —
Өні песөй кодяс сайө!
Сынөпта жө, сынөпта ме!»
А кор шуалі ме тайөс,
Визыв ю вылын нин бара
Ачым коли помөль саяс.
Ой, ой, важинсьыс тай пыжөй
Абу вөрзъывлөм на-й өні;
Сөмын гыяс выльысь-выльө
Дзибыр улын вежласьөны.

(И. Куратов.)

2. Лөзов енэжсянь
Сералис шонді,
Сявкйис му вылын
Вералан луч.
Кежи ыб вылө
Векньыдик сөнті,
Кытысь му пластсө
Синнад он судз.
Петысь өзимыс
Вөччөма шөвкө.
Вижө пасьтасьыс
Том кыз пу вөр
Гусьон шөпкөдчис
Вильшасьыс төвкөд,
Коді воліс и котөртліс бөр.

(В. Елькин.)

4 удж. Гижөй, сувтөдалөй колана знакъяс сложной предложениеяс.

Помещиклөн усадьба вөлі паськыд сад пытшкын. Су-
лалісны кум каменной керка шөрсаяс кык судта гөгрөс
колоннаяса. Ставныс найө видзөдісны клумбаясөн мич-
мөдөм площадка вылө көні мачасисны кокньыдика но
мичаа пасьтасьөм разной арлыда том йөз да нывъяс.
Тайө жө площадка пельөсын ворсісны еджыд бобувъяс
кодь гоз-мөд челядь накөд ноксис өчкиа нывбаба. Во-
дзынджык сажьө мунан туй кузя пөрысь старука гөгыль-
тіс никелевой детской коляска кодөс эжөма енэж рөма
шөвкөн а ещө ылынджык гуляйтисны праздничной пась-
тасьөм параяс.

Сад пасьтала кыліс сьөд ракаяслөн да чавканъяслөн
быдтысян шум джуджыдджык пуяс вылын тыдалісны
налөн позъяс.

Рытъя лөньыс эз вөрзёд пуяс вылысь ни өти кор
лэччысь шонді муртса краситыштіс йөв еджыд керкаяс-
сө өмидз рөмөн лунся жарыс удитөма нин вежсыны
сэтшөм небыдик ыркыдөн, мый позис овны дзик пасьтөг.

Став тайö серпас вылас Вера видзөдіс көрт öграда
сайсянь. Жар шонді улын кузь лун чөж вундөм бөрын
да ещö тшыг кынөм дырйи сылы кажитчис мый адзö
сэтшөм пötөс да тöждысьтөм олөм кутшөм колö чайтны
овлө сөмын небеснöй царствоын. (В. Юхнин.)

СЛОЖНОСОЧИНЁННÖЙ ПРЕДЛОЖЕНИЕЯС

5 удж. Гижалöй сложносочинённой предложенияс-
сө, кодъяс петкөдлөны присоединительнöй йитчөм. Вись-
талöй, мыйөн найö торъялөны öтвывтан йитöда предло-
жениясысь. Тöдмалöй прөстöй предложениелысь типъ-
яссö.

1. Сельгö нитшув ёлын
Зарава кодъ ва,
Пуясвывса коллын
Бытьтö тырыс ма.
Воськовтан — и бөрлань
Кокыд оз нин ну.
Радейта ме вөр-ва,
Ассыым олан му!

(Ю. Васютов.)

2. Ми пемыдын олём,
Ми нэм чөж пыр полём
И шог бөрын виччысьлім шог.
Ми ёрим важ олём,
Ми смертьысь ог полöй,
И шуд вöсна кось — мян мог.

(Н. Фролов.)

3. Степан Федорович да Питирим нёровтчөмабсь би
модарса эжа вылө, кывзöны, шоныда видзөдöны сы-
лысь чойяс вылө, и чужөмъясас и синъясас пöртмасьö-
тöдчö шызьөдөм ловъясныслөн ворсöмыс.

Поскыс вöлі векныдик да кыпөдчис вывлань напаръя
этшөн, и сэтшөм любö вöлі тувчавны көмтөм кокъяснад
неважөн краситөм пөлөс тшупөдъясөд.

Жыръясыс вöліны джуджыдöсь, паськыд öшиньяса-
öсь и зэв сөстөмөсь, бур пызанъясаөсь да выль диванъ-
ясаөсь, и Питирим казяліс, мый сылы, электросварщик

мортлы, яндзим кольччыны татчө узынысö, торйөн нин татшөм нывъяс дырйи.

Питиримлы бара лоö зэв гажтөм, бөръя каднас пыр частöджык и частöджык овлө сылөн татшөмыс, и кызкө зэв öткөнөн пондö асысö кивны.

Вөр-ва сылы медся дона. Сылөн мелі сывъясö вöйтчөмөн, шензьөмөн и нимкодъпырысь кылан му выв олөмыслысь öтырышъя, помасълытөг водзö мунөмсö, и быттьö бырлө став дойыд.

Аслыс кө тэчны кутшөмкө лөсьыд сыланкыв. Со тай кутшөм лөсьыдөс төрыт сылісны нывъясыд... Сійөс öд йөз жö лөсьöдлісны... Но бара на нывъяс казтыштсисны, да морыс мед лыйö найөс!

Райда сөмын нимкодясис таысь — öд сійö первойысь на веськаліс Печора вылө, и сэтшөм окота сылы быдтор аддзыны ас синъясөн.

Сэсся сулалігкостіыс друг кыськө петіс зэв уна геб, и кутшөмкө зэв гырысь геб, паськыд бордъя. (*И. Торопов.*)

6 удж. Вайөдөм предложениеясысьыс төдчөдöй да союзыслысь вежөртассö, кутшөм рөм сійö сетö сложносочинённой предложение юкөнъяслы: öтлаалан, паныд сувтөдан, действиеяслысь öттшötтш мунөм, мөда-мөд бөрся мунөм, присоединительной, уступительной либö условной.

1. Видла на пö, кутшөм — сибдöй көть эн — электричествонас лыстысьсөмыс эм. Кула пö, да вöлисти менö вежад ті. (*Г. Юшков.*) 2. Машалы зывök вöлі сулавны сыкөд орччөн, да сөмын мамыс йылысь дум вöснаыс сулаліс сы дорын. (*Г. Фёдоров.*) 3. И велавліс сы дорö Варук эськө, да аслас мыж вöсна эз öшйы — вештісны сійөс МТФ-өн веськөдлөмысь. (*Г. Фёдоров.*) 4. Друг вежөрас рисуйтысь серпасъяссö кодкө быттьö юковтіс, да Петров син водзö сувтіс Квитколөн мыгөрыс. (*В. Юхин.*) 5. Йөзлысь йики аддзö, аслыс кер синмас пырас, да оз аддзы. (*Шусьөг.*) 6. Толькө на слöйыс сюрис да, огö на жö бөр мунöй. 7. Пелядь кажитчис нöшта на тшөгджыкөн, ичöt юрсяныыс тшупөдөн моз кызіс-гöгрөсмис тушаыс, да сідз жö вераліс сьöдов спиральясөн эзысь сьöмыс. 8. Кор пырисны нюрö, Райдалөн повзьөмпырысь ыркмунліс сьөлөмыс: сылы чайтсис, мый таті пасьталаыс кадъя, да он и төдлы, кызди тюльскысянпыран вöсныдык сьөмөса кад улас. (*И. Торопов.*)

9. Көбрег дораным октавлі лэч сьод ручлы, да жаль — шедома гөрд руч. (П. Шахов.) 10. Мукодыс эськөй еджыд паськөмаось, да и сәні найоос борда шыръяс вевттьомаось (И. Куратов.)

7 удж. Гижой предложениеяссө. Төдчөдөй, кутшөм вежөртас кутөны а, но союзъяс сложносочиннёй предложениелысь юкөнъяссө йитлігөн: өткодяланаос, паныд сувтөданаос, уступитанаос, өтвывтанаос.

1. Коля некор на эз аддзыв йөраос, и, дерт, окота вөлі видзөдлыны вөрса олысь вылө, но кытысь сийөс аддзан, колөкө, кутшөм ылө удитис пышйыны. (Г. Юшков.)

2. Алексей Федорович сьөлөмнас радліс: прөстөй уджалысьяс, а со кызди гөгөрвоөмаось татшөм воськовыслысь коланлунсө. («Войвыв кодзув» журналысь.)

3. Петі, заводиті моторөс, тракнитчис пыжөй — скорость вылын вөлөма, и бузгыси джуджыдінад, а пыжөй пышйө, мөдар берег лыаө вуджө. (П. Шахов.)

4. Степанлөн семьяыс сизим лов, а гөтырыс вөв кодь дыш, удж вылын нямыль. (П. Доронин.)

5. Васьлөн бать-мамыс мунісны удж вылө: мамыс — силос гу дорө, а батыс ГЭС-ө. (М. Игнатов.)

6. Донъясигөн быттьө и лөгасьлөны, и бурасьлөны, стойка вылө брун шыбитасны ситеч помаяс, матерье тукъяс, мед йөзыс асьныс видлаласны, шогманаось абу найө, но донсө некутшөма оз лэдзны, а чинтасны кө, сөмын сэк, кор аддзөны талысь быть коланлунсө. (В. Юхнин.)

7. Олөм чөж ме ветлөдлі йөз муясті, но аслам Коми муысь мичаджыкөс эг аддзыв. (В. К.)

8. Степанлы татшөм сёрниыд вөлі виччысьтөм, но буретш тайөторйыс вөрзьөдіс сылысь сьөлөмсө. (А. Лыоров.)

9. Энө полөй! Незаконнө, но коді нө ичөтикатө оз вожмавлы сийөс. (В. Леканов.)

10. «Ена нин тэ мыштө мудзтывлін пи вөснаыд, а өні мед сийө неуна төждысьыштас тэ вөсна!» — шуис пөрысь анылы председатель («Войвыв кодзув» журналысь.)

11. Валерьян пукаліс койка вылас дөрөмтөм, а мамыс аслас приданной мича вышивайтөм помьяса зэв кузь ки чышкөдөн зэлыда кардъяліс-гартліс сылысь морөссө. (И. Торопов.)

12. Сийө (Микол) эз вөв сылөн верөс, а мусук, колөкө и жөник, а жөникпуөс кийн кутны колө вөлі мелілунөн, а не пинясьөмөн.

Катшыс, потшөс вывті чеччыштөмөн, вуджис йөр пытшкө и, ылісянь бөжнас өвтөмөн, пондіс локны көзяин шы вылө, а сы бөрся өтпырйө берег кыркөтшсянь мычысисны нель челядь юр.

И Микол ачыс нин казяліс, мый Еленалон талун кыв-
йыс мыйыськө лудө сы вылө, но сійө зілис сёрниө пыдө
не пырны, а воддза мозыс ислалис сёрни веркөстыс.
(П. Доронин.)

8 удж. Видлалөй сложносочинённой предложениеяс-
сө, индөй, кутшөм төдчанлун кутө и союзыс (өттшөтш
мунысь действеяс, налысь сьёрсьөн-бөрсьөн мунөм, при-
соединитана, помка-следствие либө условие вылө индан
вежөртас), төдмалөй, мыйон тайө отношениясыс пет-
көдлысьсөны (сложной предложение юкөнъяссө мөда-
мөд бөрас сувтөдөмон, сказуемөйяслысь кад формасө
урчитөмон).

1. Вөлөмкө Толейлөн эм пөч, и сійө олө сэни, Пожөг
сиктас. Босьтам батыс. Электростанцияын техникон
уджалө, и ставыс төдөны, мый сійө техник. (М. Игнатов.)

2. Лызыяс мавтёгкості мөдөдчис уль сибдалана лым, и
ывлаыс шондөдіс, лоис нин сөмын кык градус көдзид.

(А. Ванев.) 3. Странаса сборной командаысь став му-
көд лыжникис кольччисны меысь, и на лыдын Федор
Симашов, коді босьтіс коймөд места. Красногорскын
котраліганыс нем виччысьтөг ульдөдіс, и став вынаджык
гонщикыс лоисны медбөръяяс лыдын. Василий быттө и
муніс аслас өдөн, но тайө өдыс вөлі нин мый поэнаөн,
и сійө эз нин вермы ньөти содтыштны.

Сэки мөд места босьтіс швед Свен-Аке Лундбак, и
сійө ворссис Васялы минута джын.

Сөветскөй командасыд нель морттө, майбыр, позис
бөрийны, и тренерьяс бөрийсны: олимпийскөй чемпион
Сергей Савельев, спринтерскөй дистанция вылын эзысь
медалист Евгений Беляев, кык бронза медаля Иван Га-
ранин да Василий Рочев. («Войвыв кодзув» журналысь.)

9 удж. Гижөй, тэчөй, кытчө колө, и союз водзө пре-
пинание знакьяс.

1. Тайө, тыдалө, вөлі ставлы жө төдсаторйон и унаөн
бара серөктісны. (В. Ю.) 2. Сэсыя, кылө, гольснитыштис
кильчө өдзөс вуг и здук мысти керкаө пырис Мишкалөн
мамыс да мөдіс дасьтысьны гөстыяс воигкежлө. (В. Ю.)

3. Куимовлы өні тайө вөлі кивыв и сійө доккнитіс юрнас
Ладимерлань. (В. Ю.) 4. Луныс вөлі вөскресенньө и
Матвей Степан пукаліс звөз вылас да шойччигмозыс
вөчаліс сьөла кыян сияс. (В. Ю.) 5. Ньөбасыны чукса-

лысь детинкалөн гөлөсыс вөлі гора беддён таркөдчө-
мысь вына и звёз вылын пукалысьяс уна пөв удитисны
кывны тайё выльторсё детинкалөн на дінө вотөдз. (В. Ю.)
6. Дыр мөдис нюжавны ар пом, шоныд да мича и ним-
тисны сійөс нывбаба гожомөн. (В. Ю.) 7. Гашкө, поме-
щица эз окотит эновтны ассьыс имениесө да мунны кыт-
чөкө ылі войвывса провинциальной карын овны, көні пө
весиг луннас котралёны улича кузя еджыд ошъяс и
довъялёны пернатом яранъяс. (Г. Ф.) 8. Асья рөмыдыс
разалігөн кутисны локтавны управаса служакъяс и ста-
выс мөдөдчис тані визувтны аслас визулөн кызди и тө-
рыт и во джын сайын и ещө на водзджык. (Г. Ф.)

9. И кызкө лоис нимкодъ мем и шоныд,
Мый роч му вылын чужом коммунист
И саридзсайса войтырлы тшөтш дона
И сэн тшөтш олө Ленин йылысь висът. (А. Ванеев.)
10. Ми талун восьлалам Ильичкөд
И талун медводзын Ильич.
Та вөсна мянөс не венны
И помөдз ваям паном висът. (В. Попов.)

10 удж. Сувтөдөй колана препинание знакъяс, гөгөр-
воөдөй, мыйла найөс колө пуктавнысө. Индөй сложной
кывъяссө, налысь гижанногсө.

1. Восьса өдзөсөд пырис праздничной кумач дөрөма
Иван а сы бөрся пөшти көк туйтис өдзөс порог вуджис
Иван гөтыр. Еленалы зэв сёлөм бердас инмисны тайё
кывъясыс но син на син весиг ас костын сёрнитны та
йылысь пыр яндысьліс. Сы ыджыд йөрыша туша дінын
кажитчис Гриша быттё урөсіник кукла пон увтчө
ыджыд пон вылө но мөдыс синсө оз лапнитлы да кывзө
сылысь пустөя лявксёмсө. (П. Доронин.) 2. Райда став
вир-яйнас кыліс кызди мышсяныс сы вылө видзөдө Пи-
тирим. Бергөдчыштіс да кыйис ёртыслысь гажтөмчысь,
пөсь видзөдлассө и таысь лигышмунлісны кок пидзөс
йөзвиясыс, тайкө усяс и жарө шыбитіс. Степан Федоро-
вич мыйкө горөдіс но вөлі сёр нин. Гөгөра змей моз лы-
йыштіс кузь голянас да шыла кодъ ёсь нырнас сизьдыш-
тіс Райдалы ки пыдөсас кытысь пыр жө сөдзтысис вир.
3. Ёна турунзьөм ичөтик Шөрді дорті кывтігөн ныр ув-
сыныс чепөсийс утка позтыр, мамыс сьөдов ва тар пов-
зёмөн «кра-кра» горзигтыр лэбыштіс водзө. А пияныс оз
на вермыны лэбзынысө но лапаяснас и бордъяснас ше-
насиг-швачөдчигтыр зэв жө өдйө төвзёны ва веркөсө-

дыс мамыслань садьтөг повзёмысла коньёръяс чирзёны... сизим пи... (И. Торопов.)

4. Сэк кильчө гольган сёрни торкө
И пырө Кыз Миронлөн пи
Код ордын мырсьыліс Көч коркө
Қор вөлі вына сьлөн ки
Сэк нывлы Кызлөн кулак инмө
Да вирөдз зургө өдзөс вуг.
Лөг ломзё сэки Семен синмө
И юрас мөвпъяс сьлөн дзуг. (Н. Фролов.)
5. А тайё синва эз вөв омөль
Сэн төдчис ьджьд төждлун пас
Йөз сэтшөм мортлы эскө помөдз
И быд здук отсөг сетны дась
Сідз сэсся нывлөн шогсян думыс
Йөз дінын чиніс лунысь-лун
И яра ворсны кутіс нюмыс
Кор воис уджас кужөмлун. (Б. Палкин.)

11 удж. Гижөй, колана препинание знакъяс тэчөмөн, висьталөй, мыйла сэтшөм знакъяс колөны.

1. Эз кольччы сыысь и отец Яков. Сылы ар ветымын саяс нин, но оз на петкөдчы пөрысьөн пельпомъяс вылө лэччөм кузь русөй юрсиа, шьлыьд чужөма, кыз, ён гөлөса. (Г. Ф.) 2. Од быдөнлы төдса өтка удж торйөдө йөзөс вөчө найөс ас ку пытшкас олысьясөн а отувья удж отувья гаж сибөдө өта-мөд дінас. 3. Биторлы радлыштө туйвывса мудзөм морт сійөс аддзөм бөрын содтө воськовьяссө сьөкьд додь кыскысь вөв. 4. Илья быттьө кыліскодь жө мый Дано Масашвили сылы вөчис не сөмын операция варов доктор колис татчө мыйкө ещө зэв важнөйөс на Илья некьдз эз вермы гөгөрвоны мыйджык сэтшөмсө сійө колис. 5. А найө друга пөдруга видзөдісны воча син да чөв олісны вомъяс пыдди сёрнитісны налөн радейтысь сьөлөмъясыс. 6. Карплөн эз пукавсьы то пыравлас орчча жьрйө то петавлас кухняө. 7. Микол Ольөксан эськө петуксьыс петук сійө и видзөдө медым кокыштны кодөскө а усйысис көтасьөм бөжа чипан моз. 8. Сійө (Карп) эськө кужис индыны өдзөслань туй да эз позь вывті нин паськьд эрдъяс воссьөны сы водзын лоас кө Пипуныров сватөн. (В. Ю.) 9. Дзик мөд кодьөн лон Мишка мамыс дорө мелі батьыслы пыр дась мыйөнкө отсыштны пызан сайө пуксьө первойя мортөн. (В. Ю.) 10. Керкаыс көть важиник ортсысянныс и пытшкөсся-

ньыс петкөдліс зіль көзьяйкалысь киподтуйсө гөгөр пелька идралөма джоджын ас кыём вольөсыяс. (И. Из.)
11. Сідз жө тэрмасытөг ньөжйөник визувтысь кадсө тічичи лыддис стенин өшалысь ыджыд часі кодлөн сьөкыд ыргөн гираясыс важмөмысла вөлі чүсмөмаөсь нин сідз жө ен ув пельөссянь дзоргисны-видзөдісны эзысь оправаөн дорөстөм образьяс кылыштіс сургуч дук да ещө кутшөмкө аслыснога канцелярскөй дук. (Г. Ф.)

12 удж. Гижөй. Висьталөй, мый йитөны сочинительнөй союзьясыс, кутшөм вежөртас сетөны найө кывьяслы да предложениеяслы.

1. И луньяс кольөны, и төлысьяс, и вояс,
Оз бурдны сөмын сьөлөмысь важ дойяс.
Мый вөвлі, сійөс кадыс нуис ылө,
А сьөлөм ставсө помнитө и кылө.
Көть миянөс и лөкыс эз коль пайтөг,
Ми няргыны, ми чукрасьны ог чайтөй.
А сөмын төдам — бурсө водзө нуны;
А сөмын төдам — йөз шуд вөсна пуны.
И медым кадыс мунө аслас өдөн,—
Мед сөмын водзө дойяссө ог төдөй.

(В. Попов.)

2. Көч водө сылань юрөн, кысянь локтіс, и век төв паныд. Сьөлаяс узылөны лым пытшкын гозйөн, а тарьяс да байдөгьяс дзонь кельөбнас. Зверь-пөткаөс медсясө повзьөдлө оз көдзыд, а тшыглун. Уркай поздысьө да быдтө пиянсө январын, февральын: сэк сылы медся кокныда шедө сөяныс. Кобчик поз оз вөч: сійөс «удждывлө» катшаяслысь да ракаяслысь. («Югыд туй».)

13 удж. Индөй предложениеяссыс юкөнъяссө, кодьяс йитчөны присоединение ногөн. Висьталөй, кутшөм вежөртас найө сетөны предложениеяслы.

1. Коми войтыр нэмсө кыйсьө,
Сылы төдса быд пу кост;
Тані быд морт сямөн лыйсьө,
Да и пармаын оз вош. (Выль Паш.)

2. Патерантьяс и водзті кодсюрө овлісны миянын. Керка ыджыд, мый не овны. Тайөяс овмөдчисны таво на, төвся каникульяс дырйи. Но кызкө сэтшөм өдйө накөд өта-мөд дорө велалім, пырим-петім, мый быттьө нэм өт-

лаын олома. Василий Ксенофонович — учитель, велөдө
миян школаын история. Вичыс сылөн вывті съөкыд, да
ме понді сійөс шуны прөстө учительөн, да и мам-бать
тшөкыда сійөс учительөн пыдди пуктанаа шулісны.
(Н. Куратова серти.) 3. Уджыс съөкыд и сы вөсна, мый
совхоз отделениеса управляющөй кыз быттьө лөгалө
фермаса аныяс вылас. Съөлөмсянь сёрниыс оз артмы, да
и отсөгсө оз ас кадө сет. (А. Матвеев.)

4. Видзөдө: кöин со кыйксьөдө подөн,

Дай нөшта зэй ёна чотө. (Илля Вась.)

5. Торъя личөдөмъяс эськө сійө зеллясьыд эз вөвны,
но век жө съөлөм вылад лөсьыдджык. 6. Наперво тай
чериняньястө да чери тыра пөкрышкаястө Оксеныс эз
нин шыблавны-а, көть и важ моз на ыкшаасьліс да ыж-
давліс, а ыждавны помкаыс вөлі жө дай. 7. Никодимлы
эськө юръяндзим и висьтавныс, но — быть, мый нин сос-
сян, сюрөм бөрад. (В. Безносиков.) 8. Войнаөдз Ольош
Илья өти төняысь сынтө дзонь пельсаөдз көповтліс, а өні
жаритмөн оз сюр... Тулыснас сөмын кульмөмсө аддзы-
лан. Мольтө лэдзасны да, керъяс водзвылас и увлань
пышйө... Ёдыд дзикөдз шочмис и. Медся джуджыдінас
нин вугыртө шыбитан, व्या рокъясөн войбыд велөдан, а
мый төлкыс? (В. Безносиков.)

14 удж. Лыддьөй кывбурсө выразительнөя. Корсьөй
сложносочинённой предложениеяс, индөй присоеди-
нительнөй йитөда предложениеяс, висьталөй, кутшөм ве-
жөртас найө сетөны сложнөй предложениеыслы.

Веж пармасө юковтө менам Печора,

А енэжыс сы весьтын дон.

Выль сыланкыв петөма вөльнөй ю дорө,

И радлунлы оз волы пом.

Веж пармасө юковтө менам Печора,

А берегө кучкалө гы.

Водз асылын удж вылө чуксалө-корө

Выль олөмлөн радуитан шы.

Веж пармасө юковтө менам Печора,

Веж пармалөн вежсьөма бан.

Эз весьшөрө вир кисьтан тышъяслөн горын

Былинаяс тэчлыны тан.

Веж пармасө юковтө менам Печора,

И вынйөрсө сылысь он кут.

Ас нэмнымлөн мичыс и тані оз орав,

Оз оравлы өтувъя шуд. (В. Попов.)

15 удж. Тодмалой кодї да кутшом союзной кывьяса придаточной предложениеяслысь видьяссө. Индой, кутшом предложениееса членон найо лооны.

1. Тани вöлины банйом чужома тэрыб нывьяс, вышивайтом дөрөма зоньяс, вазьом синьяеа бабаяс, найос такодысь зумыш дядьояс да, дерт нин, вильыш челядь, кодьястог дзик нинөмтор оз прöйдит. (И. Торопов.)

2. Вöли пеляд кучкысь лөн, не ко лыддыны номьясөс, кодьяс кылісны рытлысь уль русо да зіля тиньгисны. Пилоткаыс Надялөн куйліс орччөн, сапог вывтыис вестасис гаг, кысянькө өвтіс съод сэтөр пулөн чөскыд көр, ю модлаповса нейджыд тын, кодї вöли саялома сук вөрөн, меліа шыасис быдтысьысь утка.

Сёрмөмысь Надялы вöчисны замечание да индісны лейтенант выло, кодос Надя таодз эз на аддзыв. Сэсса найо отлаасисны рота мында партизункод да вöлисти тани вöли висьталөма могьяс йылысь, кодьяс сулалоны нейджыд отряд водзын. Тайо вöли бура котыртөм смелой рейд противник тыло, кодон веськодлісны опытной командирьяс.

Ондрей сёрнитис ас кодбыс жö ранитчөм красноармеецкөд, кодкөд тодмасис поездын.

Вöли татшом жö уліникын шондї, кодлөн войся ыркыдик югорьясыс пырисны восьса öшиньод. И та бöрын кызкө ачыс нин пансис сёрни, кутшом съокыд вöли тайо крайясын геологической экспедицияслөн первой партиаяслы. Лёка öмой уджалісны? Налөн шахта стрöитан темпьясыс вöлины ичөтджыкөсь öмой сы дорысь, кутшомьясөс Ондрей тодліс фронт выло мунтодзыс?

Пöрысь көр пастук эз вöv гортас, сійо вöли колхозной көр стада дінын, кодос тайо кадас векджык видзлөны море берег дорьясын, колхозсянь уна сө километр саыин. (В. Юхнин.)

3. Ме эг завидьты некор мөдлы,
Кодї нэмсө эз аддыв лым —
Он кө кынмывлы, он и тодлы,
Кутшом шондыс овло пым.

(А. Ванеев.)

4. Эз, тайо минутаясө Семенов эз вöv сэтшөмөн, кутшөмөн вöли сөмын на таодз, кутшөмөн тодліс сійос Ондрей. (В. Юхнин.)

16 удж. Лыддьöй предложениеяссö. Торйöдöй сэтысь придаточнöй юкөнъяссö. Индöй, кутшöм места найö босьтöны главнöй бердас, кызди йитчöны, кутшöм вежöртас сылы сетöны да кутшöм член пыдди мунöны.

1. Гашкö, врагкöд зурася да уся,
Ог кө сийöс асьсö водзджык лый.
Кушмöм яблөг пуяс дзиръя саяс
сулалісны, быттьö куим вок.
Посводзас кор ньöжйöникөн кайим,
кылім паныд тувччалысьлысь кок.
Шоныдджык, блиндажад кодыр дзескыд,
чусалыштö гильза помын би,
письмöясөн шонтысим, — эг пескөн! —
өтвылысь дзонь ротаясөн ми.
Бара пемыд посводз... Ас бöрысь нин кылі:
— Арся пемыд войыд вывті кузь.
Абу кар öд... Вушйöм шынель вылад
ёртыясыдкöд, мунан тась да, узь.
Танялысь, ме тöда, сöстөм вежөр
некор аслас сөвестыс оз йир.
Нэмöй кежлö паметын и кольö
сийö, кызди дона сьölөм дой.

(С. Попов.)

17 удж. Корсялöй предложениеяссыс изъяснительнöй придаточнöйяссö, индöй, главнöй предложениеса кутшöм член дінö найö йитчöны, мый отсөгөн, кутшöм член пыдди мунöны.

1. Со и сиктыс. Тешкодь сьлөн нимыс.
Кытшалö быд керка эндөм сад,
тöдчö, кутшöм дойөн сылы инмис
чардөн-гымөн сотысь война кад.
Тэнсьыд шудтö, Таня, коді торкис,
мырддис тшöтш и менсьым югыд лун!
Войнаыд мый му шар вылö кöдзö,
сыысь некор веж быдмөг оз пет.

(С. Попов.)

2. Гажтöмчö вокыс и тöждысьö чой.
Лун и вой мөвпалö, шогсьö быд морт,
Виччысьö, кор воас багатыр ёрт.
Со сэсса багатыр воис —
Коммуын гажаджык лоис.

(Илля Вась.)

3. Кызди пуо зонлөн коньөр сьёлөм,
Коді төдас, аддзас кутшөм ног,
Кодыр том кад быд лун тшөктө вөлі
Гажлун сайо сайодны быд шог.
Мый ог воы сизим во чөж гортө,
Менам сьёлөм сэки эз на кыв.

(А. Размыслов.)

18 удж. Видлалөй сложноподчинённой предложение-
яссө. Индөй, кызди йитчөны главнөй да придаточнөй
юкөнъяс. Кутшөм вежөртас сетө придаточнөйыс глав-
нөйыслы?

- I. Кадыс көть и вөлі ёна сёр нин,
тэрмасьтөг ми юим еджыд чай,
первойысь и аддзысим, а сёрни
вошөм помлысь гөрөдсө эз вай.
Чишкаласны өні көть биөн,
сутшкөдласны пуртөн ки и кок,
сөстөм лолөс нинөмөн оз вины,
мистьтөм горшлун сьёлөмө оз лок.
Төдіс председатель дзик быд керка,
быд олысьлысь радлун, да и дой,
мырсисны өд өтмоз, лым көть, зэр көть,
муяс вылын быдөн лун и вой.
Гусьөнмоз көть казтыштөма «служба»,
гөгөрвои сылысь гуся гор.

(С. Попов.)

- II. Ош кодь парья көть, ош кодь гөна,
аслад век жө медся муса челядыд.

(Шусьөг.)

Гортад көть кызд, кузялаөн көть пөперегөн,
некод тэнө оз төд.

Көть кутшөм шань, век жө абу гортын.

(Шусьөг.)

19 удж. Гижөй сложноподчинённой предложение-
сө, корсьөй придаточнөйяссө да индөй, кутшөм вежөртас
налы сетөны **медым, мед** союзьяс.

1. Ми велөдчысьяскөд лөсьөдчим ыджыд праздник
кежлө, велөдім сыланкывьяс да кывбурьяс, медым
праздник луньясө школаын нуодны гажа рыт. 2. Ме
пукси пызан помө, киө босьті водзвыв лөсьөдөм тетрадь
да карандаш, мед пасьялыштны, да өлөді мойд кыв-
зысьясөс: «сөмын не куритчыны». Кывзысьяс ланьтөма-

ось, сөмын нырнаныс чушкыштöны. Ме öтнам шыась-
лывлa, корсюрö выльысь кора висьтавны мойдса йöзыс-
лысь нимъяссö, медым гижны аслам тетрадьö: гашкö,
коркö видла гижны кывбурöн. 3. А ме аслым шуи тадзи:
талун велöда бөръя лун; аски вöскресенньö, аскомыссян
лэдзала велöдчысьясöс вежоң кежö, мед шойччöны.
4. А меным любö, окота, мед эськö унджыкöн аддзыліс-
ны Абезьын менсьым кыйöм медводдза кык байдөгöс.
(Я. Рочев.) 5. Öти фиордö колö вöлі пырны, сэні неме-
чыслöн транспорт сулаліс. А вомсö тупкöма, мед ва
пытштійыс он вермы. (Г. Юшков.)

6. Сөйтöгьд олан на некымын лун —
Ломтастөг машина воськов оз мун.
Войт весиг дона и сувтны оз позь,
Мед көть и няйт вылö пуксьывлö ось.

(В. Тимин.)

7. Кызди морелань шывгöны юяс,
Сідзи гортсьыным шывгылам ми,
Медым аддзывны мичаджык муяс,
Медым восьтыны асьыным ді.
Сöмын юыс кө мореö кольччö,
Ми ог эновтöй ас чужан му.
Кытчö мунам көть, сійö пыр орччöн,
Медым мянöс гажтöм эз су.

(В. Лодыгин.)

8. А сэссия чунькытшсö водз чуняс сюяс, мед карын
моз быд керкаын югьд бияс öзъясны, выль школа лоас,
а сэні ачыс велöдчыны кутас. (И. Изъяуров.)

20 удж. Лыддьöй предложениеяссö. Индöй, көні **мый**
лоö союзöн, а көні союзной кывйöн. Мыйöн торъялö **мый**
союзной кыв **мый** союзысь?

1. Мый көть вöчны сійö тэныд тшöктас,
тэрмасьöмön ставсö вöчан пыр.
2. Öти письмö,— синъяслы эг эскы!—
Размыслов Ананий, муса друг,
гижис, мый и сьлөн служба места —
Дон ю дорын куйліс сикт — Бурлюк.
3. Помнитны ме збыльысь кута кувтöдз,
мый сэтшöмыс морт сьлöмлөн пöсь.
4. Войнаыд мый му шар вылад көдзö,
сыысь некор веж быдмөг оз пет.

(С. Попов.)

5. Меным кутшöмакö шог, мый чужан юйй, кодкөд
йитчöма менам став олөмöй, а тшötш и бать-мамлөн да

пӧч-пӧльлӧн олӧмыс, — мый тайӧ юыс, сы кузя визувтӧм бӧрын, помасьӧ тані. (И. Торопов.) 6. Но висьталан ӧмой кыв-мӧдӧн, мый аддзылӧма да лэдзӧма вежӧр пырыд. (И. Изъюров.) 7. Морт сідзи сяммыліс шуны, мый пыксыны оз вӧлі позь, а то ловтӧ гугӧдас. (Е. Рочев.) 8. Пянюковлы нимкодь лои и чӧв пуксьӧмсьыс, и сыысь, мый гӧтырыслӧн кодь жӧ тэрыб чуня тайӧ аныс. (Г. Юшков.)

9. Мый миян костын вӧлі и мый лоӧ,
 Оз, миян кындзи, некод эсся тӧд.
 И весиг тӧдса кыз пу гӧгӧрвоӧ,
 Мый ме моз тэно тан оз радейт мӧд.

(В. Попов.)

21 удж. Определительной придаточной сложной предложениемас индӧй, мыйӧн йитчӧны придаточнойясыс главнойясыскӧд; висьталӧй, кутшӧм рӧм пыртӧны союзной кывъясыс да союзъясыс придаточной предложениемас.

1. Тайӧ лои сэк жӧ, война кадӧ,
 Кор Воронеж врагысь мездим ми.
2. Но а Таня, кыззи сийӧ олӧ,
 сийӧ, кодӧ медводдза любов
 мукӧдъяслы юкнысӧ пыр полӧс,
 мусаыс кор тышын пунктӧс лов?
3. Сиктлӧн чӧвлун юргис кыкнан пельын,
 шойччанӧн кор петӧм корсьны ми,
 кӧнӧ эськӧ эз дӧзмӧдны челядь,
 ӧйыштӧс кӧть сӧмын дзузган би.
4. Таня, Таня, тэно ӧд и корси,
 тэно, кодӧ мича да зэв шань,
 тэно, кодкӧд ичӧт дырӧи ворслӧм,
 урок костын шӧри юклӧм нянь.
5. Мекӧд паньд пукаліс мӧд Таня,
 кодӧ видзис верӧсыслысь горт.
 Ме жӧ вӧлі тӧдтӧм сиктас танӧ,
 вывти тӧдса, но и тӧдтӧм морт.
6. Синва кытшӧ йӧрмӧм сылӧн синмысь
 аддзи ӧнӧ ыджыджык на шог,
 мукӧдъяслы кодӧс аслас нимнас
 висьтаваны оз сувтӧдлыны мог.
7. Восьлалӧ ме шондӧ лӧччанӧнлань,
 енӧжтасыс кӧнӧ вӧлі гырӧд.
8. Жаль вӧлі, эг аддзыслы и ӧрткӧд,
 кодӧ меным вӧлі збыльысь вок,

эг ӧтчдысь сыкӧд сѣйлы коркӧ
ӧти пӧртйысь пӧсь юква да рок.

(С. Попов.)

9. Шура Рубакин воӧм бӧрын вӧлись мян помасис
йӧй уджным, кор вӧлі дзикӧдз сорласьӧма-гудрасьӧма
лун да вой. (И. Торопов.)

10. Кылӧг ёль дорын, кытчӧ недыр мысти петісны Ту-
рышев гозья да Касева, сулалісны нин вотчысьяс...
(Г. Юшков.)

22 удж. Гижӧй предложениеяссӧ. Кызди союза да
союзной кывья придаточнойяслысь тӧдмалӧй видсӧ, ин-
дӧй сложной предложение юкӧнъяслысь типьяссӧ.

1. Ольӧксан мӧдысь нин эз тӧд, кызди сёрнитны пӧ-
рысь морткӧд. Чеччыны да бокӧ вешйыны абу лӧсьыд:
пиыс пыдди ӧд сёрнитӧ. 2. Лиза нинӧм эз куж вочавидз-
ны да мӧдыс нинӧм эз жӧ шу сэк, но Лиза кыліс, кызди
Евлогий Алексеевич сылы друг тшӧтшья зонмӧн кодь
кажитчис. 3. Лиза чайтіс, мый сы вылӧ тадзсӧ скӧрмис
Ольӧксан, но аддзис, кызди верӧсыс котӧрӧн вуджис
керка йӧр потшӧссӧ да, горзігтырйи, лэбзигӧн моз, кияс-
нас паськыда шенасьӧмӧн, котӧртіс сю му вылын южды-
сьысь вӧвьяс дорӧ. 4. Аслыс ӧмӧй сӧмын бурсӧ-кокныд-
сӧ кӧсйӧ Лиза! Либӧ оз гӧгӧрво сійӧ, кызди мыжа морт
моз локтӧ гортас Ольӧксан удждон босьтан лунас, шуан
мыйкӧ да чӧв олӧ, сӧсся меда удж вылӧ мунӧ. 5. Шуны
кӧ, Ольӧксанлы ньӧти эз вӧв окота дузьявнысӧ, сёрнит-
тӧг овны... Та вӧсна мӧвпалігтыр, кызди вочавидзны Ли-
залы, Ольӧксан бура дыр пурскис-мыссис клеёнкаӧн
эжӧм мыссян пельӧсын. Сӧсся гӧна ки чышкӧдӧн чужӧм-
сӧ, сьылісӧ сьӧлӧмсяныыс тапкӧдігтыр рама жӧ да лӧня,
кызди и сёрнитлӧны прамӧй йӧз вой улӧ, шуис:— Помся
зэрӧ да. Мися, кобӧмсӧ виччысигмоз уджалышта на. Эз
и коб. Мышкӧдз йиджис гортӧ локтігкості. (П. Шахов.)

6. Челядькӧд лэдзим праздник кежӧ Абезь сиктын
медводдза стенгазет. Гижим дзик ставсӧ, мый вӧчсьӧ
не сӧмын Абезьын, но Феон да Ярпи деревняясын, весиг
тшӧтш сы йылысь, кызди кутшӧмкӧ Парук кольӧм во гу-
сялӧма суседыслысь моздор тыр турун. (Я. Рочев.)

23 удж. Лыддьӧй кӧ союзной частицаа сложной
предложенияяссӧ. Тӧдмалӧй, вежӧртас боксяныыс ку-
тшӧм йитӧдьяс вылӧ найӧ индӧны (условие вылӧ либӧ
ӧткодьялӧм вылӧ).

1. Но вот, Иван Николаевич, ковмас талун кавалеравныд да быть гортодз мено колльодны, ыджыдджыкъяс ко тшоктоны. (Б. Шахов.) 2. Мен ко эсько татшом порысыд сюрлас, ог на пышйы да. (Б. Шахов.)

3. Бур сусед ко шоча воло,
Лун-мод ко оз пырав,
Менам висьмыло сак лолой,
Сэтчодз гажой бырас.

(И. Вавилин.)

4. Тадзи ко, менам бара юалом чужо. (П. Шахов.)
5. Виль веткисо ко босьтан, окуратнойджыка водитчы: вочи да, пакосьтыд, вывти дзиброс лоома, прамоясо несыйны он лысьт. Первой не первой, а гумовтчан ко, ваыд кизьор. (П. Доронин.) 6. Вожжи он ко зелод, лек волос он велод. (Шусьог.) 7. Том морт гогорвоис, мый не ко вештыны зал весьто ошйом чарда кыморьяссо, вермас омольтор артмыны. (И. Торопов.)

8. Керкасыд ко мыйко вошас:
Корсысьсомысь оз босьт дон,
Вошломторто ваяс чожа,
Честь тэд сетас понья зон.

(И. Вавилин.)

9. Пыр ко посявмон удж вылын мырсян,
Оз мой корко и шойчыштны ков?

(В. Власов.)

10. Мойд ко висьталан — лэдза, он висьтав — ог лэдз. (Коми мойдьяс.) 11. Сьоломыд ко ыджыд, быд удж ичот. (Шусьог.)

24 удж. Вайодом сложноподчиненной предложениеясыс видлалой **кор** союзной кывья придаточнойяссо, индой, кутшом вопрос выло найо вочавидзоны да кыззи йитчоны главной предложениеыскод.

1. Готырөн ме сийос,
Кор мый корны.
Сийо мено веросон пыр шуис,
Миян олөмын зэв сийо туйис.

2. Коді кыскас сонсо?
Кепысь вылас гонсо
Нетшка пель дінсьыс,
Кор сідз лөсяліс.

(И. Куратов.)

3. Гожомнас на, кор Степан ветльвліс вөрө сүмөд кульны либө туйс кышьясла, сийо аддзис и кыліс уркай-

лысь коми вөръясö воёмсö. (В. Юхнин.) 4. Вөрті вуджи-гөн меным усис дум вылö колян вося гожöмыс, кор ме вöлі медся шуда мортөн му вылас. (Б. Палкин.) 5. Кор ми мөдöдчим сиктлань, пості мунігөн паныдасис миян-көд олöма дядьö, сэки меным и висьталісны, мый тайö выль начальник. (Б. Палкин.) 6. Старая Русса кар дорын, кор миян бöрынтьчисны, а колö вöлі сувтöдлыны немечьяссö, мед миян удитісны кодйысьны выль места-ас, Доронин ачыс босьтліс татшöм «дегтяревсö», мырд-дыліс пулеметчиклысь.

7. Дзугыль Микаль, медся колан,
Кодыр кулан и кор олан.

(И. Куратов.)

25 удж. Тöдмалöй вежöртассö придаточнöй предложениеяслысь, кодьяс йитчöны главнöй предложениеса местоимениеяс дінö, да индöй, мыйысь тайö вежöртасыс зависитö.

1. Сы вöсна мый скамья вылын пукалысь войтырыс зэв на томöсь, сы вöсна мый медводдзаысь на мыжмисны и пыдісянь гөгөрвоисны ассьыныс лёк вöчöмсö, та вöсна судитны тюрьмаын пукöдöм могысь найöс оз на ков. (И. Торопов.) 2. Енэжас и му вылас, кажитчö, лон лөнъ, а гашкö, сöмын Васьöлы сідз кажитчис сы вöсна, мый сылы лои гажтöм да забеднö. (М. Игнатов.) 3. Менам кывйöй эз бергöдчы дивитны мамöс сы вöсна, мый сійö меным кажитчис меысь на шудтöмөн. 4. Татчö во-тöдз Света мый вермис тöдмаліс Софья Степановна йылысь и öні казяліс, мый ловъя Таранова вель ёна öт-кодъ сійö образыскöд, кодöс водзвыв лöсьöдіс ас вежö-рас. (И. Торопов.) 5. И Турков эз лөгась сы вылö, ним-кодъ на лои сылы сыысь, кутшöм ыджыд вежöра тайö нывбабаыс. (Г. Юшков.)

26 удж. Вайöдöм сложноподчинённöй предложениеясыс корсялöй главнöйяссö да придаточнöйяссö. Ин-дöй, кызди найö йитчöны мöда-мöдныскöд, кутшöм ве-жöртас сетö придаточнöйыс главнöйыслы.

1. Роч поэтöс комиöдны босьтча да,
Бытьö ачым роч морт сэки лола.
Уна пöлöс кывъя йöзсö орччöдны
Ме тшöтш государствомлы кола.

2. Арся рытын чукыль сайö
Вошис катысь параход.

Мукөд нывлы веськодъ тайё.
Менё кыскё юлөн от.
Быттьё мыйкё вошти сэні,
Көні муткылясьё көдж,
Быттьё коньөр сьөлөм менам
Пессьё гыяс костын тшөтш.

3. Быттьё миянлы медыджыд козин —
Сувтё парманым весьтё лун.
Гырысь уджъясөн войвылөй озыр,
Көть мед кытчө мун.
4. Кытчө войыс төвсё суис,
Сэні-й сійёс личкис ун.
Менсьым унмөс чөртис нуис —
Быттьё нюжалыштис лун.
Кодлы, думайта да, колё
Сійё, гижа өні мый?
Али слава мекөд олө?
Сійёс регыдөн он кый.

(В. Попов.)

5. Допрос дырйи Пронька нинөм мөдтор бурджыксө эз вермы думыштны да висьталіс, быттьөкө сійёс мөдөдлісны корсьны походной кухня. Сюрис кө врагъяс киö сэтшөм йөй ногөн, мед нин йөй кодьөн и кольё, да и кужис Проня мукөд дырйи йөй улө лэдзчысьны. (Г. Фёдоров.)

27 удж. Гижөй первой ина придаточной сложной предложениеяссө, кодъяс йитчөны **көні, кытчө** союзной кывъясөн, а сы бөрын определительной придаточнойяссө, кодъяс йитчөны тайё жө союзной кывъясөн. Төдчөдөй налысь торъялөмсө.

1. Водз асывнас на мамыс нуөдаліс асьыс пиянсө вотөса местаө, көні быдмөны чөд-чөдлач. (И. Коданев.)
2. Веськөдчисны мыйлакө кыр йыв, клуб саяс, кытөн мөд нөрыс кыпаліс, ва дорсянь кө лыддыны. (Г. Юшков.)
3. Көні би, сэні тшын. (Шусьөг.)
4. Исполкомъяс мукөд дырйи панлөны тышсө оз сэні, көні колё. Оз адзыны, мый вылө уськөдчыны, да ыршасьоны сынөдас. («Чушканзі» журналысь.)
5. Нина өтнас төдө, кытчө пышйис верөсыс.
6. Вежон кык мысти комсомолө пырөм бөрын, кор Ниналөн эз на сайкав шуда радлөмыс, сійёс корис комсомольской организацияысь секретарь, латшкөсіник тушаа зон, пыртис комнатаө, көні Нинаөс босьтісны комсомолө, шуис: «Пуксьы!» (Жугыль.)

28 удж. Лыддьой предложениеяссö. Думыштöй, кутшöм придаточнойяс йитчöны главнойыскöд **мый** союз да союзной кывъяс отсöгөн. Индöй главной да придаточной предложениеяслысь типъяссö.

1. Булькалөн юр гөгöрыс дзормöма, пельясыс съöктаммöмаöсь, кöзяныслысь висьталöмсö ёнджыка гөгöрвоö синъяснас, бур мый найö сюсьöсь на.

Пöль инас оз öшйы, тöд вылас оз во, мый понйыс вермис кольччыны ты дорö.

Челядь кöсьясны видлыны, мый эм мешöкас, но понйыд уськöдчас: эралö пö, матö оз сибöд. (*«Югыд туй»* газетысь.)

2. Нина быдöнкöд лöсялис, регыдөн гөгöрвоис, мый сийö абу öтнасөн, пыр бергалö колхозникъяс пиын, на пöвстын олö-уджалö.

Семö Микулай вöзйис сэтшöмтор, мый нывлы зывöк лои. Сийö эз тöд, мый вöчны да мый шуны. Эрыштчис да ки пыдöснас швачкис бан бокас вöвлöм мусукуслы.

Мыйён кылис верöсылысь мам йылысь гарыштöмсö, дрöгнитис, топöдис морöс бердас писö, быттьö полис, мый сылысь кодкö вермас мырддьыны муса Генясö.

Степан аддзис, мый гöтырыс бледöдис. Но сийö эз öвсы, лыддис коланаён да тöдчанторйён юörtны, мый кывлис: öни пö мам кодьястö заводитöмаöсь паськыда оправдайтавны.

Нина казялис, кыдзи сылөн чужöмыс кöтасис мам синванас. Сийö öни эз дивуйтчы, мый первойысь аддзис мамыслысь нормöмсö. Чорзыйлöм съөлöмсьыс шуда синваыс петö. Медъя. (*Жугыль.*)

3. И сэтшöм нимкодь лои меным,
Мый тан ме абу лишной морт,
Мый ассыым кужтöмлунöс вені,
Мый мекöд орччөн татшöм ёрт.

(*В. Тимин.*)

29 удж. Г. Фёдоровлөн «Кыа петигөн» романысь гижöй 5 предложение, кöни **кутшöм** союзной кыв йитö изьяснительной придаточной предложение главнойыскöд, да 5 предложение, кöни **кор** союзной кыв йитö определительной придаточнойöс.

30 удж. Я. Рочевлөн «Кык друг» романысь гижöй 10 предложение, кöни **коді** союзной кыв йитö придаточнойсö главнойыскöд, индöй, кутшöм вежöртас кутö союзной кывйыс.

31 удж. Корсялөй периодьяссө, индөй налысь при-
знакьяссө, юкөнъяскостса йитөдьяссө.

1. Вотчыны кө ветлывам,
Вуграсьны кө удитам,
Сьөлөмшөрсянь кыкнанным
Ота-мөдөс любитам.

(Ю. Васютов.)

2. Кор шыбитис Рум
Ассьыс көр куысь пасьсө,
И Ленинскөй орденөн
Югнитис вой,
Кыз бытьөкө виччысьтөг
Петөма шондi,
Көн воясөн нюжавлис
Сап пемыд вой.

3. И сэки, кор тундраын
Стройка шы лыбис,
Кор ставнад тэ бергөдчин
Партия дор,—
Тэ Ленинөс ассьыд
Пөсь сьөлөмсьыд аддзин,
Кыз аслад став олөмад
Меддонатор. (В. Латкин.)

4. Көть, шуам, сьөкыда лоө мырсьыны-уджавны коми
войтырлы, лигышмунтөдз мудзлыны, майышмунлыны,—
пыр жө нин корьяскө овлывлө и гажөдчан пөра. Сэтшөм
дырйиыс сьөлөм вылад кызкө лөсьыдджык, долыд-
джык, олам серамбанөн, нюмъявлам, весиг теш босьтлас
да чөскыда серавлывам. Дерт, став шогыс и гажыс
мунө олөм помысь: дзескыда кө олам да олөмсьыс кө
аддзам сөмын лектор, сэки сьөлөмным жугыльтчө, гаж-
төм босьтө. Мөдарө кө, бур олөмыс сетө долыдлун —
сэки гажа, нюмъявмөн-серавмөн гажа. (Нёбдинса Вит-
тор.)

32 удж. Видлалөй сложнөй синтаксическөй конст-
рукцияссө, индөй: 1) йитчан ногсө (союза али союзтөм);
2) союза йитөдлысь видсө (сочинение, подчинение);
3) юкөнъяссө йитанторьяссө (союз, союзнөй кыв, шуан-
ног, юкөнъяслөн өта-мөд бөрся мунөм); 4) юкөнъяс кос-
тын вежөртас серти йитөдсө. Лөсьөдөй предложениея-
лысь схемаяс.

1. Ярлунөн фашистьяс вылө кисьтө
чардби кодь жө ньөвьяссө эр-эс,

кодлы нимсö сетісны «катюша»,
сьөлөмъяслы вывтi муса ним:
веськалан кö, сэтшөм ёся чушкас, —
вушъяс черань-свастика, кызд сiм.

2. Ен нимөн и уськөдчисны найö
мырддыны советскöй йöзлысь шуд,
налөн быттö буретш татшөм пайыс —
лөсьöдны став йöзлы öти суд:
сотны мича каръяс зверьяс сямөн,
ловъя мортлысь орöдны пöсь кыв...
3. Кувны кö нин ковмас рана помысь,
водзджык синмөс мед оз гудырт сiм:
көдзалыштөм вом дорьясөн вомöй
казытыштас на тэнсьыд мича ним.
4. Ойбыртлi жö коркө асья дорыс,
но и сэки суöдлiс на вöt:
кодкө менö зывöктөмөн ёрис,
кодкө сьöвзис чужөмбанö — «скöt».

(С. Попов.)

5. А кор корсьны тайöс, гижас
миян бур морт лөсьыда,
дырджык кодйысьөм мысьт гижас,
висьтавны кö веськыда,
шань трактатсö, пызан суда,
сы йылысь, кызд лоны шуда, кöсйö
гижны нин нель во.

(И. Куратов.)

6. А бöрыннас Мишка аддзис интереснöйтор: вöлөм-
кö, кодыр пельястö дорвыв öдйö тупкылан да öдйö вось-
тылан, сьылөм шыыс сэки орласьö и артмö увтчөм мо-
даа — ава, ава, ава... Но дöза мичаа. 7. Мирон полис жö
Илья вöсна: том на сiйö, нэрöсь лыясыс и сөнъясыс, збы-
льысь вермас доймыны. 8. Вера тэрмасис. Педöракöд
найö öдйö идрасьыштiсны, отсалiсны тьötкаыслы уж-
найтöдны гөстьясöс да, кор петісны важ керкаö, сёрнит-
чисны ас костаныс: көзяева кö мөдасны юасыны Вераöс,
Педöра висьталас, мый сiйö муніс кытчöкө мөгөн.
(В. Юхнин.)

33 удж. Лыддьöй предложениеяссö, гижалöй слож-
нöйяссö; индöй, кутшөм йитöдъяс артмөдöны ас костаныс
налөн юкөнъясыс, висьталöй, кутшөм типа прöстöй пред-
ложениеясысь найö артмөмабсь.

1. Со нин шуйга берегын тыдовтчис ыджыд сикт —

Палаззя, мыльк йылын зымвидзсысь ыджыд еджыд вичкоён. Кыпöдчысь шондйыс яра ломзис юлань видзöдысь став керка öшиньясын, и меным кажитчис, мый зарни югöръяслөн тадзисö ыпъялём-ворсöмнас да сöстöмысь-сöстöм югыднас вöльнöй светыс чолёмалö менö, менö, кодй сöмын на мынтöдчис шуштём войлөн чорыд кабырысь...

Дзикöдз ме долыдми. Палаззялы, көнй суöдйс менö петысь шондй, ме радлй мамöлы моз. Öд сэтшём сьöкыд вöлök лон лэччöма! Тасянь сэсся, ме тöда, тшöкыдджыка нин пукалöны сиктьяс. А йöзаинад кызкö век нин гажаджык: мыйкö кө лоö, вермасны и отсыштны. Да и юыс тасянь паськыдджык, буракö, омöльджыка чукльöдлö.

Батй висьталйс: тасянь пö Сыктыв горувлань муясыс нянджыкöсь миян серти, видзясыс паськыдджыкöсь и. Татчöсьяслөн пö ас няныс во гөгөр чöж тырмывлöма, а миян, катыдсаяслөн — уна пыддй тöv шөрöдз, пöшти некор абу вотö вуджлöмаöсь. Та понда ковмывлöма ёнджыка вöравны, быдсяма купечьяслы вөр лэдзны да кылöдны. (И. Торопов.)

2. Паметь кудйын видзам
Вывтй уна
Казьтылана серпасьяссö ми...
Пöрысьмыны кутй,
Но эг вунöd,
Сиктын кыздй öзйис
Югыд бй.
Пызан увтй
Ветлй сэки подөн,
Пеша бердысь
Дасысь кисьтлй вор.
Кытысь тöдны,
Пырис кутшём могөн
Миян тшына керкаö
Монтёр!
Эз монтёр —
Сэк татшём кыв эг кывлöй —
Карысь волйс
Сюсь да тölка зон,
Пеша весьтö,
Кодлөн тшын эз сывлыв,
Провод помö
Крукалйс патрон.

(С. Попов.)

3. «Кар мыльк» гөгөрыс быдмөны пуяс, а мыльк вылысыс дзик куш — пу ни поноль весиг абу. Кайим, зымнитім кокнаным — труна-бруна кылө: төдчө, пытшкөсыс төщө. Кор вөчлөмаөсь тайө мыльксө, мыйла вөчлөмаөсь: овны-ө, көлуй видзны-ө — некод оз төд. Некод на абу видлавлөма прамөя. Коркө заводитлөма кодйыны эськө профессор Калистрат Жаков, да энөвтөма.

Сюрлөма, висьталөны кодсюрө, дас нель весьт пыдтаьсь кутшөмкө ыргөн (гашкө и бронза) кинжал да ключ. Муыс пө, шуоны, зэв чорыд, вывті пө сьөкыд кодйыныс, гашкө, пачөс моз вартлөмаөсь да? Сэсья висьталөны: важ йөз пө помнитөны на, мыльк бокас пө вөвлөма ичөтик розь: сэті пө вөлөм вугыр шатин суйласны, гургэр вөчасны гөгөр да некытчө пө шатиныс оз инмыв. Оні нинөм нин оз төдчы, лыанас тырөма да... Бура дыр ми «Кар мыльк» вылын сулалім да брунөдім. Сөмын мый сысыс, мян брунөдөмысь? (*Нёбдинса Виттор.*)

34 удж. Гижөй предложениеяссө, төдмалөй прида-точнөйяслысь видъяссө, индөй, кутшөм налөн пөрадо-кыс главнөйыскөд йитчөмын, гөгөрвоөдөй пунктуация да орфография знакъяс пуктанногсө.

1. Вөвлины-ө тиян олөмын сэтшөм здукъяс, кор эськө ті, дас вит-дас квайт арөса морт, көнкө бокин дыр кад олөм бөрын, төдтөм йөз дінын уджалөм-вийсьөм бөрын, мыйкө дыра кежлө бөр воанныд гортад? Бөр воанныд став свет пасьталаыс медмусаинө, көні ті чужлід-быдмы-лід, көні кужтөм на вом доръяснад медводз шуид «мамө» кыв. Көні тиянлы ставыс төдса — сад йөрад быд ув, быд шы, керка стөнын быд потас, — сьөлөм доймытөдзыд төдса, и ставсө тайөс аддзигөн да кылігөн юр садбыд бергөдчө помтөм нимкодьлунысь. Вөліны-ө тиян татшөм здукъясыс? Эз кө, эз кө мунлы татшөмыс тиян вывті, ті өдвакө гөгөрвоад, мый вөчис менам сьөлөмын. (*И. Торопов.*)

2. Кодлөн пө бара тайө чужтөм-рөдитсьөм,
Талысь пө мичсө он вермы гижөмөн гижны,
Непөштө гижөмөн гижны, он вермы кылөн
висьтаваны,

Кысь пө бара кылөн висьтаваны,

Он куж думайтны,

Кызди пө уличаын вой төв жургө,

Сідз жө пө сьлөн войся юөр славаыс локтө.

(*И. Куратов.*)

35 удж. Видлалой предложениеяссө да төдмалой на-
лысь тэчасногсө. Висьталой, кутшөмөсь йитөдьясыс пред-
ложениеяслөн торья юкөнъяс костын.

1. Пароходлөн кыз труба гөгөр медйөза: шондй лэч-
чөм бөрад өд ёна ыркнитис, и труба шоныдыд абу на
дзик ковтөм. (И. Торопов.) 2. Титаныд, дерт, ёна вермис
кокньөдны уджтө: оз ков пач ломтыны да дыр виччысь-
ны ва шоналөмсө. Важ ичөт титаныд да пөртйид ёна
манитөны йөзсө. Но выль ыджыд титан төлысьяс чөж
пөльза сеттөг сулалис, некод эз волю сийөс лөсьөдыштны
да уджөдны заводитны. (А. Матвеев.) 3. Машина кузо-
вын сулалисны нывъяс да зонъяс, ёрта-ёртыслы пельпо-
маныс кутчысьөмаөсь, мед оз усьны. Төпканъястй маши-
на зурнитас, йөз качласны, гы моз лайкнитчасны, өта-
мөд выланис неуна оз пөрны. Серамыд, гажыд сэнй!
4. Коркө Настя воис фермаысь. Верөсыс абу гортын.
Видзөдлйс тув вылө: пальтоыс оз өшав. «Бара лесопунк-
тө шелөдөма!» Сюйис пачас би. Пырис гөбөчас карту-
пельла. Казялис: картупельыс гуас чинөма. Сэсся аддзис
пельсаын капустаыс джынйыс абу. Гөбөч джаджйын
вөли төпитөм вий тыра гырнич — гырничыс абу местаас.
Дөзмис көзаяка. Кор верөсыс гортас воис, пондйс видчы-
ны: — Тэ, Мишө, став картупельнымөс көсьян кыскавны
али мый? Порсьлы оз коль. Тулыс воас, мый пондам
пуктыны йөрад? Да өд вий вөли, и сийөс нуөмыд! (Жу-
гыль.) 5. Öти мортөс Пашков ыстйс дозорө ю дйнас: во-
исны кө нин зыряниныс да радистыс Лыс пуа шорас да
корсьны сэсь петасны десантсө, то колө ю кузаяс вич-
чысьны, өд оз жө татшөм нюрас веськыда пырны... Мича
пуксис рытыс, шонид да лөнь. Вералйс пуяс костас сы-
нөдыс, пожөм сир көрөн гыалйс: кывлас да дугдылас,
кывлас да дугдылас. Вөрпу йылыс зарниасис, лыдтөм
өгыр моз ыръялис увтасмысь шондй улас. Пинькайяс сэнй
дугдывтөг тинякылисны. И бара көк-шыасис, быттө юөр-
тйс вөр-ваыслы: рыт пуксьө, менам кад воө. (Г. Юшков.)

36 удж. Видлалой союзьястөм сложной предложе-
ниеяссө, висьталой, кутшөм вежөртас кутөны сложной
предложениеяслөн юкөнъясыс, кодъяс костын сулалө
двоеточие. Төдмалой быд юкөнлысь предложение типсө.

1. Водзмөстчысь вөли Павел Олю: уна велөдчис, быд-
тор кужис-сяммис вөчны да менө, Далько Матросөс, кыз
вермис омөльтйс ныв водзын. (В. Леканов.) 2. Учи-
тель — ар комына, зэв лабутной мужичой. Сёрни-басни

вылө абу окоч, но сёрнитө кө кодкөдкө, видзөдө аслас
 төлка вижоват синъяснас сёрнитысьсылы веськыда син-
 мас, быттьө көсйө шуны: ноко, вокө, вай висьтась, а ме
 пө видзөдла тэд пытшкөсад, мыйсяма тэ эм морт. Та вөс-
 на ме учительсы повлі да зільлі не веськавны сылы син
 улас. Эг, дерт, пыр, ёнджыкасө сэк, кор вильшасьлі шко-
 лаын либө гортын. Шуны кө нин веськыда, ме зэв ви-
 лыш вөлі, и ичөтик гректорьясыд ме сайын пыр вөліны.
 То урок вылын, детинкакөд пукалі да, нинөм абусьыс
 друг тыш лэптам, то перемена дырйи сійө жө детинка-
 ыскөд класс өдзөс водзысь джоджсө сиськөн зыралам да
 пондам нимкодясьны, кызди вильдалөны урок вылө пы-
 рысьяс. (Н. Куратова.) 3. Проня помнитө, кызди сійөс
 төрыт нуөдісны тюремнөй канцелярияө допрос вылө. До-
 прашивайтисны контрразведкаысь кыкөн: английскөй
 лейтенант Бо, коді кужис вель бура сёрнитны рочөн,
 да белогвардейскөй капитан Гагарин. Проня эз, дерт, мөд
 висьтавыны, мый мөдөдлісны сійөс разведкаө. А збыль
 вылас вөлі сідзи: колө вөлі аддзыны кост, кыті зськө
 частьныс вермис петны кытшалөмысь. (Г. Фёдоров.)

СОЮЗЪЯСТӨМ СЛОЖНӨЙ ПРЕДЛОЖЕНИЕЯС

37 удж. Лыддьөй текстьяссө. Видлалөй сложнөй
 предложениеяссө, налысь юкөнъяс костса йитөдьяссө ин-
 далөй. Висьталөй, кутшөм вежөртас кутөны союзьястөм
 сложнөй предложение юкөнъясыс мөда-мөдкөд йитчи-
 гөн. Юклөй состав серти сложнөй кывьяссө.

1. Кор ми тэкөд войын вежсим окасьөмөн,
 Эз некоді аддзыв меліасьөмөс...
 Кодзувьяс енвевтын тіркөдчисны сөмын,
 Но эз повзьөд кодзув чукөр мянөс...
 Со енвевтсаянь югид кодзув мулань лыйис
 И ми вылө саридзлы сэк висьталіс.
 А лөз саридз быдөнлы нин вашкөдіс:
 Пелыссяныс төдіс сійөс чери кыйысь.
 Чери кыйысь сьыліс мусаыслы нин
 Вой шөр войся мян меліасьөм йылысь;
 Ныла-зоньяс велөдчисны сьылан сылысь,—
 Сьылөны пыр карьясын и грездьясын!
 (И. Куратов.)

2. Оз пө радейтны комияс
 Дзоридз...
 Налөн сад йөрыс —

Став Эжва дорыс,
 Небыд шөвкәоьс
 Кытөні видзьяс,
 Өтар-мөдарас көн
 Эзысь кызьяс.
 Оз пө радейтны комияс
 Сьывны,
 Оз пө нимаьны ёна,
 Оз кывны...
 А ті кывзөй,
 Кыдз сьылөны тані,
 Весиг төв сьылө со «Шондібанөй».
 Оз пө донъяьны комияс мичлун...
 Найөс нәмъяс чөж оломыс личкис,
 Өні —
 Шудаөсь, кыпыдөсь найө —
 Медся мичаьс му вылас —
 Тайө.

(В. Тимин.)

3. Петав, Иван дядь, Данько ордө, корлы сийөс. Өт-вылысь думыштам, кутшөм видз вылө да кор мөсьясөс петкөдны. (В. Леканов.)

38 удж. Внимательнөя лыддьөй вайөдөм предложениеьсө. Вөчөй найөс, позьө кө, союзьястөм сложнөй предложениеьсөн. Кыдзи вежьяс налөн тэчасногыс?

1. Тэ корсян радлун оломсьыс да шуд,
 Тэ көсьян босьтны асьыд олан визь,
 Но шудсө олом некодлы оз видз,
 Он тышкасьны кө сы вөсна тэ кут.
 Оз видз, он дорйы правдасө кө тэ,
 Оз видз, он паныд лөкыслы кө сувт,
 И чужан мутө, мыйыс мед эз су,
 Дась дорйыны кыз асьтө вөлін мед.

(В. Тимин.)

2. Опереттаын сьывлөны мича ныв йылысь, кодлөн сьөлөмыс тырөма вежласьөмөн, тувсов төв моз жө. Көс-йысьө кө нылыс кодөскө радейтны, вөчас өшыбка сийө, коді сылы эскас. Кытчө пө төв, сэтчө и парус. («Чушкан-зи» журналысь.) 3. Радейтөмыс гозья костын абу, челядь оз котравны да. (В. Безносиков.)

39 удж. Төдмалөй союзьястөм сложнөй предложение юкөнъяс костысь вежөртас серти йитөдьяьсө. Индөй, мый ногөн йитчөны юкөнъясыс (шуанног, юкөнъяслөн мөда-

мод бөрся мунём, глагол-сказуемойяслөн кад да вид формаяслөн лөсялём...)

1. Надя лэптис юрсө: сылы кажитчис, мый утка-мам өлөдыштис ассыс пиянсө, тыдалө, кодөскө кылис. И збыльысь: пельө воис увлөн муртса-муртса кратшнитём. Утка герчкнитис модлаын нин. Кылө, модис лэбны ты кузя кокөн-бордөн, садьмөдис став вөрсө аслас герчкөмөн, мыйкө сьөкыдтор ызнитчис ваө — утка бөрся, кылө, кодкө вөтчис. Надя өдйө чеччис пукаланинысь да котөртыштис сэтөр бадьяс сайө. И сэк жө аддзис: утка бөрся, коді өні тысянь неногөн лэбис му бердтыс юлань, вөтчис руч. А горда-мам сэк кості то пөрөдчылас бок вылас да заводитлас кучкавны борд пөвнас, то дзикөдз ранитчөма моз пессыштас места вылас. Сэсся заводитлис лэптысьны и быттьө оз вермы. Сійө ещө матөджык локтис ручлань — горзө и нөйтчө, кувлө и ловзъывлө. Руч эз вермы терпитны водзө, чеччыштис веськыда утка вылө... Надялөн ыркнитис сьөлөмыс, чайтис — пом воис уткалы, и өшибитчис: уткалөн смертъкөд ворсөдчөм сөмын на заводитчис. (В. Юхнин.) 2. Горт уличаө кежигөн шондیلөн гөрдөдөм чөлан джынйыс дзикөдз сайсис парма юр весьтө, сөмын коли алөй рөма кыа шондї лэччанинө. (П. Доронин.) 3. Пристаньө локтисны пыр выльысь-выль йөз: өтияс кыскисны сьөрсьыныс чемоданъяс, модьяс мешөкъяс. Полка вылын узысь зон эз нин вөв: Петялөн узигкості пароход сувтлөма райцентрө, и сійө, тыдалө, кольччөма леспромхозө. (В. Ширяев.)

40 удж. Төдмалөй, кор сравнительнөй союзьяс йитөны придаточнөй предложенияс, а кор — сравнительнөй оборотьяс.

1. Кузьма малыштис кокъяссө, быттьө найө вөліны петшөрассьөмаөсь нин. (В. Юхнин.) 2. Син лысьяс некыз оз көсийны торъявны, быттьө войнас кодкө клейөн мавтыштөма. (М. Игнатов.) 3. Мыгөрыс сылөн ыджыд корабльлөн кодь, югдөдөм бияса, сійө быттьө уйө кытчөкө войся пемыдас. (И. Торопов.) 4. А мыйөн казялис другыслысь көртөда кымөссө, узигас чукрасьөм векни чужөмыс быттьө водзө на йывмыштис. (И. Торопов.)

5. Дась ставыс. Гортысь петантор нин,
Но, кыз тай тшөкмунлө мотор,
Тшөтш мекөд лолі сэтшөмтор,
Кор гөтыр панис мустөм сёрни.

(И. Вавилин.)

6. Гавриллөн гут ыджаөдз топаліс лолыс, быттьо йизис мышкыс, кокъясыс лоины не аслас кодьон вынтө-мось, и ачыс сійо лоис быттьо не ачыс. И тайо кывъяссө сійо горзис-шуаліс помтөг, быттьо эз морт вөв, а тшык-сьом пластинка, код вывті емыс бергалө пыр өти и сійо жө воргаөд. (И. Торопов.)

41 удж. Төдмалөй, кор көть союз йитө придаточнөй предложение главнөйкөд, а кор сөмын предложениеса членъяс.

1. Морта-мортлы мусаөсь ми вөлім,
Мусаөсь көть вөлім, а пыр олім
Аслыным ми морта-мортөс ёрны!
2. Сьөлөмшөрысь сійөс мем
Дзигөдны көть морөс дінө
Көліс зэв, да кызди инө?
Тайо бур морт ме и эм.

(И. Куратов.)

3. Көть кодсюрө тан и ошйысьө дыр олөмөн, карыс-лөн ни өти патриот абу, сы вөсна төждысьысьяс абуөсь.
(Б. Шахов.)

4. Сэн, чомъяс, рөммө уджлөн сарство,
Нэм вөвлытөм выль государство,
Көть зыньгө на вир юысь ном.

(И. Вавилин.)

4. — Шондіыс тай шлонгыны пондіс.— Никодим эз төд, мый йылысь панны сёрнисө том соседыскөд, да куртка соснас ниртыштіс плешсө. Никодимлөн чужөмас ыткөбтыліс вирыс, весиг горш дорыс гөрддзасыштіс.
(В. Безносиков.)

42 удж. Гижөй союзъястөм сложнөй предложениеса-сө. Висьталөй, кутшөм йитөдыс юкөнъяс костын. Сувтө-далөй, кытчө позьө, юкөнъяс костас союзъяс.

1. Төда на бура ме томдырся олөм:
Мөс видзлім арын ми пыр.
Төда ме мөсьяскөд му йөрысь волөм,
Оз на вун сійо зэв дыр.

(Выль Паш.)

2. Чардби югйыштө — сьөд вөр пөрө, керка сувтө.
(Нөдкыв, вундөм.) Вөрө кайө — дөра вольсалө, а вөрысь лэччө — дөра вотйө. (Нөдкыв, лямна.) Кузь-кузь шатин кымөрөдз судзөны, каттыштан кө — юр бөрөдз оз судз-ны. (Нөдкыв, син видзөдлас.)

3. Мизя копыртчыліс улө —
Быттьö помöль ниа пулы,
Ассьыс висьталіс сэк шогсö:
Виисны пö кыкнан воксö.

Сэтöн Быгыль багатыр
Шкоргö — чургöдöма ныр.
Пестер ыджда пежлөн сылөн
Йög кайöма кымöс вылас:
Емдон шы инмöма сэтчö.

(Илля Вась.)

4. Öксен жöникаліс на: клубын рытйысигъясын нирт-
чис том нывъяс дорын, зонъяслы сыла-госа анекдотъяс
висьтавліс. Помасяс кино — заводитасны магнитофон:
киноусилитель пыр «твист» кокалö, «чарльстон» резö.
Шыбласьöны-ниглясьöны том йöz, быттьö кирпич вылö
сёй тальöны, юрнас пыркйöны, клуб джоджыс бус пурк-
йöны. (В. Безносиков.)

43 удж. Лыддьöй предложениеяссö да думыштöй,
мыйла сувтöдалöмаöсь тиреяс. Тöд вылö уськөдöй, ку-
тшöм вежөртас кутöны сложнöй предложениелөн юкөнъ-
ясыс, кодъяс костын сулалö тире, кор пуктысьö тире
прöстöй предложениен.

1. Видзöдö Катерина аслас верöсыс вылö, эскö и оз
эскы — сійö-ö куйлö тані; гашкö, ставыс тайö лёк вöt,
садьмас да нинöм сэтшöмыс абу?

2. Мед жö öдйöджык локтасны краснöйяс, мынтасны
ставсьыс — и верössьыс, и том учительсь, и дöва да
сирöта синваыс — налы, морт виысьяслы. (Г. Фёдоров.)

3. Öксен ладмөдчис старшинакөд орччөн, быттьö мед-
бур другыскөд восьлалö:

— Гöтыртöм на, старшинаыс?

— А сідз тай ола.

— Гöтырыд — мöтыр, пысалас — он мын. Тэныд зуд
кодь ныв колö. Миянö волы — тöдмöда. Воча чой эм, зэв
мича. Орчча керкаын и олö. Акань кодь пöдругаяс сы
ордö воывлöны. Тöдмасын — гажман...

— Гашкö и волам,— кытшлөдлана вочавидзис Коно-
плёв, а сьөлөм бердас быттьö мыйыскö шонавліс.—
Кытысь нö ачыд?— Месö? Гыбадысь! Тіянкөд орччөн моз
и ола, Вадор лавкаö котрала. А бать серти Аксен Коско-
ков... Волан — он ворссьы. Свежöй чериөн верда. Вете-
льöн кыйлывла, шедлывлö.

4. Горсо рази да пач тэчи, саось стенъяссö лöсийн — горнича кодь лоис, кöть патерантöс овны чуксав.

5. Öтчюд ичöтджык пиöй, Василейöй, паныдасис. Школасянь вöли локтö. Гач пидзöсыс дöмаса, книга-тетрадьсö тасма костас сүйöма. «Васьö, шуа, абу öмöй сумка ли мый ли? Тадзтö öд книгаясыд тöv шөрöдзыс и росмасны». А Васьöйд мян збой зонкаыс, дедыс рöдö мунома. «Росмасны кö и мед! Портпельсö тай он ньöб!» Янöдис весиг. Тапниті гач зептö, малышти питшөгöс — сьöрысь грöш ни көпейка абу. (В. Безносиков.)

ВЕЛОДОМ ТЕМАЯС ПОВТОРИТОМ

44 удж. Видлалöй синтаксис боксянь прöстöй да сложнöй предложениеяссö, индöй: 1) прöстöй предложениельсь составсö (эмöсь-ö сэнi главнöй да второстепеннöй членьясыс); 2) сложнöй предложениельсь типсö, сылысь юкөнъяс йитлан ногсö, юкөнъяс костса йитöдъяслысь вежöртассö, придаточнöй предложениеяслысь тöдчанлунсö; 3) предложениеын кывъяслысь рольсö.

1. Чой йылын ми дыр шойччам. Кералам Педöсьлы кос бөдь, мед куим кокөн муно. Ичöтик нопторсö сылысь шыбитам, риті-роті көлуйсö юклам Лёнякөд öта-мөд костын.

Сэсся мян стрöйным вежсьö: Лёня муно водзын, Педöсь зильö тувчавны сы кок туйö, а ме, мича нылöс моз, кута сійöс сойöдыс, кыска водзö, кута, мед оз пөр. Вövъяс серти ме бура нин тöда, кутшöм сьöкыд лэптыны кок йывсьыс пөрöматö.

А шойччöм костъяс öтарö век дженьдаммöны. Мудзöмыс сэк содö и содö. Ки и кок век ёнджыка лёталö, плеть кодьөн лоö. И сэтшöм дыш бöрсö чеччыны колода вылысь. Нöшта и Педöсьтö на лоö кыскыны. Кövъялісны жö сійöс, седунöс, мянлы. Сытöг эськö ми Лёнякөд важөн нин гортынöсь вöлім. Шоныдінын. Пöt кынöмаöсь. И не татшöм мудзöсь... Но он öд энöвт мортсö! Öтнасö... (И. Торопов.)

2. Майбыр, том дырйи,
Сьölöм пуигөн,
Став лов вир-яйнам
Нылöс радейтлі.
Синмас видзöдлан —
Юрыд бергöдчö,
Чужöмбан вылас —

Озйö сьöлöмьд,
Мича дзоридзöй,
Ва дор видзьясöй,
Вевта ыбьясöй,
Ылі пармаöй,
Тувсов асывводз,
Рытъя кыаöй,
Вöт кодъ войясöй,
Мый ті сы водзын.

(Жан Морöс.)

3. Кымöра вой; вольсалöма
Кыз лым быдлаын,
И лёк кöдзыд паськöдчöма
Войся ывлаын.
Туй дор пуксьöмась сук сиктöн
Бур йöз керкаяс;
Öтка видзысь ньöжйöникöн
Ветлö; кок улас
Дзурскö лымйыс. Кымö видзысь,
Турöб быдмасьö...
Видзысьлөн зэв тёрксö пидзöс,
Тошыс едждысьö.
Дзугыль öткалы! Оз инась
Коньöр сьöлöмыс.

(И. Куратов.)

45 удж. Видлалöй второстепенной членьяссö предложенияссьыс. Индöй, кутшöм кывсикасьясөн найöс петкöдлöма. Тöдчöдöй отглагольной оборотьяслысь тэчяногсö, кыдзи найö йитчöны определяйтан кывьясыскöд.

1. Меным эз ло лöсьыд, зэв яндзим лои, но ме век жö шуи:

— Шура, тиян Лизаыскöд... мыйкö эм?

Сйö эз ырсмун, эз горöд, сідзи и колис менам пызан вылö сойяснас да морöснас лэдзчысьöмөн пукавны; сöмын пыдö вöйöм синьясыс быттьö шöйöвошисны. Да вöсни гөлöсыс быттьö пöдыштіс:

— А мый, Федя? Сёрнитöны йöзыс та йылысь?

— Ог тöд эськö да... Мем тай сідзи кажитчö-а...— шуи тадзи и повзышті: мися, вот öні лёкысь горödас: кутшöм нö тэныд, зырымбедьлы, делö таöдз!

Но сйö друг лöня серöктіс да шуис:

— А ме чайті, мый тэ татшöмторьяссö он на казьяв! Быттьö водзджык на тэныд да...— чужöм вывсьыс ню-

мыс, кымөра лунө шондi моз, өдiйө бөр вошис да куры-
дакодь нин содтiс:

— Другө, вунөдлi, мый война каднад том йөзыд өд-
йөджык верстяммөны. Д-да... Но-а мыйкө кө эм мян
Лизаыскөд, дивитан таысь?

— Кутшөм нө ме дивитысь!— сьөлөмсянь шуи ме.
(И. Торопов.)

2. Но вот и Сыктывкарным, ёртъяс,

Ю пөлөн нюжөдөма сыв!

Со бара чуксалө ас ордас,

Кызд мусаыслы нюмдөм ныв.

А со и төдса площадь выв,

А со и вождьным мян — Ленин!

Ме шуи:

— Сийө вөлі-й, эм. Тась сийө шогсө-й,
лөксө веніс,

И өні сылөн югыд гений

Тан восьтө коммунизмлысь нэм.

(И. Вавилин.)

3. Ичөт Иванөс поэбө лыддьыны медводдза висьт ги-
жысьөн коми литератураын. Сийө висьтъяссө гижны
босьтчыліс нөшта «Ордым» журнал лөсьөдтөдз на. Мед-
ыджыдторйыс на пиын — «Ён тыш». Тайө дженьыдик
висьтас гижөма зэв ыджыдтор йылысь — Коми муын
гражданскөй война мунөм йылысь, еджыдтъяс волөм йы-
лысь, тышкасьөм-косясьөм йылысь. (Нёбдiнса Виттор.)

4. Кырныш кырнышлы сiдз шуө:

— Кырныш! Сөян мян пуө...

Ыб вылын тай сисьмигтыр

Куйлө виөм багатыр.

Мыйысь кодкөд вермасьөмын

Сийө усьөм, төдө сөмын

Сылөн кутшыс, да сьөд чань,

Да том гөтыр төрытсаянь...

Вөрө лэбзис нин кутш сылөн,

Лөк морт рөдтө сьөд чань вылын,

А том гөтыр виччысьө

Олысь-вылысь мусасө.

(И. Куратов.)

46 удж. Лыддьöй предложениеяссö. Висьталöй, ку-
тшöм пöрядокыс автор кывъяслөн. Вöчöй веськыд сёр-
нисö косвеннöйöн.

1. — Норасьö тi ас выланьд!—
Шуас Степан налы паньд,—
Кодьюралы, миян ног,
Бион лёк да битог шог!»

(И. Куратов.)

2. — Но, оролъяс, ловъяёсь на?— шыёдчис миян дi-
нö Мирон Миронэчьд.— Сювъястö эз пычиктыны пы-
ригад?

— О-о, ми асьным на, кодлысь колö, быдзнитам!—
збоялис пötöm кынöма Лёня, беринöсь чужöмыс сьлөн
гажмöма вильыш нюмөн.

— А лöсьыд места на и скокорнитöмаöсь да. Моло-
дечьяс! Ай да тi.

— Чашйысигтырйи жö, йöз юр вывти да,— стöчмö-
дi ме.

— А сьтöгыс, Мелехин, немтор оз гынмы. Вакуканьон
кö пондан лоны, быдөн таялас тэнö...— Мирон Миро-
нэч нюмрöдлыштiс паськыд вомсö, сэки вылыс парйыс
личкылис улыссасö.— А тiянöс нö, нывъяс, гажтöмыс эз
на босьт? Костина, ёна-ö тöдö усьлö кузь тошка батьыд?

— Ме абу нин кага, кöть и тöдö усьлö,— шуис Дина,
не то шмонитöмөн, не то дöзмыштöмөн.

— Этатшöм кавалерьяс дырйи нö кутшöм горт тöдö
усьлас!— кыпыда шыасис мамным, Маша; гöгрöс да не-
быд чужöмыс аслас тыр тöлысь моз юзьö.

— Но-но, бур!— долыдмис командирным.— Сöмын
тi... Этйö — вывтисö эн жö кавалерасьöй, мед эськö
вöвъяс йывсьыд не вунöдны жö.

3. Лючки висьталi: кыз лои,
Мыйла ме тшöтш татчö вои,
Кöни олö коми йöз,—
Чужöм Бартулөн дзик лöz:
«Ак пö, што за коми олём?
Гудыртiн тэ менсьым сьölём!
Подери пö тэнö, сёрт!
Öдйö бөр мун, коми морт!»
«Локтöма кö, мый нин керан?—
Шуис сэтчö ёрт, Чичерин.—
Генуяыд оз на быр!
Лок пö, Виттор, татчö пыр!»
Чеччис сэки Пуанкарэ:
«Ми пö мунам Париж карö,
Сэсся нинöм тойтны тан.
Кöни менам чемодан?»

«Дугдöй, зонъяс, эн на мунö,
Водзын сёрни зэв на уна.
Чукöртчылöм мед оз вош!»—
Шуис сэни дзор Ллойд Джордж.

(Нёбдинса Виттор.)

47 удж. Видлалöй предложениеяссö тэчасног бокся-
ньыс. Индöй, кутшöм вежöртас кутöны союзъясыс слөж-
нöй предложениельсы юкөнъяс йитлигөн. Висьталöй пов-
торяйтчысь союзъяслөн стилистическöй тöдчанлун йы-
лысь, тöдчöдöй присоединение йитöда предложениеяссö.

1. Сэк кості, кор мортöс чужтісны,
Кодыр пыртісны, кор төбісны,
Кор эз куж на витөдз лыддыны,
Сійöс озырджыкъяс ньöбісны.
Кодыр школитісны, быдтісны,
Сэки шуисны: «Мый виöма
Тэ вылö, он сулав джын донсö!
Төдан, вештысьны дыр сиöма!»
Юрнас, кинас, кокнас уджалö,
Пöсьнас киськалö тай чужöмсö,
И оз этша кывлы — ошкöны
Сылысь пельклунсö и кужöмсö.
Мортыс уджалö джын олöмсö,
«А эн на пö юртö вешты тэ,
Кодыр, муса вокöй, мукöдöс
Эн на уджйöзöдны эшты тэ!»

(И. Куратов.)

2. Ми матыстчим зал стенин öшалысь карта дорö.
Видзöдам, Коми муным ёсь пома из палак моз сатшкыс-
сьöма Урал пöлөнö, и буретш мян Сыктивöн сатшкыс-
сьöма, весиг сылөн йылыс петыштöма Кировскöй обла-
стьö. И веськыдасö быттьö сэтшöм матынöсь öні ми ас-
ланым гортсянь.

Кутім артасьны. Мунны кө, кыті гожöмнас петім —
Котласö, сэсся Сыктивкарö, сэсся Койгортö — зэв
ыджыд кытшов артмö! Ылöсас арталім сюрс гөгөр кило-
метр. Да öд öні и пароходъясыд оз ветлыны!

А мöд туйöд кө мунны — веськыда, то джынсьыс
этшаджык лö! Мирон Мироныч буретш сэті и тшöктіс.
Но öд сэті ми некор на эг ветывлöй, сöмын кывлім, мый
позьö петнысö...

И ми сöлім эг Войвылö катöдысь поездö, а Дальнöй
Востоклань мунысьö. А сэсся, час вит-ö-квйт мысти,

чеччим Яр станцияё. Тасянь вёлисти мянлы колё вежны войвывланьыс.

Вокзалын мянөс зэв ёна шензьөдісны татчөс войтырыс. Сы вёсна, мый налөн сёрниын джын кывыйс коми вёлёма! Мыйкө төдтөм ногөн шуасны, а сэсся друг коми кывйөн швачкасны... Но, мися, и дивё!..

Юасям өти дядьöлысь: мися, кутшөм нө сэтшөм кывтіян? Бытьё мян и — абу мян?

— Ми пö удмуртьяс, — шуё дядьöйд. — А ми, мися, коми мортъяс, нимкодъим ми.

Вёлөмкө, морттө найö шуоны муртөн... Видзөд со, а ме немтор на та йылысь эг кывлы... А кысь пö и кывлан гортад пукалігөн! (И. Торпов.)

48 удж. Лыддьöй кывбурсө выразительнöя. Видлалöй предложенияссö состав сертиыс, корсялöй однороднöй членъяссö да индöй, кутшөм вежөртас найö кутöны, кызди йитчöны мөда-мөдныскөд.

Джуджыд керöсын,
Гажа нöрысын,
Өтнас важ керка сулалö дыр.
Юсянь зэв ылын,
Сиктссянь вель ылын,
Сöмын тыдалö вөр да сьöd мыр.
Керка бердöдыс,
Дзоля эрдöдыс
Дзольгö-визувтö ичөтик шор.
Вөрлөн шувгöмыс,
Төвлөн увгöмыс
Өтка керкаö кылö көть кор.
Рытын воывлö,
Сёрөдз овлывлö
Визув шор дорын том мича ныв.
Нора сьылöмыс
Ылөдз кывлывлö,
Сöмын Ванюкыс сійöс оз кыв.
Гажа овлісны,
Кадсö кольлісны,
Ванькөд аддзысьліг, некымын во,
Призыв осьтісны,
Ваньöс босьтісны
Гөрд салдатын служитны кык во.

(Выль Паш.)

49 удж. Лыддьöй предложениеяссö. Корсялöй одно-
роднöй второстепеннöй членъяссö, индöй, мыйöн найöс
петкöдлöма, кызди найö йитчöны мöда-мöдныскöд.

1. Кутшöм зверь-пöткаöс сöмын он аддзыв вöрсьыд.
Кымын пöлöс сьыланкыв да гөгөрвотöм шы кывлан ас-
лад пельясөн! И пуясыс оз быд лун сьывны öтмоза: то
вом тырнас горöдасны, то шöпкöдчöны öта-мöдныскöд.

Уна пöлöс зверь-пöтка эм войвывса зумыш пармаын,
гажа ягъясын, тыяс да юяс бокин. И быдöнлөн аслас
олöм, аслас сям да визувлун. Найö, пармаса олысьяс,
вермöны терпитны ыджыд кöдзыдъяс, лёк зэра лун-вой-
яс, тшыгъялöм да кымалöм. Но некод на пиысь оз
эновт асьыс чужан мусö. Эз кö вöвны татшöм другъ-
ясыс, гажтöм эськö миянлы вöли. (И. Коданёв.)

2. Зарни бордъяса,
Медся мыла,
Чужан кыв — менам олöм да вöt!
Позьö сёрнитны
Любöй кылөн,
Сöмын öтдортны асьым
Ог мöд.

(В. Тимин.)

50 удж. Вежöй веськыд сёрнисö косвеннöйөн.

1. Учитель Дмитрий Дмитриевич öтчөд юалис аслас
быдтасъяслысь, кодi пармаын медся ичöt зверыс.

— Шыр!— лэптiс кисö Вася Власов.

— Ур!— шыасис Светлана Попова.

— Лягуша!— тöдлытöг артмис Гера Михайловалөн,
а ачыс мыйлакö гөрдöдiс, кор ёртъясыс заводитiсны го-
раа серавны. (И. Коданёв.)

2. — Видза олан, Климö!

— Томман-быдман, Тимö!

— Кыдз нин овсьö?

— Эн зэв и юась, мыждiс ен!

— Мый сiдз?

— Сотi керка-карта,

Ачым корны, куньмысьт син...

— Кыдз нö сiдзи кужöдчин?

(И. Куратов.)

Митрей Вань

Сыысь збой да удал зонмӧс сьӧкыд вӧлі корсьны мян сиктысь. Митрей Ваньлы нинӧм вӧлі оз сулав кутны видз вылысь велӧдтӧм чаньӧс да домтӧг верзьӧмӧн тӧвзыны конюшняӧ. Арын, утка кыйгӧн, луннас некымынысь варчывліс Эжва мӧдарӧдзис. Пемыд арын, кор ош кодлыськӧ тапкӧдома мӧссӧ либӧ куканьсӧ, сьӧд вой шӧрын зверӧс кыйӧдны медводз мунас Митрей Вань жӧ. И колхозной удж вылын кӧть ытшкигӧн, кӧть куртигӧн некод оз вермы венласьны сьӧд. Заводитчис война, и дас ӧкмыс арӧсӧн муніс сэтчӧ Митрей Вань. Эз дыр вӧв сійӧ фронт вылын. Мӧд онас бӧр воис гортас, пӧшти сэтшӧм жӧ збой да удал, сӧмын чужӧмыс нюрсмуныштӧма да синъясыс неуна шогджыкӧсь. Сиктын сёрнитісны, Митрей Вань пӧ вӧчӧма ыджыд подвиг, сійӧн пӧ и лэдзӧмаӧсь гортас. Татшӧм збой, дзоньвидза, киа-кока том морттӧ пӧ, дерт, оз лэдзны весьшӧрӧ. Но недыр мысти кывсис, мый Вань ранитчӧма морӧсас, лэдзӧмаӧсь армиясьыс дзикӧдз.

Воис ар. Пыр шочджыка и шочджыка кутісны адзывлыны Ваньӧс сиктсаяс. А ӧти асылӧ, кор еджыд лым дзебис ас улас арся няйтсӧ, Митрей дядь петіс гортсьыс, медым чукӧртны гоз-мӧд старикӧс. Колӧ пӧ мыськыны войнас кувсьӧм писӧ, Ваньсӧ. Локтісны Степан, Ӧсип да Микол дядьяс, ставныс сиктын лыддысисны удал йӧзӧн. Степан дядь воуйтлӧма немечьяскӧд первой империалистической война вылын, сюрлӧма пленӧ, унаысь пышйылӧма сэтысь. Микол дядь вӧлӧма японской война вылын, ранитчылӧма, георгиевской кавалер. А Ӧсип, гашкӧ, и турокьяскӧд тышкасьӧма. Сылӧн вит пи мунісны фронт вылӧ, куимыслӧн воліс нин кулӧм йылысь юр.

Кор старикьяс карасин лампа югӧр улын пӧрчӧдісны кувсьӧм Ваньӧс, дыркодь олісны чӧв... А сэсся Микол дядь, Ваньлысь морӧссӧ да мышсӧ малыштӧм бӧрын, ньӧжйӧник шуис:

— Сизим пуля... веськыдыввсянь шуйгавылас, пӧлӧсӧн... И ставыс пырыс... мунӧма... Кыдз сӧмын мортыс татшӧмсӧ терпитӧма.

— Пулемӧт шӧрӧ, буракӧ, веськавлӧма... Местаӧ абу инмӧмаӧсь, со и олыштіс недыртӧ,— шыасис Степан дядь.

— Гырк пытшкөсүс ён вөлөма том мортыдлөн,— сод-
тіс Ёсип дядь.

— Сизим пуля, абу шутка,— эз вермы лөнны Микол
дядь.— Ме со ёкмыссё нёлёд воын ранитчылі жё, япон-
скёй пуляыс пырис веськыд бокёд да петіс шуйгаёдыс.
Неуна сёлөмө абу инмөма, өдва ловзи. Уна во вирён
сёләси... А тайё сизим пуля морөснас пыкөма, дай ас
кокнас на локтіс чужан муас.

— Небось тай фашистыд өдйө тшөкмуні, кор Вань
моз жё мян да мукөдлөн пияныс морөснас сувтісны сы-
лы паныд,— сёлөмсянныс кывкөрталіс Ёсип дядь, да,
дерт, мөвпыштіс аслас пиян йывсьыс.

Дзекисны Ваньёс пөшти төв кодь көдзыд арся лунө.
Эз кыв музыка, эз вөвны орденъяс да медальяс тыра
пөдушкаяс. Оз тай быд воин морөслы мойви новлыны
наградаяс... Сэтшөм нин, тыдалө, войнаыдлөн сямыс.

И куйлө коми том зон — Митрей Вань оз братскёй
гуын, а аслас чужан муын. Сійө пунктіс ловсө мян та-
лунья шуд вөсна. («Югид туй» газетысь.)

Удж: Изложениесө гижигөн вөдитчөй однороднөй
членьяса сёрникузяясөн.

Арся сьыланкыв

Ты пөлөныд шлөпкиг-мунігөн ваө келөм сук эжөр пөв-
стысь ырсмуніс гордаяслөн ыджыд позтыр. Степан Фё-
доровичлөн ружьеыс вөлі киас дась, сійө лыйис, и өти
утка быттьө джөмдіс, а сэсся и войтыштіс посни серөн
ворсысь ва веркөсө. Лыйөм шыыс повзьөдіс мукөд лэ-
бачьясөс, кодъяс, буракө, тшөтш пөткөдчөмаөсь зөридз
пытшкын. Ёти, мөд, коймөд чукөр, быттьө команда сер-
ти, дружнөя мыськовтісны турун пөвстысь да, син лап-
нитігкості, утыштісны-лэбыштісны мукөд тыяслашь.

«Но морө, тані тай позяс вөралыштны!»— дөвөля нус-
кис-кыскаліс нырнас Степан. «Мый нө татшөм вөралөм-
сьыд,— крукыштіс сійөс Райда,— кызд уткасө судзөдан
ты шөрсьыс?» «Кызкө судзөда,— чатрасис өтарө-мөдарө
Степан,— төлыс со мөдар берегланьяс нөбыштө — кор-
кө-некоркө матыстас. Питя, шуан, абу нин ылын места
вылөдзным?»

«Абу, со тай козьясыс тыдалөны». «Либө ме бөрти,
рытъявылас, вола татчө уткаысла. Сэк кежлө и мукөдь-
ясыс, гашкө, бөр бергөдчасны»,— Степан ломаліс нин
кыйсьөмлөн нэмөвөйся биён.

А кор найо матыстчисны чурвидзысь коз йывъяса вөр визьоблань, Питирим друг сероктыштис да шуис ыджыджык ёртыслы: «Степан Фёдорович, а ме чайта, тэнад уткаон мод козяин нин чөсмаясь».

Медся джуджыд коз йылас сатшвидзис ыджыд кутш да збыльысь козяин моз гоннёдліс отаро-модаро крукыля ныра юрсө. Рудов сера тушаыс сылөн вөлі быттьо сизьдома изйысь: сэтшөм топыдөн да вынаон кажитчис.

«Чайтан, тайо сёяс уткасө?»— юалис кутш выло тыр синмон видзөдысь Райда. «Регыд мян уткаысь сөмын гоныс кольо»,— падъявтөг шуис Питирим. «Думайтан, казялас?»— Степан Фёдоровичлы жаль уткаыс, сылы окота бергөдчыны да виччысьны, кор төлыс вайодас сийос берег дорөдз. (И. Торопов.)

Удж: Гижой изложение, веськыд сёрнион вөдитчөмон.

Заставасянь отпускө

Пограничной заставаса начальник тшөктис Леонид Рочевлы дасьтысьны туйо. Салдатыдлы вөчны тайо регыд: нопыс дась. Сюис сэтчө майтөг, кузьчышъян и— ставыс.

Леонидлы бур службаысь сетисны отпуск. Сийос коллялисны ёртъясыс: Анатолий Терентьев да Илья Рочев. Налы, дерт, завидькодь. Гортас окота волены быдөнлы. Ёрт вөснаыс радлісны жө-а.

Вертолёт кыпөдчис сынөдө да босьтис колана туй визь, здук мысти кутис лэбны тундра вомон.

Төвся шондэ муртса кыпөдчыліс из гөраяс йылөдз да бөр саймовтчис. Төвся тундраад сы кузя и луныс. Тундра бөрын кутисны паныдасьлыны отка пуяс, а сөсся воис помасьлытөм парма.

Леонид орөдчывтөг видзөдіс өшиньөд, неокотапырысь вочавидзліс юалөмъяс выло. Сийө, думсьыс, вөлі гортас нин. Коркө-некоркө тыдовтчис и Ижма, кысянь Гамөдз сөмын сизим километр.

Тайо рытө Рочевъяс керкаын дыр вөлі югыд биа. Отпускө воём пограничникос видлыны волісны сиктысь ставон. Тшөтш и сылөн воча вокыс, сідз жө вөвлөм пограничник Владимир Рочев да Леонидлөн радейтана нылыс, Лиза.

— Бур, бур,— гөститны локтөм мортлы пельпомас тапнитис Владимир Рочев.— Мян рөдө, Рочевъясө, рөдйөмыд, пограничникъяслөн быдтас.

Сиктсаяс кӱсйисны тӱдны унатор Леонидлӱн служба йылысь. А Лизаыс, салдат морӱс вылысь значокъяс видзӱдӱгӱн, друг юалис: «Уна шпионӱс кутӱн?»

Зон весиг тшӱкмунилис. Сийӱ коркӱ та йылысь жӱ юалис воча вокыслысь. Мӱдыс сӱки серам сорӱн вочавидзис: «Унаӱс. Тундраад пӱ шпионъясыд коръяс мында, сӱмын кутав».

— Эз удайтчыв,— лӱня шуис нывлы пограничник да содтис:— Бурджык, найӱ кӱ абуӱс, но служба колӱ нуны пыр ӱтмоза.

Воча кывъяс дзедбясис ошйысьтӱмлуныс.

ӱтчид пограничникъясӱс чеччӱдисны войын, тревога кузя.

— Турӱб дырйи кодъяскӱ вуджӱмаӱс государственнӱй граница,— юӱртис заставаса начальник.

Леонид быть кӱсйис кутны шпионӱс. Дыр вӱтчӱм бӱрын тайӱ сылы удайтчис. Но «шпионыс» вӱлӱма асланыс салдат. Тревогасӱ кыпӱдлӱмаӱс велӱдчӱм могысь. Пограничник пыдди кӱ вӱли враг, Рочев эськӱ эз жӱ эновтчы сыысь. (*Югыд туй*» газетысь.)

Удж: Гижӱй изложение, обособитӱм однороднӱй членьясӱн вӱдитчӱмӱн.

Тӱрыб Кок

Бара воис гажа тулыс. Пондӱсны варовитны-бузгыны Печораӱ тӱрмасысь шоръяс. Югыд шондӱ азыма нюлис пармалысь лымсӱ. Тӱрыб Коклы, кодлы неважӱн тыри арӱс, лӱсыда кутис овсыны выль местаын. Кынӱм вӱли пӱт. Другыд мыйта колӱ дӱнад. Кузь Гӱнаясысь повны нинӱм. Тӱрыб Кок ӱнакодъ быдмис, шылялис, кутис кывны ас пытшсыс пыр унджык и унджык вын. Некод сийӱс эз кут и гуляйтӱмысь. Кор окота лолис, сийӱ тӱвзылис парма ягысӱ да бурпӱт ризъявлис кузь тӱв бӱрын ловзыны заводитӱм вӱрӱд. А рытъявылыс волис бӱр мусмӱм гортас.

Тӱрыб Кок вӱли мелӱ сӱлӱма и регыд велалис йӱз дӱнӱ. Но медся ӱна кутис радейтны сийӱ Ваняӱс, кодӱс ас кыв вылас нимтис Дженъыд Кокӱн. Зонкалы вӱли ар вит-ӱ-квaйт, сийӱ частӱ гӱститӱдлис Тӱрыб Кокӱс еджыд изйӱн, кодӱ вӱли юмовысь-юмов. Таысь чӱскыдджыксӱ йӱрапи эз на тӱдлы. Тӱрыб Коклы лои окота вӱчны мыйкӱ зӱв бурӱс Ванялы. Окота лои ислӱдлыштны сийӱс ас вылас. Но мӱдыс вӱли ичӱт на и, дерт, эз на вермы чеч-

чыштны сы вылө. Отчыд Тэрыб Кок лэдзчысис Ваня водзө пидзөс вылас, и Дженъыд Кок, шудаа сералігмоз, кавшасис сы вылө. Аслыс Тэрыб Коклы вөлі, гашкө, зонкаысь нимкодъ. Сійө дыр ислөдліс ичөт другсө. Небыд воськолөн и рөдтышталөмөн, зілис, мед эськө не уськөдны сійөс. Вочасөн татшөм исласьөмыс кутіс лолыны быд лун.

Кадыс долыда котөртис водзө. Тэрыб Кок вөлі шуда. Быдтор сылы тырмис. Сөмын со сюръясыс эз на петны.

Отчыд, пармаөд котралігөн, Тэрыб Кок ылөкодъ муніс гортсыс. И петіс Печоралөн гажа кыр йылө. Тасянь сылы зэв нимкодъ вөлі видзөдны мөдлапөлын лөзалысь помтөм вөрө. А нөшта нимкодъджык вөлі видзөдны ваө, көні тыдаліс сылөн быдмөм-вынсялөм тушаыс. Тадзи нимкодьясьөм бөрын Тэрыб Кок котөртліс галькиа косалань да бузгысьліс-пыраліс юлөн синва кодъ сөстөм ваө. Ыркыд ваыс босьтліс сылысь став мудзсө, и олөмыс кажитчис нөшта нин мусаөн.

Өти лунө тадзи купайтчигөн Тэрыб Коклөн сюсь пельясыс кылісны таргөм шы. «Буракө, Кык Кока воө»,— долыда мөвпыштіс сійө, сы вөсна мый ёна нин кутіс радейтны йөзөс. И збыль — чукыль сайысь мыччысис пыжа, сійө шылыда исковтіс ва паныд. Тэрыб Кокөс казялөм бөрын пыжа веськөдчис сылань. Берегө петісны кыкөн да матыстчисны на вылө повтөг видзөдысь йөрапилань. Налөн чургөдөм лапаясын вөлі юмовтор. Тэрыб Кок велалөмөн нюлыштіс сійөс ки пыдөсьяс вылысь да меліа ниртчыштіс юрнас йөз дінө.

Та бөрын Тэрыб Кокөс нөшта на некымынысь чөсмөдлісны ю вывті исковтысь пыжаяс. И сійө, кампет радейтысь кага моз, дзикөдз велаліс тайө гажаинас.

Отчыд пыжа бара веськөдчис сылань. Өд йөз сэтшөма радейтөны сійөс. Век на быдөн меліавліс да чөсмөдліс.

Тайө пөрийө Кык Кока вөлі өтнас. Дерт жө, киас сылөн эм чөскыдтор. Мыйкө шуалө гөгөрвотөма. И мыйлакө тэрыба видзөдлывлө өтарө-мөдарө. Оз-ө пов сійө Тэрыб Кокысь? Тэрыб Кок меліа букөстыштіс да ньөжйөник мөдөдчис паныд. Босьтіс вомас чургөдөм нянь шөрөм, юрсө лэдзыштөмөн, кутіс азыма няклявны.

Друг син водзас сылөн быттө югнитіс. Сэсся кымөсас мыйкө зэв чорыда шковгис. Синъяссьыс сывкнитіс би, и пырысь-пыр жө кусі лунъюгыдыс, быри выныс тэрыб кокъяссьыс. И сійө лябис-усис чорыд гальки вылө.

Кусысь вежорыс медбөръяысь думыштис: «Талун ме эг на удит ислөдлыны Дженъид Кокөс...»

А звермөм чужома Кык Кока нөшта куимысь кучкис чер тышкөн усьом Тэрыб Коклы кымөсас, кытчө сідзи и эз удитны быдмыны сюръяс. (И. Торопов.)

Удж: Изложение гижигөн вөдитчөй сложносочинённой сёрникузясөн.

Кыйсьысьлөн чом

Код төдас коді, пöрысь-ö том,
Ректöма кодкö кыйсьысьлысь чом,
Гор пыткас сöмын кольöма шом.
Томан ни иган сэтөн эз вöv,
Быдөнлы осьса — гожöм көть төв:
Косьтысь да пусы, узьмөдчы чöv.
Татшөмтö парма уна оз төд:
Öти мед пунктис, сöтыштис мөд.
Этшаөн, кодлөн лов сайыс сьöd.
Няйтөсьтны таысь йöзсö ог кут:
Меддона налы ёртасян шуд,
Кодлыкö сöмын — аслас пөж куд.
Кыйсьысьыд — кыйсьысь, пикö оз во,
Ышловзяс зэв нин, гарыштак: «Но?!»
Эскöмыс мортлы — вот мый оз ло.
Сы пыдди лоö сьөлöмас гыж.
Тасянь и колö артавны мыж,
Кутшөмөс вöчис пармаын шыш.

(Г. Юшков.)

Удж: Гижöй изложениесö, односоставной (öти юкöна) сёрникузясөн вөдитчөмөн.

Юсьяс

Ылі туйö петöмаöсь юсьяс,
Некытчö оз кежавлыны здук.
Вой төлыс көть кутшöма оз усьлась,
Налысь мича кельöбсö оз дзуг.
Саридз дорөдз сьөлөмныс оз такав,
Лэбöны и лэбöны — он кут.
Юсьясыд öд абу катша-рака,
Куйöд мылькыйд абу налы шуд.

(Г. Юшков.)

Удж: Гижöй изложение, содержаниясö паськөдөмөн, обращенияяс да междометнияс вайөдөмөн.

Россия йылысь

Киссьом овмөс сувтіс надзөн,
Мый он думышт, ставыс коліс.
Ленин бура тайос аддзис,
Сөмын водзын думнас оліс.

Быд ногыс көть вөлі дзескыд,
Сэтшөм югыд мөвпгъяс дасьтіс,
Мый Уэллс эз весиг эскы,
Көть и лыддыссис фантастөн.

Кодыс прав, Уэллс-ө, сійө,
Лои төдса и эз дырөн.
Петіс пемыдысь Россия,
Коммунизмө өні пырө.

(Г. Юшков.)

Удж: Гижөй изложение, содержанияесө паськөдөмөн,
причастной оборотьясөн вөдитчөмөн.

Мича ижемка

Көдзыд войвылын
Көръяс войлөны.
Лымйыс гождөмөдз
Сэн оз сыв.

Көдзыд войвылын
Сьөлөм доймылө.
Таысь мыжаыс
Өти ныв.

Мича ижемка,
Эн вөв мыжа кө,
Лысьті шуны мөй
Татшөмтор?

Мича ижемка,
Эн вөв мыжа кө,
Эськө вөлі мөй
Татшөм нор?

Тэнад сингьясыс
Зарни киньясыс
Менсьым сотісны
Сьөлөм шөр.

Тэнад сингьясыс
Зарни киньясыс
Менө кыскөны
Татчө бөр.

Мича ижемка,
Эськө гижас кө
Тэныд кысянькө
Оти зон,—
Мича ижемка,
Эськө гижас кө,
Сылы воча кыв
Сетан он?

(Г. Юшков.)

Удж: Изложение гижигөн вөдитчөй вопросительной да восклицательной сёрникузясөн.

Кучик йирысь

Менам ыджыд вок мыйкө этша вурсис-керис: сапөгъяс да көтияс дөмлiс. Татшөм вурсьсыястө «кучик йирысьөн» вөли вильшалөны. Сюясө вурсьыныс оз на вөли куж, велөдчө на вөли — сылы өд дас квайт арөс на муртса тырис. Да и нинөмысь бур көмкотсө вөли вурныс: сылөн вөли сөмын важ сапөг гөленьяс да мый да — кормөмаөсь, косьмөмаөсь, трачкакылөны, кыз сямөд кодьөсь.

Менам вокөй кыськө кывлөма: кучиктө кө пө касторкаөн мавтан, сийө небзьө, кос сапөг гөленьшойыд пө заграничной кучикө пөрө, кодысь вурөны көмкот кос кока господады. Сидзкө, важ косьмөм сапөг гөленьысь позьө вөчны небыдик заграничной кучик: шегрень, гамбург да мукөд пөлөс. Но кытысь босьтны касторкасө? Ньөбны — деньга абу. Да и оз на өд ещө вөли вузавны. Ми вөли ой-ой сюсьөсь! Мөвпыштим да артыштим, да и касторка судзөдан туй адзим. Ми төдам вөли: касторкатө гырк йөрмөмысь сетөны больничаян.

Ыджыд вок менө сэтчө и ыстис. А больничаяс вөли куим верст сайын, вөлөсть мөдар помас. Менө велөдө ыджыд вокөй: тэ, шуө, пыр фельдшер ордад да шу — гыркөс пө йөртө, запор пө. Тэныд сетасны рецепт касторка вылө, рецепт сертиыс аптекаысь дон босьттөг сетасны касторка.

Менам эськө некутшөм гырк йөрмөм эз вөв, но өд телепит касторкатө судзөдны, медым важ сапөг гөленьысь заграничной кучик вөчны. Да и вокөй сапөг көсий вөли вурны меным тайө кучиксыс.

Муні фельдшер ордө. Сийө юасис-висьтасис, видлаліс рушкуөс да мышкуөс. Ме, мися, төлысь нин эг асмогасьлы, а сөя тыр-бура. Сийө шензьө: кытчө нө пө төрө?

(Ме вöлі думайта, кымын дырджык висьöмөн висьтася, сымын унджык сетас касторкатö.) Фельдшер печиктіс менам рушкуö да шуö: «Пырысь-пыр тэнö бурдöдам». Сэссия матö стöкан джын касторкатö кисьтіс, сетö меным: «На, ю!»

Ме черзася, пыкся, ... но мый керан, быть ю. Юи пыдöсöдзыс! Сэссия котөрөн гортö мөдөдчи. Фельдшер шуö: он кө пö бурд, ещö волы, лечитыштам.

Кутшöм али нöшта волөм! Ме пыр и бурді: куим версттö вөлөсть кузяыд мунігад, гашкө, дасысь лон карта сайö ветлыны.

Гортö вои, кыз синваён бөрда, вокөс пиняла, «кучик йирысьён» ыдждөдла.

Мун, мися, ветлы карта сайясас кучиктö небзьöдны. Гортсаяс гирзьöны-сералöны ме вылын, а менам синваөй шорөн визувтö! Со öд кутшöм овлө кучиктö небзьöдöмыд! Сапөгшойсьыд заграничнöй кучиктö вөчöмыд!

Эз ликмы вокöйлы көмкот господалы вурны. Важ мозыс сійö бакилөяс да көтіяс дөмлiс.

А господаясыд көтітö да бакилөтö оз вöлі новлыны.
(Илля Вась.)

Удж: Изложениесö гижигөн вөдитчöй вставнöй конструкциясөн да вводнöй сёрникузяясөн.

Ведра тыр яблөг

Визинсянь Ыб пыр Сыктывкарлань муніс грузөвöй машина. Ыбса тьотка кисö лэптис, сувтөдіс машинасö, шуö: «Нуышт менö Сыктывкарөдз, менам со нуанторыс даддын — сöмын öти мешöк да тыртөм ведра!»

Шофёр пыксьö: «Ог, ог!» Тьотка кевмысьö: «Ну, ен могысьён! Ведра яблөг сета!»

Шофёрыд ыштіс яблөг вылад! Кыдзи нö он ышты? Төв шөр төлын ведра яблөг көсйысьöны да! Төвнад öд Коми мусьыд яблөгтö он аддзы!

— Но пуксьы инöсь! Нуа пöрысь мортöс!— Ачыс думайтö:— Вот гөститöда ассьым невестаöс рытнас яблөгөн!

Воисны карö, базар дорö. Тьотка чеччис машинаысь, разис мешöксö да ведраö кисьтіс... картофель! Сетö шофёрлы да сё пасибö висьталö. Шофёр чуймöма, скөрмöма, шуö: «Тэ яблөг көсйысин, а сетан картофель! Ак тэ, сэтшöм-татшöм, омöль ань!»

— Миян ногон ко, тайо яблог, а тиян ногон, гашко,
и карта пель ли, карко пель ли... Ог тод, бур мортюй,
кутшом пель сэсса... Пасибо нуом вылад!

Шофёр скормис да съовзис картофель ведра выло,
шуо: «Пасьмунас мед тэнад пасибойд картофельнад и
ставнад!»

Эз и босът картофельто. Муса нывто, ассыд невеста-
то, кызко яндзим жо кын картофельнад гоститоднито!

Слабог, они абу война кад: быдсяма сянторйис юр
вывтырид! А вот яблогыд эз вов сэк: ыбса тыткаыд
көсйисис, но эз чөсмодышт шофёрыдлысь невестато! Мый
сэсса керан?

Ыбад од збылысь картофельто яблогон шуоны.
(Илля Вась.)

Удж: Изложениесо гижигон веськыд сёрнияссо ве-
жой косвеннойясон.

Сиктса рыв

Ромыдкодъ. Рывгорув.

Паччорын меліа,

Чөскыда, ныргорон

Мойдо съод кань.

Гөбөч выв лабичын

Ошиньлы паныда

Сатшвидзо нывкатор —

Шаньсыс од шань.

Бөрдөм ни ыждалом

Оз овлы некодыр:

Кынөмыс пөт кө

Да оз кынмы кок,

Кутшөмкө чача кө

Шедома ки улас,

Нывкаысь ылі сэк

Бергалө шог.

Юрсиыс дзугсьома,

Син водзас өшйома.

Вештыны оз удит —

Уджыс од тыр:

Колө со аканьсо

Пөрчөдны, пывсьөдны,

Чуманө пунктөмон

Гычөдны дыр.

Бать муніс коллысьны,

Мам петіс идрасыны.

Отнасөн турөдчө
Дзоляник ныв,
Лёзь юрсө лайкйөдлө,
Эзысь шы гөлөснас
Оз өмөй лөсьыда
Дитяыс сьыв?

Мам пырис керкаө,
Шыбитіс сукмансө,
Судзөдіс джадж дорсьыс
Карасин доз,
Биасис дзузганө,
Брус вылас лэптис да
Лөсьөдчис печкыны
Тэрмасигмоз.
Бура дыр нывка сэн
Мамыскөд тельөдчис,
Юасис, висьтасис,
Ноксис быд ног.
Бөрьяпом жугыльмис,
Пельөсө көкыльтчис.
Сьөлөмшөр-нылуклөн
Ун оз-ө лок?

Пырига улльөлөн
Нылөс мам вердыштіс,
Пөлатяс вольсьыштіс
Батьыслысь пась.
Юр улас сукманшой
Ёкмыльён суйыштіс:
Вод сэсса, рочакань,—
Вольпасьыд дась!

(Ю. Попова.)

Удж: Изложение гижигөн вайөдөй союзьястөм слож-
ной сёрникузяс.

Сонет

Ас чужан сиктөй — менам кок ув вуж:
Сэн көмтөм кока челядь дырөй лэбис,
Сэн быдман вынсө сетліс сиктса удж,
Сэсь аски кежлө нёняла ме эбөс.
Мед сьөд и шома, мед йики сора,
Но тан ме сөйлі медся чөскыд нянь.
И лолөй кыпид, сьөлөм вылам шань,
Ас сиктса морт кө гортас менө корас,

Зэв нимкодъ, шуасны кӧ мем бур кывъяс,
Да веськавла кӧ батылы пӧрысь сывъяс,
Да мамлысь бурсиӧмсӧ кӧ ог вудж.
Ме ассым шудӧс мӧдлаысь ог сывъяв:
Ме чужан сиктӧс ог вунӧдлы сӱтш,
И нимкодясьны сӱтӧг ме ог куж.

(А. Ванеев.)

Удж: Изложеннесӧ гижигӧн вайӧдӧй сложноподчинённой сёрникузяяс.

Ганскӧд разведкаын

Ганс вӧлі этша сёрниа. Ас йывсьыс немтор эз висътавлы, быттьӧ первой лун на фронт вылас. Войнаӧдз овлӧма Ленинградын. Сӱкӧд тшӧтш немечьяс тылӧ разведкаӧ мӧдӧдісны буретш менӧ.

Ок, и скӧралі, ок, и виді думӧн чӧв олысь Гансӧс! Ертъяс сералӧны ме вылын: «Оні пӧ, Семён, аслад кокъясӧн фрицъяс дорад мунан».

Воддза линияӧдз мянӧс кольӧдісны сапёръяс. Найӧ и чуткасян сутугаяс пыр петан туй лӧсьӧдӧмаӧсь. Кысыам лым пиӧд. Ганс водзын, ме бӧрсяныс. Ог сёрнитӧй. Кыкнаным еджыд халатаӧсь, кийн автоматъяс, бокын кинжалъяс ӧшалӧны.

Гашкӧ, быдса час пискӧдчим вӧрӧгъяс тылӧ. Ывлаас кӧдзыд, а меным жар, чужӧмысь пӧсь киссьӧ. Ачым думайта: кытчӧ, мися, тэ, немеч, менӧ нуӧдан? Синмӧс сы вылысь ог лӧдзлы. Быд пу, коді паныдасьліс мянлы, повзьӧдліс менӧ. Виас, мися, Гансыд, а ачыс немечьяс дорас кольччас.

Друг кыліс ӧдзӧс дзуртыштӧм шы. Ме зэвті сылань синъясӧс да аддзи ичӧтик мыльк, сӧсся кылім и тӧдтӧм сёрни. Мыльк водзвылӧ петісны кык немеч да мӧдісны кывзысьны, мыйкӧ, кылӧ, ас ногыс сёрнитӧны. Ми куйлам пу сайын, места вылысь ог вӧрзьӧй. Ӑти немечыс ракета сынӧдас лӧдзис. Вель дыр кежлӧ югдыліс гӧгӧр. Мӧдыс сяркнитіс автоматысь код тӧдас кытчӧ, и бара лои лӧнь.

Недыр сулалыштӧм бӧрын кыкнан мортыс бӧр пырисны, кытысь петалісны. Кӧдзыдыс, тыдалӧ, вӧтліс. Тадзи найӧ му пытшкӧ дзевӧм асланыс позйысь петалісны некымынысь. Ми куйлам да видзӧдам на бӧрся.

Ганс матыстчис ме дінӧ и пондіс шӧпкӧдны рочӧн: «Тайӧ пӧ землянка. Нельӧн и эмӧсь сәні, буракӧ. Ма-

тыстчам надзѳникѳн. Кор петасны, виам кыкнан салдатсѳ, а сѳссия уськѳдчам землянкаас. Сѳмын ставсѳ колѳ вѳчны шы ни тѳв, мед оз лѳптыны тревога».

Виччысьны ковмис регыд. Бара дзуртыштис ѳдзѳс, и миянлань пондисны матыстчыны кык салдат. Ми лѳсьѳдчим и ѳтпырйѳ уськѳдчим. Салдат, код вылѳ уськѳдчис Ганс, горѳднысѳ весиг эз удит, пѳрис лым пытшкас, бытъѳ косаѳн сйѳс керыштисны. И мѳдыскѳд ме ѳдйѳ справитчи.

Гурйыв восьтим землянка ѳдзѳс.

— Хѳндѳ хох!— горѳдис Ганс.

Тайѳ лои сѳтшѳм виччысьтѳмѳн, мый нар вылын пукалысь салдат пыр жѳ лѳптис кисѳ. Мѳдыс удитис лйыны, но некоднаннымлы эз веськав. Ми асьсѳ мѳдар югыдѳ мѳдѳдим, фашистсѳ.

Пленнѳйлысь кѳрталим кисѳ да коксѳ, вомас сйѳим кляп, мед оз вермы горзыны, сѳссия петкѳдим ывлаѳ, водтѳдим землянкаысь аддзѳм эшкын вылѳ, сьѳрысь босьтим нѳль автомат и бѳр мѳдѳдчим локтан туйѳд.

Тайѳ лоѳмтор бѳрас Ганс Брик йылысь некод нин лѳк эз шулы. Разведчикъяслы сйѳѳ лои вок кодь матыса.

(И. Коданѳв.)

Удж: Гижѳй изложениесѳ вводнѳй кывъясѳн да сѳрникузясѳн вѳдитчѳмѳн.

Ми шудаѳсь

Ми шудаѳсь, но югыд шудыс тайѳ
Эз ачыс усь, эм уналѳн сѳн пайыс.
Иван Куратов пемыдас на сьылис,
Мый аддзѳ нин, кыз рѳммѳ вѳртас йылыс.
Ми сетчим водзѳ. Каликова Домна
Сѳк юрсѳ пунктис, мичаник и том на.
И Виктор Савин сиктысь сиктѳ ветлис
Да медся тшыгѳм воас сьѳлѳм сетлис.
А ковмис вѳр, ѳд стрѳитчис странаным,
И тырыс козьналис Антон Карманов.
Война. Фашизм мед шуднымѳс эз помав,
Танк улѳ водис Михаил Шуктомов.
И ѳни ми ог кык ки вежынь олѳй:
Ми некытчѳ на дась вылас эг волѳй.

(Г. Юшков.)

Удж: Гижѳй изложениесѳ обособитѳм второстепеннѳй членъяс вайѳдѳмѳн.

ЮРИНДАЛЫСЬ

Водзкыв 2

I. Коми йӧзкостса поэзия

Нёрымӧ дядьӧ (<i>мойд</i>)	3
Ош да мужик (<i>мойд</i>)	12
Поп да казак (<i>мойд</i>)	14
Шыр кывтӧ-катӧ (<i>мойд</i>)	17
Руй-руй (<i>челядьлы мойд</i>)	22
Байкӧдигӧн (<i>нылы</i>)	23
Кокӧй, кокӧй, пышйы (<i>сьыланкыв</i>)	24
Пашӧ-пиӧ (<i>сьыланкыв</i>)	25
Круг шӧрын пӧ мича ныв сулалӧ (<i>сьыланкыв</i>)	26
Рытыввывсянь туча кыпӧдчӧ (<i>сьыланкыв</i>)	27
Коньӧрӧй да Ванькаӧй (<i>сьыланкыв</i>)	29
Шондӧй мамӧй (<i>сьыланкыв</i>)	30
Мӧдлапӧлын выль слӧбӧда тыдалӧ (<i>сьыланкыв</i>)	32
Гырысь нывъяс, майбыр нывъяс (<i>сьыланкыв</i>)	34
Гӧтырӧй менӧ оз любит (<i>сьыланкыв</i>)	35
Детина кынмӧ, мунӧ (<i>сьыланкыв</i>)	36
Милӧйӧй пӧ, милӧйӧй (<i>сьыланкыв</i>)	37
Кодӧ медлюбӧ (<i>сьыланкыв</i>)	38
Жӧниклы бӧрдӧм (<i>бӧрдӧдчанкыв</i>)	40
Фронт вылӧ усьӧм пилы (<i>бӧрдӧдчанкыв</i>)	40

II. Коми кыв

Синтаксис	43
Прӧстӧй предложение повторитӧм	43
Сложнӧй предложение	45
Сложносочинённӧй предложенияс	47
Сложноподчинённӧй предложенияс	55
Союзъястӧм сложнӧй предложенияс	70
Велӧдӧм темаяс повторитӧм	75
Грамматическӧй заданияс изложенияс	82

ИБ № 294

Анатолий Константинович Микушев
Евгений Александрович Игушев

КОМИ ЯЗЫК И НАРОДНАЯ ПОЭЗИЯ
(Учебное пособие)

На коми языке

Ответственный за выпуск А. П. Морозова. Технический редактор
З. А. Поздеева. Корректоры Э. Греггер, З. Габова

Сдано в набор 10/IV-1978 г. Подписано к печати 8/VI-1978 г. Бумага № 3.
Формат 84×108¹/₃₂. Усл. печ. л. 5,04. Уч.-изд. л. 5,22. Заказ № 2933. Тираж 3000.
Цена 15 коп. Коми книжное издательство. Сыктывкар, Дом печати.

г. Сыктывкар, Республиканская типография Управления по делам издательств,
полиграфии и книжной торговли Совета Министров Коми АССР.



15 көп.